

কড়ি ও কোমল ।



শ্রীরবীন্দ্রনাথ ঠাকুর ।



শ্রী আশুতোষ চৌধুরী কর্তৃক

সম্পাদিত ।



৩৬ নং কলেজস্ট্রীট, পীপল্‌স লাইব্রেরি হইতে

প্রকাশিত ।



মূল্য এক টাকা ।

କଳିକାତା

ଆଦି ବ୍ରାହ୍ମସମାଜ ଯନ୍ତ୍ରେ

ଶ୍ରୀକାଳିଦାସ ଚକ୍ରବର୍ତ୍ତୀ ଦ୍ଵାରା ମୁଦ୍ରିତ ।

୧୧ ନଂ ଅପର ଚିଂପୁର ରୋଡ ।

ସନ ୧୯୯୭ ।

উৎসর্গ।

শ্রীযুক্ত সত্যেন্দ্রনাথ ঠাকুর

দাদা মহাশয়

কর কমলেশু

স্মৃতি পত্র ।

বিষয় ।	পৃষ্ঠা ।
আগ	...
পুরাতন	...
নূতন	...
উপকথা	...
যোগিয়া	...
শরতের শুকতার	...
কাঙালিনী	...
ভবিষ্যতের রঙ্গভূমি	...
মথুরায়	...
'নের ছায়া	...
কাথায়	...
ধাস্তি	...
পাষাণী মা	...
হৃদয়ের ভাষা	...
বিদেশী ফুলের গুচ্ছ	...
বিষ্টি পড়ে টাপুর্ টুপুর্ নদী এল বাণ	...
স্নাত ভাই চম্পা	...

বিষয়		পৃষ্ঠা।
পুরোনো বট	...	৮৫
হাসিরাপি	...	৯৩
মা লক্ষ্মী	...	৯৬
আকুল আহ্বান	...	৯৯
মায়ের আশা	...	১০১
পত্র	...	১০৩
পত্র	...	১০৭
জন্মতিথির উপহার	...	১১১
চিঠি	...	১১৪
পত্র	...	১২২
পত্র	...	১৩১
বিরহীর পত্র	...	১৩৮
পত্র	...	১৪১
পত্র	...	১৫১
পত্র	...	১৫৫
সৈন্য	...	১৫৯
পাখীর পানক	...	১৬৩
আশীর্বাদ	...	১৬৬
বসন্ত অবসান	...	১৭০
কবিতা	...	১৭৩

বিষয়		পৃষ্ঠা
বিরহ	...	১৭৫
বাকি	...	১৭৮
বিলাপ	...	১৭৯
সারাবেলা	...	১৮১
আকাজকা	...	১৮২
তুমি	...	১৮৪
ভুল	...	১৮৬
কো তুঁহ	...	১৮৮
গান	...	১৯১
ছোট ফুল	...	১৯২
যৌবন স্বপ্ন	...	১৯৩
কণিক মিলন	...	১৯৪
গীতোচ্ছাস	...	১৯৫
স্তন (১)	...	১৯৬
স্তন (২)	...	১৯৭
চুপন	...	১৯৮
বিবসনা	...	১৯৯
বাহু	...	২০০
চরণ	...	২০১
হৃদয় আকাশ	...	২০২

বিষয়		পৃষ্ঠা।
অঞ্চলের বাতাস	...	২০৩
দেহের মিলন	...	২০৪
তমু	...	২০৫
স্মৃতি	...	২০৬
হৃদয়-আসন	...	২০৭
কল্পনার সাথী	...	২০৮
হাসি	...	২০৯
চিত্রপটে নিদ্রিতা রমণীর চিত্র	...	২১০
কল্পনা-মধুপ	...	২১১
পূর্ণ মিলন	...	২১২
শ্রান্তি	...	২১৩
বন্দী	...	২১৪
কেন	...	২১৫
মোহ	...	২১৬
পবিত্র প্রেম	...	২১৭
পবিত্র জীবন	...	২১৮
সরীচিকা	...	২১৯
গান রচনা	...	২২০
সন্ধ্যার বিদায়	...	২২১
কাদি	...	০২২৬

বিষয়।		পৃষ্ঠা।
বৈতরণী	...	২২৩
মানব-হৃদয়ের বাসনা	...	২২৪
সিদ্ধ গর্ভ	...	২২৫
কুদ্ৰ অনন্ত	...	২২৬
সমুদ্ৰ	...	২২৭
অন্তমান রবি	...	২২৯
অস্তাচলের পরপারে	...	২৩০
প্রত্যাশা	...	২৩১
স্বপ্নরুদ্ধ	...	২৩২
অক্ষমতা	...	২৩৩
জাগিবার চেষ্টা	...	২৩৪
কবির অহঙ্কার	..	৩৩৫
বিজনে	...	২৩৬
সিদ্ধতীরে	...	২৩৭
সত্য (১)	...	২৩৮
সত্য (২)	...	২৩৯
আত্মাভিমান	...	২৪০
আত্ম অপমান	...	২৪১
কুদ্ৰ আমি	...	২৪২
প্রার্থনা	...	২৪৩

বিষয় ।

পৃষ্ঠা ।

বাসনার ফাঁদ

...

...

২৪৪

চিরদিন

...

২৪৫

বঙ্গ ভূমির প্রতি

...

২৪৯

বঙ্গবাসীর প্রতি

...

২৫১

আহ্বান গীত

...

২৫৩

শেষ কথা

...

২২০

— — —

প্রাণ ।

মরিতে চাহি না আমি সুন্দর ভুবনে,
মানবের মাঝে আমি বাঁচিবারে চাই !
এই সূর্য্য করে এই পুষ্পিত কাননে,
জীবন্ত হৃদয় মাঝে যদি স্থান পাই !
ধরায় প্রাণের খেলা চির তরঙ্গিত,
বিরহ মিলন কত হাসি অশ্রময়,—
মানবের স্নেহে দুঃখে গাঁথিয়া সঙ্গীত
যদি গো রচিতে পারি অমর আলয় !
তা যদি না পারি তবে বাঁচি যত কাল
তোমাদের মাঝখানে লভি যেন ঠাই,
তোমরা তুলিবে বলে সকাল বিকাল
• নব নব সঙ্গীতের কুসুম ফুটাই !
হাসি মুখে নিও ফুল, তার পরে হার
ফেলে দিও ফুল, যদি সে ফুল শুকায় !

কড়ি ও কোমল ।



পুরাতন ।

হেথা হতে যাও, পুরাতন !

হেথায় নূতন খেলা আরম্ভ হয়েছে

আবার বাজিছে বাঁশি,

আবার উঠেছে হাসি,

বসন্তের কাতাস বয়েছে।

সুনীল আকাশ পরে

গুহ্র মেঘ ধরে ধরে

শ্রান্ত যেন রবির আলোকে—

পাখীরা বাজিছে পাখা,

কাঁপিছে তরুর শাখা,

খেলাইছে বালিকা বাগকে।

সমুখের সরোবরে
 আলো ঝিকমিক করে—
 ছায়া কাঁপিতেছে থরথর,—
 জলের পানেতে চেয়ে
 ঘাটে বসে আছে মেয়ে—
 শুনিছে পাতার মরমর!
 কি জানি কত কি আশে
 চলিয়াছে চারি পাশে
 কত লোক কত স্মৃতি দুখে!
 সবাই ত ভুলে আছে—
 কেহ হাসে কেহ নাচে,
 -তুমি কেন দাঁড়াও সমুখে!
 বাতাস যেতেছে বহি
 তুমি কেন রহি রহি
 তারি মাঝে ফেল দীর্ঘশ্বাস।
 সূদূরে বাজিছে বাঁশি,
 তুমি কেন ঢাল' আসি
 তারি মাঝে বিলাপ উচ্ছ্বাস।

উঠেছে প্রভাত রবি,
 অঁকিছে সোনার ছবি,
 তুমি কেন ফেল তাহে ছায়া !
 বারেক যে চলে যায়,
 তারেত কেহ না চায়,
 তবু তার কেন এত মায়া !
 তবু কেন সন্ধ্যাকালে
 জলদের অন্তরালে
 লুকায়ে, ধর্ম্মর পানে চায়—
 নিশীথের অন্ধকারে
 পুরাণো ঘরের দ্বারে
 কেন এসে পুন ফিরে যায় !
 কি দেখিতে আসিয়াছ !
 যাহা কিছু ফেলে গেছ
 কে তাদের করিবে যতন !
 অরুণের চিহ্ন যত
 ছিল পড়ে দিন-কত
 ঝরে-পড়া গাভীর মতন !

আজি বসন্তের বায়
 একেকটি করে হায়
 উড়িয়ে ফেলিছে প্রতি দিন ;
 ধূলিতে মাটিতে রহি
 হাসির কিরণে দহি
 ক্ষণে ক্ষণে হতেছে মলিন ।
 ঢাক তবে ঢাক মুখ
 নিরে যাও সুখ দুখ
 চেয়ো না চেয়ো না ফিরে ফিরে ।
 হেথায় আশ্রয় নাহি ;
 অনন্তের পানে চাহি
 অঁধারে মিলাও ধীরে ধীরে !

নূতন ।

হেথাও ত পশে সূর্য্যকর !

ঘোর ঝটিকার রাতে

দারুণ অশনি পাতে

বিদীরিল যে গিরি-শিখর—

বিশাল পর্ব্বত কেটে,

পাষণ-হৃদয় ফেটে,

প্রকাশিল যে ঘোর গহ্বর—

প্রভাতে পুলকে ভাসি,

বহিয়া নবীন হাসি,

হেথাও ত পশে সূর্য্যকর !

দুয়ারেতে উঁকি মেরে

ফিরে ত যায় না সে রে,

শিহরি উঠে না আশঙ্কায়,

ভাঙ্গা পাষণের বুকে

খেলা করে কোন্ সুখে,

হেসে আসে, হেসে চলে যায় !

কড়ি ও কোমল ।

হের হের, হায়, হায়,
 যত প্রতিদিন যায়—
 কে গাঁথিয়া দেয় তুণ জাল !
 লতাগুলি লতাইয়া,
 বাহুগুলি বিথাইয়া
 ঢেকে ফেলে বিদৌর্ণ কঙ্কাল ।
 বজ্রদগ্ধ অতীতের—
 নিরাশার অতিথের—
 ঘোর স্তব্ধ সমাধি আবাস,—
 ফুল এসে, পাতা এসে
 কেড়ে নেয় হেসে হেসে,
 অক্লকারে করে পরিহাস !
 এরা সব কোথা ছিল !
 কেই বা সংবাদ দিল !
 গৃহ-হারী আনন্দের দল—
 বিখে তিল শূন্য হর্লে,
 অনাহুত আসে চলে,
 বাসা বাঁধে করি কৌলান্দহ ।

আনে হাসি, আনে গান,
 আনিরে নূতন প্রাণ,
 সঙ্গে করে আনে রবিকর,
 অশোক শিশুর প্রায়
 এত হাসে এত গায়
 কাঁদিতে দেয় না অবসর ।
 বিষাদ বিশাল কায়া
 ফেলেছে অঁধার ছায়া
 তারে এরা করে না ত ভয়,
 চারি দিক হতে তারে
 ছোট ছোট হাসি মারে,
 অবশেষে করে পরাজয় ।

এই যে রে মরুস্থল,
 দাব-দগ্ধ ধরাভল,
 এই খানে ছিল “পুরাতন,”
 এক দিন ছিল তার
 শ্যামল-যৌবন ভার,
 ছিল আর দক্ষিণ-পবন ।

যদি রে সে চলে গেল,
 সঙ্গে যদি নিয়ে গেল
 গাত গান হাসি ফুল ফল,
 গুঞ্চ-স্মৃতি কেন মিছে
 রেখে তবে গেল পিছে,
 গুঞ্চ শাখা গুঞ্চ ফুলদল !
 সে কি চায় গুঞ্চ বনে
 গাহিবে বিহঙ্গগণে
 আগে তারা গাহিত যেমন ?
 আগেকার মত ক'রে
 স্নেহ তার নাম ধ'রে
 উচ্ছসিবে বসন্ত পবন ?
 নহে নহে, সে কি হয় !
 সংসার জীবনময়,
 নাহি হেথা মরণের স্থান।
 আয়রে, নূতন, আয়,
 সঙ্গে করে নিয়ে আয়,
 তোর সুখ, তোর হাসি গান ।

ফোটা' নব ফুল চর,
 ওঠা' নব কিশলয়,
 নবীন বসন্ত আয় নিয়ে ।
 যে যায় সে চলে যাক,
 সব তার নিয়ে যাক,
 নাম তার যাক মুছে দিয়ে ।

এ কি ঢেউ-খেলা হয়,
 এক আসে, আর যায়,
 কাদিতে কাদিতে আসে হাসি,
 বিলাপের শেষ তান
 না হইতে অবসান
 কোথা হতে বেজে ওঠে বাঁশি !
 আরে কাদিয়া লই,
 শুকাবে দু দিন বই
 এ পবিত্র অশ্রুবারি ধারা ।
 সংসারে ফিরিব ভুলি,
 ছোট ছোট সুখগুলি
 রচি দিবে আনন্দের কারা ।

না রে, করিব না শোক,
এসেছে নূতন লোক,
তারে কে করিবে অবহেলা !
সেও চলে যাবে কবে,
গীত গান সঙ্গ হবে,
ফুরাইবে দুদিনের খেলা ।

উপকথা ।

মেঘের আড়ালে বেলা কখন যে যায়,
বৃষ্টি পড়ে সারাদিন থামিতে না চায় ।

আর্দ্র-পাখা পাখীগুলি
গীতগান গেছে ভুলি,
নিস্তকে ভিজছে তরুলতা ।

বসিয়া অঁধার ঘরে
বরষার ঝরঝরে
মনে পড়ে কত উপকথা !

কভু মনে লয় হেন
এ সব কাহিনী যেন
সত্য ছিল নবীন জগতে ।

উড়ন্ত মেঘের মত
ঘটনা ঘটত কত,
সংসার উড়িত মনোরথে ।

রাজপুত্র অবহেলে
কোন্ দেশে যেত চলে,
কত নদী কত সিন্ধু পার !

সরোবর ঘাট আলা
 মণি হাতে নাগবালা
 বসিয়া বাঁধিত কেশ ভার ।
 সিন্ধুতীরে কতদূরে
 কোন্ রাক্ষসের পুরে
 যুমাইত রাজার ঝিয়ারি ।
 হাসি তার মণিকণা
 কেহ তাহা দেখিত না,
 মুকুতা ঢালিত অশ্রুবারি ।
 সাত ভাই একত্রে
 চাঁপা হয়ে ফুটিত রে
 এক বোন ফুটিত পারুল ।
 সম্ভব কি অসম্ভব
 একত্রে আছিল সব
 দুটি ভাই সত্য আর ভুল ।
 বিশ্ব নাহি ছিল বাঁধা
 না ছিল কঠিন বাধা
 নাহি ছিল বিধির বিধান,

হাসি কান্না লঘুকায়
 শরতের আলো ছায়া
 কেবল সে ছুঁয়ে যেত প্রাণ ।
 আজি ফুরিয়েছে বেলা,
 জগতের ছেলেখেলা,
 গেছে আলো-অঁধারের দিন ।
 আর ত নাইরে ছুটি,
 মেঘ রাজ্য গেছে টুটি,
 পদে পদে নিয়ম-অধীন ।
 মধ্যাহ্নে রবির দাপে
 বাহিরে কে রবে তাপে
 আলয় গড়িতে সবে চায় ।
 যবে হয় প্রাণপণ
 করে তাহা সমাপন
 খেলারই অন্তন ভেঙ্গে যায় !

যোগিয়া ।

বহুদিন পরে আজি মেঘ গেছে চ'লে,
রবির কিরণ সুধা আকাশে উথলে ।

শিথিল শ্যাম পত্রপুটে
আলোক ঝলকি উঠে,
পুলক নাচিছে গাছে গাছে ।

নবীন যৌবন যেন
প্রেমের মিলনে কাঁপে,
আনন্দ বিদ্যুৎ-আলো নাচে ।

জুঁই সরোবর তীরে
নিশ্বাস ফেলিয়া ধীরে
ঝরিয়া পড়িতে চায় ভূঁয়ে,
অতি মৃদু হাসি তার ;
বরষার বুষ্টিধার
গন্ধটুকু নিয়ে গেছে ধূরে ।

আজিকে আপন প্রাণে
না-জানি বা কোন্‌ খানে
যোগিয়া রাগিণী গান 'করে !

ধারে ধীরে সুর তার
 মিলাইছে চারি ধার
 আচ্ছন্ন করিছে প্রভাতেরে ।
 গাছপালা চারি ভিতে
 সঙ্গীতের মাধুরীতে
 মগ্ন হ'য়ে ধরে স্বপ্নছবি !
 এ প্রভাত মনে হয়
 আরেক প্রভাতময়,
 রবি যেন আর কোন রবি !
 ভাবিতেছি মনে মনে
 কোথা কোন উপবনে
 কি ভাবে সে গাইছে না জানি,
 চোখে তার অশ্রু রেখা,
 একটু দেছে কি দেখা,
 ছড়ায়েছে চরণ ছুখানি !
 তার কি পায়ের কাছে
 বাঁশিটি পড়িয়া আছে—
 আলো ছায়া পড়েছে কুপোলে ।

মলিন মালাটি তুলি
 ছিঁড়ি ছিঁড়ি পাতাগুলি
 ভাসাইছে সরসীর জলে !
 বিষাদ কাহিনী তার
 সাধ যায় শুনিবার,
 কোন্‌ খানে তাহার ভবন !
 তাহার অঁাথির কাছে
 যার মুখ জেগে আছে
 তাহারে বা দেখিতে কেমন ।
 একিরে আকুল ভাষা !
 প্রাণের নিরাশ আশা
 পল্লবের মর্ম্বরে মিশালো ।
 না-জানি কাহারে চায়
 তার দেখা নাহি পায়
 স্নান তাই প্রভাতের আলো ।
 এমন কতনা প্রাতে
 চাহিয়া আকাশ পাতে
 কত লোক ফেলেছে বিঃখাস,

সে সব প্রভাত গেছে
 তা'রা তার সাথে গেছে
 লয়ে গেছে হৃদয়-হতাশ ।
 এমন কত না আশা
 কত স্নান ভালবাসা
 প্রতিদিন পড়িছে ঝরিয়া,
 তাদের হৃদয় ব্যথা
 তাদের মরণ-গাথা
 কে গাইছে একত্র করিয়া ।
 পরস্পর পরস্পরে
 ডাকিতেছে নাম ধরে
 কেহ তাহা শুনিতে না পায় ।
 কাছে আসে বসে পাশে,
 উবুও কথা না ভাবে
 অশ্রুজলে ফিরে ফিরে যায় ।
 চায় তবু নাহি পায়
 অবশেষে নাহি চায়,
 অবশেষে নাহি পায় গান,

ধীরে ধীরে শূন্য হিয়া
বনের ছায়ার গিরা
মুছে আসে সজল নয়ান ।

শরতের শুকতারা ।

একাদশী রজনী

পোহায় ধীরে ধীরে ;—

রাঙা মেঘ দাঁড়ায়

উষারে খিরে খিরে ।

ক্ষীণচাঁদ নভের

আড়ালে যেতে চায়,—

মাঝখানে দাঁড়ায়ে

কিনারা নাহি পায় ।

বড় ম্লান হয়েছে

চাঁদের মুখখানি,

আপনাতে আপনি

মিশাবে অসুমানি ।

হের দেখ কে ওই

এসেছে তার কাছে,—

শুকতারা চাঁদের

মুখেতে চেয়ে আছে ।

মরি মরি কে তুমি
 একটুখানি প্রাণ,
 কি না-জানি এনেছ
 করিতে ওরে দান !
 চেয়ে দেখ আকাশে
 আর ত কেহ নাই,
 তারা যত গিয়েছে
 যে যার নিজ ঠাই ।
 মাথীহারা চন্দ্রমা
 হেরিছে চারিধার,
 শূন্য আছা নিশির
 বাসর ঘর তার !
 শরতের প্রভাতে
 বিমল মুখ নিয়ে
 তুমি শুধু রয়েছ
 শিয়রে দাঁড়াইয়ে ।
 ও হয়ত দেখিতে
 পেলেনা মুখ তোর !

ও হয়ত আপন

স্বপনে আছে ভোর !

ও হয়ত তারার

খেলার গান গায়,

ও হয়ত বিরাগে

উদাসী হতে চায় !

ও কেবল নিশির

হাসির অবশেষ !

ও কেবল অতীত

সুখের স্মৃতিলেশ !

দ্রুতপদে তাহার।

কোথায় চলে গেছে—

সাথে যেতে পারেনি

পিছনে পড়ে আছে !

কত দিন উঠেছ

নিশির শেষাশেষি,

দেখিয়াছ চাঁদেতে

তারাতে মেশামেশি ।

দুই দণ্ড চাহিয়া

আবার চলে যেতে,

মুখখানি লুকাতে

উষার অঁচলেতে ।

পুরবের একান্তে

একটু দিয়ে দেখা,

কি ভাবিয়া তখনি

ফিরিতে একা একা ।

আজ তুমি দেখেছ

টাদের কেহ নাই,

স্নেহময়ি, আপনি

এসেছ তুমি তাই !

দেহখানি মিলায়

মিলায় বুঝি তার !

হাসিটুকু রহে না

রহে না বুঝি আর !

দুই দণ্ড পরে ত

রবে না কিছু হায় !

কোথা তুমি, কোথায়

চাঁদের ক্ষীণকায় !

কোলাহল তুলিয়া

গরবে আসে দিন,

ছুটি ছোট প্রাণের.

লিখন হবে লীন ।

সুখ শ্রমে মলিন

চাঁদের একসনে

নবপ্রেম মিলাবে

কাহার হবে মনে !

কাঙালিনী ।

আনন্দময়ীর আগমনে,

আনন্দে গিয়েছে দেশ ছেয়ে ।

হের ওই ধনীর দুয়ারে

দাঁড়াইয়া কাঙালিনী মেয়ে !

উৎসবের হাসি-কোলাহল

শুনিতে পেয়েছে ভোর বেলা,

নিরানন্দ গৃহ তেয়াগিয়'

তাই আজ বাহির হইয়া

আসিয়াছে ধনীর দুয়ারে

দেখিবারে আনন্দের খেলা ।

বাজিতেছে উৎসবের বাঁশী

ফানে তাই পশিতেছে আসি,

স্নান চোখে তাই ভাসিতেছে

হ্রাশার স্নেহের স্বপন ;

চারি দিকে প্রভাতের আলো

অমনে লেগেছে বড় ভালো,

আকাশেতে মেঘের মাঝারে

শরতের কনক তপন !

কত কেঁ যে আসে, কত খায়,

কেহ হাসে, কেহ গান পায়,

কত বরণের বেশ ভূষা—

বলকিছে কাঞ্চন-রতন,—

কত পরিজন দাস দাসী,

পুষ্প পাতা কত রাশি রাশি,

চোখের উপরে পড়িতেছে

মরীচিকা-ছবির মতন !

হের তাই রহিয়াছে চেয়ে

শূন্যমনা কাঙালিনী মেয়ে ।

গুনেছে সে, মা এসেছে ঘরে,

তাই বিশ্ব আনন্দে ভেসেছে,

মার মায়া, পায়নি কখনো,

মা কেমন দেখিতে এসেছে !

তাই বুঝি অঁাখি ছলছল,
 বাপ্পে ঢাকা নয়নের তারা !
 চেয়ে ঘেনমার মুখ পানে
 বালিকা কাতর অভিমানে
 বলে,—“মা গো এ কেমন ধারা !
 এত বাঁশী, এত হাসিরাশি,
 এত তোর রতন-ভূষণ,
 তুই যদি আগার জননী,
 মোর কেন মলিন বসন !”

ছোট ছোট ছেলে মেয়েগুলি
 তাই বোন করি গলাগলি,
 অঙ্গনেতে নাচিতেছে ওই ;
 বালিকা ছুয়ারে হাত দিয়ে,
 তাদের হেরিছে দাঁড়াইয়ে,
 ভাবিতেছে নিখাস ফেলিয়ে
 আমি ত ওদের কেহ নই !

স্নেহ ক'রে আমার জননী
পরায়ে ত দেয়নি বসন,
প্রভাতে কোলেতে ক'রে নিয়ে
মুছায়ে ত দেয়নি নয়ন !”

আপনার ভাই নেই ব'লে
ওরে কিরে ডাকিবে না কেহ !
আর কারো জননী আসিয়া
ওরে কি রে করিবে না স্নেহ !
ওকি শুধু ছয়ার ধরিয়া
উৎসবের পানে রবে চেয়ে,
শূন্যমনা কাঙালিনী মেয়ে !

ওর প্রাণ অঁধার যখন
করুণ গুনায় বড় বাঁশী,
ছয়ারেতে সজল নয়ন
এ বড় নিষ্ঠুর হাসিরাশি !
আজি এই উৎসবের দিনে
কত লোক ফেঁলে অশ্রুধার,

গেহ নেই, স্নেহ নেই, অাহা,
 সংসারেতে কেহ নেই তার !
 শূন্যহাতে গৃহে যায় বেহ
 ছেলেরা ছুটিয়া আসে কাছে,
 কি দিবে কিছুই নেই তার
 চোখে শুধু অশ্রু-জল আছে !
 অনাথা ছেলেরে কোলে নিবি
 জননীরা আয় তোরা সব,
 মাতৃহারা মা যদি না পায়
 তবে আজ কিসের উৎসব !
 দ্বারে যদি থাকে দাঁড়াইয়া
 ম্লানমুখ বিষাদে বিরস,—
 তবে মিছে সহকার-শাখা
 তবে মিছে মঙ্গল কলস !

ভবিষ্যতের রঙ্গভূমি ।

সম্মুখে র'য়েছে পড়ি যুগ-যুগান্তর ।

অসীম নীলিমে লুটে

ধরণী ধাইবে ছুটে,

প্রতিদিন আসিবে, যাইবে রবিকর ।

প্রতিদিন প্রভাতে জাগিবে নরনারী,

প্রতি সন্ধ্যা শ্রান্ত দেহে

ফিরিয়া ফুাসিবে গেছে,

প্রতিরাত্রে তারকা ফুটিবে সারি সারি ।

কত আনন্দের ছবি, কত সুখ আশা,

আসিবে যাইবে, হায়,

সুখ-স্বপনের প্রায়

কত প্রাণে জাগিবে, মিলাবে ভালবাসা ।

তখনো ফুটিবে হেসে কুসুম কানন,

তখনো রে কত লোকে

কত নিক্ত চন্দ্রালোকে

আঁকিবে আকাশ-পুটে সুখের স্বপন

নিবিলে দিনের আলো, সন্ধ্যা হলে, নিতি

বিরহী নদীর ধারে

না-জানি ভাবিবে কা'রে !

না-জানি সে কি কাহিনী—কি সুখ—কি স্মৃতি

দূর হতে আসিতেছে—শুন কান পেতে—

কত গান, সেই মহা-রঙ্গভূমি হতে !

কত যৌবনের হাসি,

কত উৎসবের বাঁশী,

তরঙ্গের কলধ্বনি প্রমোদের শ্রোতে !

কত মিলনের গীত, বিরহের স্বাস,

তুলেছে মর্ম্মর তান বসন্ত-বাতাস,

সংসারের কোলাহল

ভেদ করি অবিরল

লক্ষ নব কবি ঢালে প্রাণের উচ্ছ্বাস !

ওই দূর খেলাঘরে খেলাই'ছ কা'রা !

উঠেছে মাথার পুরে আশাদেহি তারা ।

আমাদেরি ফুলগুলি
সেথাও নাচি'ছে ছলি,
আমাদেরি পাখীগুলি গেরেই হল সারা !
ওই দূর খেলাঘরে করে আনাগোনা,
হাসে কঁাদে কত কে যে নাহি যায় গণা !
আমাদের পানে, হারি,
ভুলেও ত নাহি চায়,
মোদের ওরা ত কেউ ভাই বলিবে না ।
ওই সব মধুমুখ অমৃত-সদন,
না জানি রে আর কা'রা করিবে চূষন !
সরময়ীর পাশে
বিজড়িত আধ-ভাষে
আমরা ত শুনাব না প্রাণের বেদন !
আমাদের খেলাঘরে কা'রা খেলাইছ !
সঙ্গ না হইতে খেলা
চ'লে এমু সূক্কে বেলা,
ধূলির সে ঘর ভেঙ্গে কোথা ফেলাইছ !

হোথা, যেথা বসিতাম মোরা দুই জন,

হাসিয়া কাঁদিয়া হত মধুর মিলন,

মাটিতে কাটিয়া রেখা

কত লিখিতাম লেখা,

কে তোরা মুছিলি সেই সাধের লিখন !

স্বধাময়ী মেয়েটি সে হোথায় লুটিত,

চুমো খেলে হাসিটুকু ফুটিয়া উঠিত !

তাই রে মাধবীলতা

মাথা তুলেছিল হোথা ;

ভেবেছিল চিরদিন রবে মুকুলিত ।

কোথায় রে—কে তাহারে করিলি দলিত !

ওই যে শুকান ফুল ছুঁড়ে ফেলে দিলে,

উহার মরম কথা বুঝিতে নারিলে ।

ও যে দিন ফুটেছিল,

নব রবি উঠেছিল,

কানন মাতিয়াছিল বসন্ত অনিলে !

ওই যে শুকায় চাপা প'ড়ে একাকিনী,

তোমরা ত জানিবে না উহার কাহিনী !

কবে কোন্ সন্ধেবেলা
ওরে তুলেছিল বালা,
ওরি মাঝে বাজে কোন্ পূর্ববী রাগিনী !
যা'রে দিয়েছিল ওই ফুল উপহার,
কোথায় সে গেছে চ'লে, সেত নেই আর !

একটু কুসুমকণা
তা ও নিতে পারিল না,
ফেলে রেখে যেতে হল মরণের পার !
কত সুখ, কত ব্যথা,
সুখের দুখের কথা
মিশিছে ধুলির সাথে ফুলের মাঝার !

মিছে শোক, মিছে এই বিলাপ কাতর,
সন্মুখে'রয়েছে প'ড়ে যুগ যুগান্তর !

মথুরায় ।

মিশ্রকাফি—একতাল।

বাঁশরী বাজাতে চাহি

বাঁশরী বাজিল কই ?

বিহরিছে সমীরণ,

কুহরিছে পিকগণ,

মথুরার উপবন

কুসুমে সাজিল ওই ।

বাঁশরী বাজাতে চাহি

বাঁশরী বাজিল কই ?

বিকচ বকুল ফুল

দেখে যে হতেছে ভুল,

কোথাকার অলিকুল

গুঞ্জে কোথায় !

এ নহে কি বৃন্দাবন ?

কোথা সেই চন্দ্রানন,

ওই কি নূপুর-ধ্বনি

বন-পথে শুনা যায় ?

একা আছি বনে বসি,

পীতধড়া পড়ে খসি,

সোঙরি সে মুখ-শশী

পরাণ মজিল, সই !

বাঁশরী বাজাতে চাহি

বাঁশরী বাজিল কই ?

একবার রাধে রাধে

ডাক্ বাঁশী মনোসাধে,

আজি এ মধুর চাঁদে

মধুর যামিনী ভায় ।

কোথা সে বিধুরা বালী,

মলিন মালতী-মালা,

হৃদয়ে বিরহ-জ্বালা

এ নিশি গোহাঙ্গ, হায় !

কবি যে হল আকুল,
এ কি রে বিধির ভুল !

মথুরায় কৈন ফুল

ফুটেছে আজি লো সই !

বাঁশরী বাজাতে গিয়ে

বাঁশরী বাজিল কই ?

বনের ছায়া ।

কোথারে তরুর ছায়া,

বনের শ্যামল স্নেহ !

তট-তরু কোলে কোলে

সারাদিন কল রোলে

স্রোতস্বিনী যায় চোলে

সুদূরে সাধের গেহ ;

কোথারে তরুর ছায়া

বনের শ্যামল স্নেহ !

কোথারে সুনীল দিশে

বনাস্ত রয়েছে মিশে,

অনন্তের অনিমিষে

নয়ন নিমেষ-হারা !

দূর হতে বায়ু এসে

চলে যায় দূর-দেশে,

গীত গান যায় ভেসে

কোন্ দেশে যায় তারা

হাসি, বাঁশি, পরিহাস,
 বিমল সুখের শ্বাস,
 মেলা-মেরী বারো মাস
 নদীর শ্যামল তীরে ;
 কেহ খেলে, কেহ দোলে,
 ঘুমায় ছায়ার কোলে,
 বেলা শুধু যায় চোলে
 কুলু কুলু নদী নীরে ।
 ককুল কুড়োয় কেহ
 কেহ গাঁথে মালাধানি ;
 ছায়াতে ছায়ার প্রায়
 বসে বসে গান পায়,
 করিতেছে কে কোথায়
 চুপি চুপি কানাকানি !
 খুলে গেছে চুলগুলি,
 বাধিতে গিয়েছে তুলি,
 আঙ্গুলে ধরেছে তুলি
 আঁখি পাছে ঢেকে যায়,

কাকন খসিয়া গেছে

খুঁজিছে গাছের ছায় !

বনের মর্মের মাঝে

বিজনে বাঁশরী বাজে,

তারি সুরে মাঝে মাঝে

যুঘু দুটি গান গায় ।

বুরু বুরু কন্ত পাতা

গাহিছে বনের গাথা,

কত না মনের কথা

তারি সাথে মিশে যায় !

লতা পাতা কতশত

খেলে কাঁপে কত মত,

ছোট ছোট আলোছায়া

ঝিকিমিকি বন ছেলে,

তারি সাথে তারি মত

খেলে কত ছেলে মেয়ে !

কোথায় সে গুন্ গুন্
 ঝর ঝর মরমর,
 কোথা সে মাথার পরে
 লতাপাতা ধরধর !
 কোথায় সে ছায়া আলো,
 ছেলে মেয়ে, খেলাধুলি,
 কোথা সে ফুলের মাঝে
 এলোচুলে হাসিগুলি !
 কোথারে সরল প্রাণ,
 গভীর আমল গান,
 অসীম শান্তির মাঝে
 প্রাণের সাধের গেহ,
 তরুর শীতল ছায়া
 বনের শ্যামল স্নেহ !

কোথায় !

হায়, কোথা যাবে !

অনন্ত অজানা দেশ, নিতান্ত যে একা তুমি,

পথ কোথা পাবে !

হায়, কোথা যাবে ।

কঠিন বিপুল এ জগৎ,

খুঁজে নেয় যে যাহার পথ ।

স্নেহের পুতলি তুমি সহসা অসীমে গিয়ে

কার মুখে চাবে !

হায় কোথা যাবে !

মোরা কেহ সাথে রহিব না,

মোরা কেহ কথা কহিব না ।

নিমেষ যেমনি যাবে, আমাদের ভালবাসা

আর নাহি পাবে ।

হায় কোথা যাবে !

মোরা বসে কাঁদিব হেথায়,
 শূন্যে চেয়ে ডাকিব তোমায় ;
 মহা সে বিজন য়ারে হয় ত বিলাপধ্বনি
 য়ারে য়ারে গুনিবারে পাবে,
 হায়, কোথা যাবে !

দেখ, এই ফুটিয়াছে ফুল,
 বসন্তেরে করিছে আকুল ;
 পুরান' স্মৃতির স্মৃতি বাতাস আনিছে নিতি
 কত স্নেহ ভাবে,
 হায়, কোথা যাবে !

খেলা ঘূলা পড়ে না কি মনে,
 কত কথা স্নেহের স্মরণে !
 স্মৃতি স্মৃতি শত ফেরে সে কথা অড়িত যে রে,
 সেও কি কুরাবে !
 হায়, কোথা যাবে !

চির দিন তরে হবে পর !

এ ঘর রবে না তব ঘর !

যারা ওই কোলে যেত, তারাও, পরের মত !

বারেক ফিরেও নাহি চাবে !

হায় কোথা যাবে !

হায় কোথা যাবে !

যাবে যদি, যাও যাও, অশ্রু তবে মুছে যাও,

এইখানে দুঃখ রেখে যাও !

যে বিশ্রাম চেয়েছিলে, তাই যেন সেথা মিলে,

আরামে ঘুমাও !

যাবে যদি, যাও !

শান্তি ।

থাক্ থাক্ চুপ কর তোরা,

ও আমার ঘুমিয়ে পড়েছে !

আবার যদি জেগে ওঠে বাছা

কান্না দেখে কান্না পাবে যে !

কত হাসি হেসে গেছে ও,

যুছে গেছে কত অশ্রুধার,

হেসে কেঁদে আজ ঘুমোলো,

ওরে তোরা কাঁদাসুনে আর !

কত রাত গিয়েছিল হায়,

বয়েছিল বসন্তের বায়,

পূবের জানালা খানি দিবে

চন্দ্রালোক পড়েছিল গায় ;

কত রাত গিয়েছিল হায়,

দূর হতে বেজেছিল বাঁশি,

সুরগুলি কেঁদে ফিরেছিল

বিছানার কাছে কাছে আসি !

কত রাত গিয়েছিল হায়
 কোলেতে শুকান' ফুলমালা
 নত মুখে উলটি পালটি
 চেয়ে চেয়ে কেঁদেছিল বালা !
 কতদিন ভোরে, শুকতারা
 উঠেছিল ওর অঁধি পরে,
 স্নমুখের কুসুম কাননে
 ফুল ফুটেছিল থরে থরে ।
 একটি ছেলের কোলে নিয়ে
 বলেছিল সোহাগের ভাষা,
 কারেও বা ভালবেসেছিল,
 পেয়েছিল কারো ভালবাসা !
 হেসে হেসে গলাগলি করে
 খেলেছিল যাহাদের নিয়ে,
 আজো তারা ওই খেলা করে,
 ওর খেলা গিয়েছে ফুরিয়ে !
 সেই রুবি উঠেছে সকালে.
 ফুটেছে স্নমুখে সেই ফুল,

ও কখন খেলাতে খেলাতে

মাঝখানে ঘুমিয়ে আকুল !

শ্রান্ত দেহ, নিষ্পন্দ নয়ন,

ভুলে গেছে হৃদয় বেদনা ।

চুপ করে চেয়ে দেখ ওরে—

থাম' থাম' হেস না, কেঁদ না

পাষণী মা ।

হে ধরণী, জীবের জননী,

গুনেছি যে মা তোমার বলে,

তবে কেন তোর কোলে সবে

কেঁদে আসে কেঁদে যায় চোলে !

তবে কেন তোর কোলে এসে

সন্তানের মেটে না পিপাসা !

কেন চায়—কেন কাঁদে সবে,

কেন কেঁদে পায় না জালবাসা !

কেন হেথা পাষণ পরাণ,

কেন সবে নীরস নিষ্ঠুর !

কেঁদে কেঁদে দুয়ারে যে আসে

কেন তারে করে দেয় দূর !

কাঁদিয়া যে কিরে চলে যায়,

তার তরে কাঁদিস্নে কেহ !

এই কি, মা, জননীর প্রাণ,

এই কি, মা, জননীর মেহ !

.....

হৃদয়ের ভাষা ।

হৃদয়, কেন গো মোরে ছলিছ সতত,
আপনার ভাষা তুমি শিখাও আমায় !
প্রত্যহ আকুল কণ্ঠে গাহিতেছি কত,
ভগ্ন বাঁশরীতে শ্বাস করে হায় হায় !
সন্ধ্যাকালে নেমে যায় নীরব তপন
সুনীল আকাশ হতে সুনীল সাগরে ।
আমার মনের কথা, প্রাণের স্বপন
ভাসিয়া উঠিছে যেন আকাশের পরে ।
ধ্বনিছে সন্ধ্যার মাঝে কার শান্ত বাণী,
ও কিরে আমারি গান ? ভাবিতেছি তাই
প্রাণের যে কথাগুলি আমি নাহি জানি,
সে কথা কেমন করে জেনেছে সবাই !
মোর হৃদয়ের গান সকলেই গায়,
গাহিতে পারিনে তাহা আমি শুধু হায় !

বিদেশী ফুলের গুচ্ছ ।

(SHELLEY)

১

মধুর সূর্যের আলো, আকাশ বিমল,
সঘনে উঠিছে নাচি তরঙ্গ উজ্জল ।

মধ্যাহ্নের স্বচ্ছ করে

সাজিয়াছে থরে থরে

সুদ্র নীল দ্বীপগুলি, শুভ্র-শৈল-শির ;

কাননে কুঁড়িরে ঘিরি,

পড়িতেছে ধীরি ধীরি

পৃথিবীর অতি মৃদু নিঃশ্বাস সমীর ।

একই আনন্দে যেন গায় শত প্রাণ ;

বাতাসের গান আর পাখীদের গান,

সাগরের জলরব

নগরের কলরব

এসেছে কোমল হ'য়ে স্তব্ধতার সঙ্গীত সমান ।

২

আমি দেখিতেছি চেয়ে সমুদ্রের জলে

শৈবাল বিচিত্র বর্ণ ভাসে দলে দলে ।

৫

আমি দেখিতেছি চেয়ে,
 উপকূল পানে ধেয়ে
 মুঠি মুঠি তাঁরা বৃষ্টি করে ঢেউগুলি !
 বিরলে বালুকা তীরে
 একা বসে রয়েছি রে,
 চারিদিকে চাঞ্চিছে জলের বিজুলী !
 তালে তালে ঢেউগুলি করিছে উত্থান,
 তাই হতে উঠিতেছে কি একটি তান !
 মধুর ভাবের ভরে,
 হৃদয় কেমন করে

আমার সে ভাব আজি বুঝিবে কি আর কোন প্রাণ

৩

হায় মোর নাই আশা, নাইক আরাম,
 ভিতরে নাইক শান্তি বাহিরে বিরাম ।
 নাই সে সন্তোষ ধন—
 জানী ঋষি যোগীগণ
 ধ্যান সাধনায় যাহা পায় করতলে ;

আনন্দ মগন মন

করে তারা বিচরণ

বিমল মহিমালোক অন্তরেহেত জলে।

নাই যশ, নাই প্রেম, নাই অবসর ;

পূর্ণ করে আছে এরা সকলেরি ঘর,

সুখে তারা হাসে খেলে,

সুখের জীবন বলে,

আমার কপালে বিধি লিখিয়াছে আরেক অক্ষর।

৪

কিন্তু নিরাশাও শান্ত হয়েছে এমন,

যেমন বাতাস এই, সলিল যেমন।

মনে হয় মাথা খুয়ে

এইখানে থাকি শুয়ে

অতিশয় শ্রান্তকায় শিশুটির মত,

কাঁদিয়া দুঃখের প্রাণ

ক'রে দিই অবসান,

যে দুঃখ বহিতে হবে বহিয়াছি কত !

আসিবে ঘুমের মত মরণের কোল,
ধীরে ধীরে হিম হয়ে আসিবে কপোল ।
মুমুর্ষু শ্রবণ তলে
মিশাইবে পলে পলে
সাগরের অবিরাম একতান অন্তিম কল্লোল !

বিদেশী ফুলের গুচ্ছ ।

৫৩.

(MRS. BROWNING.)

সারাদিন গিয়েছিছু বুনে,

ফুলগুলি তুলেছি যতনে ।

প্রাতে মধুপানে রত

মুগ্ধ মধুপের মত

গান গাহিয়াছি আনমনে !

এখন চাহিয়া দেখি, হায়,

ফুলগুলি শুকায় শুকায় !

যত চাপিলাম মুঠি

পাপড়িগুলি গেল টুটি,

কান্না ওঠে, গান থেমে যায় ।

কি বলিছ সখা হে আমার,

ফুল নিতে যাব কি আবার !

থাক্ বঁধু, থাক্ থাক্,

আর কেহ যায় যাক্,

আমি শুধু যাবনা কভু আর !

শ্রান্ত এ হৃদয় অতি দীন,
পরাণ হয়েছে বলহীন ।

ফুলগুলি মুঠা ভরি
মুঠায় রহিবে মরি,
আমি না মরিব যত দিন !

(ERNEST MYERS)

আমায় রেখ না ধ'রে আর,
আর হেথা ফুল নাহি ফুটে ।
হেমন্তের পড়িছে নীহার,
আমায় রেখনা ধ'রে আর ।
যাই হেথা হতে যাই উঠে,
আমার স্বপন গেছে টুটে !

কঠিন পাষণ পথে
যেতে হবে কোন মতে
পা দিয়েছি যবে !

একটি বসন্ত রাতে
ছিলে তুমি মোর সাথে,
পোহাল ত, চলে যাও তবে !

(AUBREY DE VÈRE)

প্রভাতে একটি দীর্ঘশ্বাস ;
 একটি বিরল অশ্রুবারি
 ধীরে ওঠে, ধীরে ঝ'রে যায় ;
 শুনিলে তোমার নাম আজ,
 কেবল একটুখানি লাজ—
 এই শুধু বাকি আছে হায় !
 আর সব পেয়েছে বিনাশ !
 এককালে ছিল যে আঁমারি,
 গেছে আজ করি পরিহাস !

(AUGUSTA WEBSTER.)

-গোলাপ হাসিয়া বলে, “আগে বৃষ্টি যাক্ চ’লে,

দিক্ দেখা তরুণ তপন,

তখন ফুটাব এ যৌবন !”

গেল মেঘ, এল উষা, আকাশের অঁধি হতে

মুছে দিল বৃষ্টি বারি কণা ।

সেত রহিল না !

কোকিল ভাবিছে মনে, “শীত যাবে কতক্ষণে,

গাছপালা ছাইবে মুকুলে,

তখন গাহিব মন খুলে !”

কুয়াশা কাটিয়া যায়—বসন্ত হাসিয়া চায়,

কানন কুসুমেরে গেল ।

সে যে ম’রে গেল !

(IBID.)

এত শীঘ্র ফুটিলি কেনরে !

ফুটিলে' পড়িতে হয় ঝ'রে ;

মুকুলের দিন আছে তবু,

ফোটা ফুল ফোটেনাত আর !

বড় শীঘ্র গেলি মধুমাস,

ছদিনেই ফুরাল নিশ্বাস !

বসন্ত আবার আসে বটে,

গেল যে সে ফেরে না আবার !

—

(P. B. MARSTON.)

হাসির সময় বড় নেই,
হৃদয়ের তরে গান গাওয়া ;
নিমেষের মাঝে চুম খেয়ে
মুহূর্তে ফুরাবে চুম খাওয়া !
বেলা নাই শেষ করিবারে
অসম্পূর্ণ প্রেমের মন্ত্রনা ;
সুখস্বপ্ন পলকে ফুরায়,
তার পরে জাগ্রত যন্ত্রণা !
কিছুক্ষণ কথা ক'য়ে লও,
তাড়াতাড়ি দেখে লও মুখ ;
হৃদয়ের খোঁজ দেখাওনা,
ফুরাইবে খুঁজিবার সুখ ।
বেলা নাই কথা কহিবারে
যে কথা কহিতে ফাটে প্রাণ ;
দেবতারে ছুট কথা বলে
পজার সময় অবসান !

কুড়ি ও কোমল ।

কাঁদিতে রয়েছে দীর্ঘদিন,
জীবন করিতে মরুময়,
ভাবিতে রয়েছে চিরকাল,
সুমাইতে অনন্ত সময় !

(VICTOR HUGO.)

বেঁচেছিল, হেসে হেসে,
খেলা ক'রে বেড়াত সে,
হে প্রকৃতি, তারে নিয়ে কি হ'ল' তোমার !
শত রঙ-করা' পাখী
তো'র কাছে ছিল নাকি !
কত তারা, বন, সিন্ধু, আকাশ অপার !
জননীর কোল হতে কেন তবে কেড়ে নিলি !
লুকায়ে ধরার কোঁলে ফুল দিয়ে ঢেকে দিলি !
শত-তারা-পুষ্পময়ি !
মহতী প্রকৃতি অয়ি,
না-হয় একটি শিশু নিলি চুরি ক'রে—
অসীম ঐশ্বর্য্য তব
তা'হে কি বাড়িল নব !
নূতন আনন্দ কণা মিলিল কি গুরে !
অথচ তোমারি মত বিশাল মায়ের হিয়া,
সব শূন্য হয়ে গেল একটি সে শিশু গিয়া ।

(MOORE.)

নিদাঘের শেষ গোলাপ কুসুম

একা বন আলো করিয়া ;

রূপসী তাহার সহচরীগণ

শুকায়ে পড়েছে ঝরিয়া ।

একাকিনী আহা, চারিদিকে তার

কোন ফুল নাহি বিকাশে,

হাসিতে তাহার মিশাইতে হাসি

নিশাস তাহার নিশাসে ।

বোটার উপরে শুকাইতে তোরে

ঝাথিব না একা ফেলিয়া,

সবাই ঘুমায়, তুইও ঘুমা'গে'

তাহাদের সাথে মিলিয়া ।

ছড়ায়ে দিলাম দলগুলি তোর

কুসুম-সমাধি-শয়নে,

যেথা তোর বন-সখীরা সবাই

ঘুমায় মুদ্রিত নয়নে ।

তেমনি আমার সখারা যখন
যেতেছেন মোরে ফেলিয়া,
প্রেমহার হতে একটি একটি
রতন পড়িছে খুলিয়া,
প্রণয়ী হৃদয় গেল গো শুকায়ে
প্রিয়জন গেল চলিয়া,
তবে এ অঁধার অঁধার জগতে
রহিব বল কি বলিয়া !

(MRS. BROWNING.)

ওই আদরের নামে ডেকো সখা মোরে,
ছেলে বেলা ওই নামে আমায় ডাকিত,
তাড়াতাড়ি খেলাধুলো সব ত্যাগ করে

অমনি যেতেম ছুটে

কোলে পড়িতাম লুটে,

রাশি-করা ফুলগুলি পড়িয়া থাকিত ।

নীরব হইয়া গেছে সে স্নেহের স্বর,

কেবল স্তব্ধতা রাজে ।

আজি এ শ্মশান মাঝে,

কেবল ডাকি গো আমি ঈশ্বর—ঈশ্বর— ।

মৃত কণ্ঠে আর যাহা শুনিতে না পাই,

সে নাম তোমারি মুখে শুনিবারে চাই ।

হাঁ সখা, ডাকিও তুমি সেই নাম ধোরে,

ডাকিলেই সাড়া পাবে,

কিছু না বিলম্ব হবে,

তখনি কাছেতে যাব সব ত্যাগ কোরে !

(CHRISTINA ROSSETTI.)

কেমনে কি হল পারিনে বলিতে

এইটুকু শুধু জানি—

নবীন কিরণে ভাসিছে সে দিন

প্রভাতের তনুখানি ।

বসন্ত তখনো কিশোর কুমার,

কুঁড়ি উঠে নাই ফুটি,

শাখায় শাখায় বিহগ বিহগী

বসে আছে ছুটি ছুটি ।

কিষে হয়ে গেল পারিনে বলিতে,

এই টুকু শুধু জানি—

বসন্তও গেল তা'ও চলে গেল

একটি না করে বাণী ।

যা-কিছু মধুর সব ফুরাইল,

সেও হল অবসান,

আমারেই শুধু ফেঁলে রেখে গেল

সুখহীন প্রিয়মান !

(SWINBURNE.)

রবির কিরণ হতে আড়াল করিয়া রেখে
 মনটি আমার আমি গোলাপে রাখি নু ঢেকে ;
 সে বিছানা স্নকোমল, বিমল নীহার চেয়ে,
 তারি মাঝে মন খানি রাখিলাম লুকাইয়ে !
 একটি ফুল না নড়ে, একটি পাতা না পড়ে,
 তবু কেন ঘুমায় না, চমকি চমকি চায় ?
 ঘুম কেন পাখা নেড়ে উড়িয়ে পালিয়ে যায় ?
 আর কিছু নয়, শুধু গোপনে একটি পাখী
 কোথা হতে মাঝে মাঝে উঠিতেছে ডাকি ডাকি !

ঘুমা তুই, ওই দেখ্ বাতাস মুদেছে পাখা,
 রবির কিরণ হতে পাতায় আছিস্ ঢাকা ;
 ঘুমা তুই, ওই দেখ্, তো চেয়ে দূরন্ত বায়
 ঘুমেতে সাগর পরে ঢুলে পড়ে পায় পায় ;
 হুথের কাঁটায় কিরে বিঁধিতেছে কলেবর ?
 বিষাদের বিষদাঁতে কপ্তিছে কি জরজর ?
 কেন তবে ঘুম তোর ছাড়িয়া গিয়াছে অঁাধি ?
 কে জানে গোপনে কোথা ডাকিছে একটি পাখী !

শ্যামল কানন এই মোহমত্ত জালে ঢাকা,
অমৃত-মধুর ফল ভরিয়ে রয়েছে শাখা ;
স্বপনের পাখীগুলি চঞ্চল ডানাটি তুলি
উড়িয়া চলিয়া যায় অঁধার প্রান্তর পরে ;
গাছের শিখর হতে ঘুমের সঙ্গীত বারে ।
নিভৃত কানন পর শুনিয়া ব্যাধের স্বর
তবে কেন এ হরিণী চমকায় থাকি থাকি !
কে জানে, গোপনে কোথা ডাকিছে একটি পাখী ।

(CHRISTINA ROSSETTI.)

দেখিছু যে এক আশার স্বপন

শুধু তা স্বপন, স্বপনময়,

স্বপন বই সে কিছুই নয় !

অবশ হৃদয় অবসাদময়

হারাইয়া সুখ শ্রান্ত অতিশয়

আজিকে উঠিছু জাগি

কেবল একটি স্বপন লাগি !

বীণাটি আমার নীরব হইয়া

গেছে গীত গান ভুলি,

ছিঁড়িয়া টুটিয়া ফেলেছি তাহার

একে একে তারগুলি ।

নীরব হইয়া রয়েছে পড়িয়া

সুদূর শ্মশান পরে,

কেবল একটি স্বপন তরে !

থাম্ থাম্ ওরে হৃদয় আমার,
থাম্ থাম্ একেবারে,
নিতান্তই যদি টুটিয়া পড়িবি
একেবারে ভেঙ্গে যা'রে—
এই তোর কাছে মাগি !
আমার জগৎ, আমার হৃদয়
আগে যাহা ছিল এখন তা নয়
কেবল একটি স্বপন লাগি !

(HOOD)

নহে নহে, এ নহে মরণ !

সহসা এ প্রাণপূর্ণ নিশ্বাস বাতাস

নীরবে করে যে পলায়ন,

আলোতে ফুটায় আলো এই অঁাখি তারা

নিবে যায় একদা নিশীথে,

বহেনা রুধির নদী,—সুকোমল তনু

ধূলায় মিলায় ধরণীতে,

ভাবনা মিলায় শূন্যে, মৃত্তিকার তলে

রুদ্ধ হয় অমর হৃদয়—

এই মৃত্যু ? এ ত মৃত্যু নয় ।

কিন্তু রে পবিত্র শোক যায় না যে দিন

পিরিতির স্মিরিতি মন্দিরে,

উপেক্ষিত অতীতের সমাধির পরে

‘ তুণরাজি দোলে ধীরে ধীরে ।

মরণ-অতীত চির-নূতন পরাণ

স্মরণে করে না বিচরণ,

সেই বটে সেই ত মরণ !

(কোন জাপানী কবিতার ইংরাজী
অনুবাদ হইতে)

বাতাসে অশথ পাতা পড়িছে খসিয়া,
বাতাসেতে দেবদারু উঠিছে খসিয়া ।
দিবসের পরে বসি রাত্রি মুদে অঁখি,
নীড়েতে বসিয়া যেন পাহাড়ের পাখী ।
শ্রান্ত পদে ভ্রমি আমি নগরে নগরে,
বিজন অরণ্য দিয়া পর্কতে সাগরে ;
উড়িয়া গিয়াছে সেই পাখীটি আমার,
খুঁজিয়া বেড়াই তারে সকল সংসার !
দিন রাত্রি চলিয়াছি—শুধু চলিয়াছি—
ভুলে যেতে ভুলিয়া গিয়াছি !

আমি যত চলিতেছি রোদ্দ বৃষ্টি বায়ে
হৃদয় আমার তত পড়িছে পিছায়ে !
হৃদয় রে ছাড়াছাড়ি হল তোম সাথে,
একভাব রহিল না তোমাতে আমাতে ।

নীড় বেঁধেছি নু য়েথা যা' রে সেইখানে,
 ঁকবার ডাক্ গিয়ে আকুল পরাণে ।
 কে জানে, হতেও পারে, সে নীড়ের কাছে
 হয়ত পাখীটি মোর লুকাইয়ে আছে !
 কেঁদে কেঁদে বৃষ্টি জলে আমি ভ্রমিতেছি,
 ভুলে যেতে ভুলিয়ে গিয়েছি !

দেশের সবাই জানে কাহিনী আমার ;
 বলে তা'রা “এত প্রেম আছে বা কাহার !
 পাখী সে পালায়ে গেছে কথাটি না বলে,
 এমন ত সব পাখী উড়ে যায় চলে ;
 চিরদিন তারা কভু থাকে না সমান,
 এমন ত কত শত রয়েছে প্রমাণ ।
 ডাকে, আর গায়, আর উড়ে যায় পরে,
 এ ছাড়া বল ত তা'রা আর কিবা করে ?
 পাখী গেল যার, তার ঁক দুঃখ আছে—
 ভুলে যেতে ভুলে সে গিয়াছে !”

সারাদিন দেখি আমি উড়িতেছে কাক,
সারারাত শুনি আমি পেচকের ডাক ।
চন্দ্র উঠে অস্ত যায় পশ্চিম সাগরে ;
পূরবে তপন উঠে জলদের স্তরে ;
পাতা ঝরে, শুভ্র রেণু উড়ে চারিধার,
বসন্ত মুকুল এ কি ? অথবা তুষার ?
হৃদয় বিদায় লই এবে তোর কাছে—
বিলম্ব হইয়া গেল—সময় কি আছে ?
শান্ত হ'রে—এক দিন সুখী হবি তবু,
মরণ সে ভুলে যেতে ভোলে না ত কভু !

বিষ্টি পড়ে টাপুর টুপুর নদী এল বাণ ।

দিনের আলো নিবে এল,
সূর্য্য ডোবে ডোবে ।
আকাশ ঘিরে মেঘ জুটেছে
টাদের লোভে লোভে ।
মেঘের উপর মেঘ করেছে,
রঙের উপর রঙ ।
মন্দিরেতে কাঁশর ঘণ্টা
বাজল ঠং ঠং ।
ও পারেতে বিষ্টি এল
ঝাপসা গাছপালা ।
এ পারেতে মেঘের মাথায়
একশো মানিক জ্বালা ।
বাদলা হাওয়ায় মনে পড়ে
ছেলেবেলার গান—
“বিষ্টি পড়ে টাপুর টুপুর
নদী এল বাণ ।”

আকাশ জুড়ে মেঘের খেলা

কোথায় বা সীমানা !

দেশে দেশে খেলে বেড়ায়

কেউ করে না মানা ।

কত নতুন ফুলের বনে

বিষ্টি দিলে যায় !

পলে পলে নতুন খেলা

কোথায় ভেবে পায় !

মেঘের খেলা দেখে কত

খেলা পড়ে মনে !

কত দিনের মুকোচুরী

কত ঘরের কোণে !

তারি সঙ্গে মনে পড়ে

ছেলেবেলার গান—

“বিষ্টি পড়ে টাপুর টুপুর,

নদী এল বাণ।”

মনে পড়ে ঘরটি আলো

মায়ের হাসিমুখ,

মনে পড়ে মেঘের ডাকে

গুরুগুরু বুক ।

বিছানাটির একটি পাশে

ঘুমিয়ে আছে থোকা,

মায়ের পরে দোরাস্থি, সে

না যায় লেখাজোকা ।

ঘরেতে ছরস্ত ছেলে,

করে দাপাদাপি,

বাইরেতে মেঘ ডেকে ওঠে

সৃষ্টি ওঠে কাঁপি ।

মনে পড়ে মায়ের মুখে

শুনেছিলেম গান

“বিষ্টি পড়ে টাপুর টুপুর

নদী এল বাধ ।”

যিটি পড়ে টাপুর্ টুপুর্ নদী এল বাণ ।

৭৭

মনে পড়ে সুরোরানী

সুরোরানীর কথা,

মনে পড়ে অভিমানী

কঙ্কাবতীর ব্যথা,

মনে পড়ে ঘরের কোণে

মিটিমিটি আলো,

চারিদিকে দেয়ালেতে

ছায়া কালো কালো ।

বাইরে কেবল জলের শব্দ

ঝুপ্ ঝুপ্ ঝুপ্--

দসি়া ছেলে গল্প শোনে

একেবারে চুপ্ ।

তারি সঙ্গে মনে পড়ে

মেঘলা দিনের গান—

“যিটি পড়ে টাপুর্ টুপুর্

নদী এল বাণ ।”

কবে বিষ্টি পড়েছিল,

বাণ এল সে কোথা !

শিবুঠাবুরের বিয়ে হল

কবেকার সে কথা ;

সে দিনো কি এম্নিতর

মেঘের ঘটা থানা ?

থেকে থেকে বিজুলী কি

দিতেছিল হানা ?

তিন কন্যে বিয়ে ক'রে

কি হল তার শেষে !

না জানি কোন্ নদীর ধারে,

না জানি কোন্ দেশে,

কোন্ ছেলেরে ঘুম পাড়াত

কে গাহিল গান—

“বিষ্টি পড়ে টাপুর টুপুর

নদী এল বাণ !



সাত ভাই চম্পা ।

সাতটি চাঁপা সাতটি গাছে,

সাতটি চাঁপা ভাই ;

রাঙ্গা-বসন পারুল দিদি,

তুলনা তার নাই ।

সাতটি সোনা চাঁপার মধ্যে

সাতটি সোনা মুখ,

পারুল দিদির কচি মুখটি

কর্তেছে টুকটুক !

ঘুমটি ভাঙ্গে পাখির ডাকে

রাতটি যে পোহালো,

ভোরের বেলা চাঁপার পড়ে

চাঁপার মত আলো ।

শিশির দিয়ে মুখটি মেজে

মুখখানি বের কোরে,

কি দেখে সাত ভায়েতে

সারা সকাল ধ'রে ।

দেখ্‌চে চেয়ে ফুলের বনে
 গোলাপ ফোটে ফোটে,
 পাতায় পাতায় রোদ পড়েছে,
 চিক্‌চিকিয়ে ওঠে ।
 দোলা দিয়ে বাতাস পালায়
 ছুঁছুঁ ছেলের মত,
 লতায় পাতায় হেলাদোলা
 কোলাকুলি কত !
 গাছটি কাঁপে নদীর ধারে
 ছায়াটি কাঁপে জলে,
 ফুলগুলি সব কেঁদে পড়ে
 শিউলি গাছের তলে ।
 ফুলের থেকে মুখ বাড়িয়ে
 দেখ্‌চে তাই বোন,
 ছধিনী এক মাসের তরে
 আকুল হল মন ।

সারাটা দিন কেঁপে কেঁপে

পাতার বুরু বুরু,

মনের স্রুখে বনের ঘেন

বুকের হুরু হুরু !

কেবল গুনি কুলুকুলু

এ কি ঢেউয়ের খেলা !

বনের মধ্যে ডাকে ঘুঘু

সারা ছপুর বেলা ।

মোমাছি সে গুন্‌গুনিয়ে

খুঁজে বেড়ায় কা'কে,

ঘাসের মধ্যে ঝিঁঝিঁ করে

ঝিঁঝিঁ পোকা ডাকে ।

ফুলের পাতার মাথা রেখে

গুন্‌চে ভাই বোন,

মায়ের কথা মনে পড়ে

আকুল করে মন ।

মেঘের পানে চেয়ে দেখে

মেঘ চলেছে ভেসে,

পাখীগুলি উড়ে উড়ে

চলেছে কোন্ দেশে !

প্রজাপতির বাড়ি কোথায়

জানে না ত কেউ ।

সমস্ত দিন কোথায় চলে

লক্ষ হাজার ঢেউ !

ছপুর বেলা থেকে থেকে

উদাস হল বায়,

শুকনো পাতা ধসে পড়ে

কোথায় উড়ে যায় !

ফুলের মাঝে গালে হাত

দেখে ভাই বোন,

মায়ের কথা পড়চে মনে

কাঁদে প্রাণমন ।

সন্ধে হলে জোনাই অলে

পাতায় পাতায়,

অশথ গাছে দুটি তারা

গাছের মাথায় ।

বাতাস বওয়া বন্ধ হল,

স্তব্ধ পাখীর ডাক,

থেকে থেকে করচে কা কা

দুটো একটা কাক !

পশ্চিমেতে ঝিকিমিকি,

পূবে অঁধার করে,

সাঁতটি ভায়ে গুটিসুটি

চাঁপা ফুলের ঘরে ।

“গল্প বল পারুল দিদি”

সাতটি চাঁপা ডাকে,

পারুল দিদির গল্প শুনে

মনে পড়ে থাকে ।

প্রহর বাজে, রাত হয়েছে,

ঝাঁঝ করে বন,

ফুলের "মাঝে ঘুমিয়ে প'ল

আটটি ভাই বোন ।

সাতটি তারা চেয়ে আছে

সাতটি চাঁপার বাগে,

চাঁদের আলো সাতটি ভায়ের

মুখের পরে লাগে ।

ফুলের গন্ধ ঘিরে আছে

সাতটি ভায়ের তনু —

কোমল শয্যা কে পেতেছে

সাতটি ফুলের রেণু ।

ফুলের মধ্যে সাত ভায়েতে

স্বপন দেখে মাকে ;

সকাল বেলা "জাগো জাগো"

পাকল দিদি ডাকে ।

পুরোনো বট ।

লুটিয়ে পড়ে জটিল জটল,
ঘন পাতার গহন ঘটা,
হেথা হোথায় রবির ছটা,
পুকুর ধারে বট ।

দশ দিকেতে ছড়িয়ে শাখা,
কঠিন বাহু অঁকাবাঁকা,
স্তম্ভ যেন আছ অঁকা,
শিরে আকাশ পট ।

নেবে নেবে গেছে জলে
শিকড় গুলো দলে দলে,
সাপের মন্ত রসাতলে,
আলয় খুঁজে মরে ।

শতক শাখা বাহু তুলি,
বায়ুর সাথে কোলাকুলি,
আনন্দেতে দোলাহুলি,
গভীর প্রেমভরে ।

ঝড়ের তালে নড়ে মাথা,
কাঁপে লক্ষকোটি পাতা,
আপন মনে গাও গাথা
ছলাও মহাকায়া ।

তড়িৎ পাশে উঠে হেসে,
ঝড়ের মেঘ ঝটিং এসে
দাঁড়িয়ে থাকে এলো কেশে,
তলে গভীর ছায়া ।

ঝটিকা আসে তোমার কোলে,
তোমার বাহু পরে দোলে,
গান গাহে সে উতরোলে,
স্বপ্নোলে তবে থামে ।

পাতার কাঁকে তারা ফুটে,
পাতার কোলে বাতাস লুটে,
ডাইনে তব প্রভাত উঠে,
সন্ধ্যা টুটে বামে ।

নিশি-দিসি দাঁড়িয়ে আছি
মাথার লয়ে জট,
ছোট ছেলেটি মনে কি পড়ে
ওগো প্রাচীন বট ?
কতই শাখী তোমার শাখে
বসে যে চলে গেছে,
ছোট ছেলেরে তাদেরি মত
ভুলে কি যেতে আছে ?
তোমার মুখে হৃদয় তারি
বেঁধে ছিল যে নীড় ।

তোমার) ডালেপালার সাখগুলি তার
কত করেছে ভিড় ।
মনে কি নেই সারাটা দিন
বসিয়ে বাতায়নে,
তোমার পানে রইত চেয়ে
অব্যাক ছনয়নে ?
তোমার তলে মধুর ছায়া
তোমার তলে ছুটি,

তোমার ভলে নাচুত বসে

শালিখ পাখি দুটি ।

ভাঙ্গা'ঘাটে নাইত কারা

তুলুত কারা জল,

পুকুরেতে ছায়া তোমার

করুত টলমল ।

জলের উপর রোদ প'ড়েছে

সোণামাখা মায়া,

ভেসে বেড়ায় দুটি হাঁস

দুটি হাঁসের ছায়া ।

ছোট ছেলে রইত চেয়ে

বারান' অগাধ,

মনের মধ্যে খেলাত তার

কত খেলার সাধ ।

(যদি)

বায়ুর মত খেলতে পেত

তোমার চারি ভিতে,

(যদি)

ছায়ার মত গুঁতে পেত

তোমার ছায়াটিতে,

যদি) পাখীর মত উড়ে যেত
উড়ে আস্ত ফিরে,
যদি) হাঁসের মত ভেসে যেত
তোমার তীরে তীরে ।
নাইচে যারা তাদের মত
নাইতে যেত যদি,
জল আন্তে যেত পথে
কোথায় গঙ্গা নদী !
খেলত ফেসব ছেলেগুলি
ডাক্ত যদি তারে ।
তাদের সাথে খেলত সুখে
তাদের ঘরে দ্বারে ।

মনে হ'ত তোমার ছায়ে
কতই কিবে আছে,
কাদের যেন ঘুম পাড়াতে
ঘুম ডাক্ত গাছে ।

মনে হ'ত তোমার মাকে

কাদের ঘেন ঘর ।

আমি যদি তাদের হতুম !

কেন হলেম পর ?

(তারা)

ছায়ার মত ছায়ার থাকে

পাতার ঝর ঝরে,

জুন্জুনিরে সবাই মিলে

কতই যে গান করে !

দূরে বাজে মূলতান

পড়ে আসে বেলা,

(তারা)

ঘাসে বসে দেখে জলে

আলো ছায়ার খেলা ।

সন্ধ্যা হলে চুল বাঁধে

তাদের মেয়েগুলি,

ছেলেরা সব দোলার বসে

খেলার ছলি ছলি ।

পহিম রাতে দখিন বাতে

নিরুপ চারি ভিত,

টাদের আলোর গুহতমু—

ঝিমি ঝিমি গীত !

ওখানেতে পাঠশালা নেই,

পণ্ডিত মশাই,

বেত হাতে নাইক বসে

মাধব গোসাই ।

সারাটা দিন ছুটি কেবল,

সারাটা দিন খেলা,

পুকুর ধারে অঁধার-করা

বট গাছের তলা ।

আজকে কেন নাইক তারা ?

আছে আর সকলে,

তারা তাদের বাসা ভেঙ্গে

কোথায় গেছে চলে ।

ছায়ার মধ্যে যায় ছিল

ভেঙ্গে দিল কে ?.

ছায়া কেবল রৈল পড়ে,

কোথায় গেল সে ?

ডালে বসে পাখীরা আজ

কোন্ প্রাণেতে ডাকে ?

রবির আলো কাদের খোঁজে

পাতার ফাঁকে ফাঁকে ?

গল্প কত ছিল যেন

তোমার ধোপে ধোপে,

পাখীর সঙ্গে মিলে মিশে

ছিল চুপেচাপে,—

হৃপুর বেলা নূপুর তাদের

বাজ্ত অনুক্ষণ,

(শুনে)

ছোট ছুটি ভাই ভগিনীর

আকুল হ'ত মন ।

(আহা)

ছেলে বেলায় ছিল তারা,

কোথায় গেল শেষে !

(তারা)

গেছে বুঝি ঘুমপাড়ানি

মদ্য পিসির দেশে !

হাসিরাশি ।

তার নাম রেখেছি বাব্বা রাণী,

একরত্ন মেয়ে ।

হাসিখুসি টাঁদের ঝালো

মুখটি আছে ছেয়ে ।

ফুট্‌ফুটে তার দাঁত ক'খানি

পুট্‌পুটে তার ঠোঁট ।

মুখের মধ্যে কথাগুলি সব

উলোট পালোট ।

কচি কচি হাত দুখানি,

কচি কচি মুঠি,

মুখনেড়ে কেউ কথা ক'লে

হেসেই কুটি কুটি ।

তাই তাই তাই তালি দিনে

হুলে-হুলে নড়ে,

চুলগুলি সব কালো কাঁধো

মুখে এসে পড়ে ।

“চলি—চলি—পা—পা—”

টলি টলি যায়,

গরবিনী হেসে হেসে

আড়ে আড়ে চায় ।

হাতটি তুলে চুড়ি ছু-গাছি

দেখায় যাকে তাকে,

হাসির সঙ্গে নেচে নেচে

নোলক দোলে নাকে ।

রাঙা ছুটি ঠোঁটের কাছে

মুক্ত’ আছে ফোলে’,

মায়ের চুমোখানি যেন

মুক্ত’ হয়ে দোলে !

আকাশেতে চাঁদ দেখেছে

ছহাত তুলে চায়,

মায়ের কোলে ছলে ছলে

ডাকে আর আর ।

চাঁদের অঁাধি জুড়িয়ে গেল

তার মুখেতে চেয়ে,

টান ভাবে কোথেকে এল

টানের মত মেয়ে!

কটি প্রাণের হাসিখানি

টানের পানে ছোট্টে,

টানের মুখের হাসি, আরো

বেশী ফুটে ওঠে।

এমন সাধের ডাক শুনে টান

কেমন ক'রে আছে,

তারাতুলি ফেলে বুঝি

নেমে আসবে কাছে!

সুখা মুখের হাসিখানি

চুরি করে নিরে,

রাতারাতি পালিয়ে যাবে

মেঘের আড়াল দিয়ে।

আমরা তারে রাখব ধরে

রাগীর পাশেতে।

হাসি, রাশি বাধা হবে

হাসি রাশিতে।

—

মা লক্ষ্মী ।

কার্ পায়ে, মা, চেয়ে আছ
মেলি দুটি করুণ অঁখি !
কে ছিঁড়েছে ফুলের পাতা,
কে ধরেছে বনের পাখী !
কে কারে কি বলেছে গো,
কার প্রাণে বেজেছে ব্যথা,
করুণায় যে ভরে এল
দুখানি তোর অঁখির পাতা !
খেলতে খেলতে মায়ের আমার
আর বুঝি হল না খেলা !
ফুলের গুচ্ছ কোলে প'ড়ে
কেন মা এ হেলাফেলা !
অনেক দুঃখ আছে হেথায়,
এ জগৎ যে দুঃখে ভরা,
তোমার দুটি অঁখির সুধার
ভুড়িয়ে গেল নিখিল ধরা !

লক্ষ্মী আমার বল দেখি মা
 झুকিয়ে ছিলি কোন্ সাগরে !
 সহসা আজ কাহার পুণ্যে
 উদয় হলি মোদের ঘরে !
 সঙ্গে ক'রে নিয়ে এলি
 হৃদয়-ভরা স্নেহের সূধা,
 হৃদয় চলে মিটিয়ে যাবি
 এ জগতের প্রেমের ক্ষুধা ।
 থামো, থামো, ওর কাছেতে
 কয়োনো কেউ কঠোর কথা,
 স্বরণ অঁাথির বালাই নিয়ে
 কেউ পারে দিওনা ব্যথা !
 সহিতে যদি না পারে ও,
 কেঁদে যদি চলে যার—
 এ ধরণীর পাষাণ প্রাণে
 ফুলের মত ঝরে যার !
 ওষে আমার শিশির কণা,
 ওষে আমার সঁাজের ডারা ।

কড়ি ও কোমল ।

কবে এল, কবে যাবে,

এই ভয়েতে হইরে সারা !

আকুল আস্থান ।

অভিমান ক'রে কোথায় গেলি,

আয় মা ফিরে, আয় মা ফিরে আয় !

দিন রাত কেঁদে কেঁদে ডাকি

আয় মা ফিরে, আয় মা, ফিরে আয় !

সন্ধে হল, গৃহ অন্ধকার,

মাগো, হেথায় প্রদীপ জলে না !

একে একে সবাই ঘরে এল,

আমায় যে, মা, মা কেউ বলে না !

সময় হ'ল বেঁধে দেব চুল,

পরিষে দেব রাঙা কাপড় খানি ।

সাঁজের তারা সাঁজের গগনে—

কোথায় গেল, রাণী আমার রাণী !

(ওমা) রাত হ'ল, অঁধার করে আসে

ঘরে ঘরে প্রদীপ নিবে যায় ।

আমার ঘরে ঘুম মেইক শুধু—

শূন্য শেজ শূন্যপানে চায়।

কোথায় ছুটি নয়ন ঘুমে ভরা,

(সেই) নেতিয়ে-পড়া ঘুমিয়ে-পড়া মেয়ে !

শ্রান্ত দেহ ঢুলে ঢুলে পড়ে

(তবু) মায়ের তরে আছে বুঝি চেয়ে !

অঁধার রাতে চলে গেলি তুই,

অঁধার রাতে চুপি চুপি আর ।

কেউ ত তোরে দেখতে পাবে না,

তারি শুধু তারার পানে চায় ।

পথে কোথাও জন প্রাণী নেই,

ঘরে ঘরে সবাই ঘুমিয়ে আছে ।

মা তোর শুধু একলা দ্বারে বসে,

চুপি চুপি আর মা মায়ের কাছে ।

এ জগৎ কঠিন—কঠিন—

কঠিন, শুধু মায়ের প্রাণ ছাড়া,

সেইখানে তুই আর মা ফিরে আর,

এত ডাকি দিবিনে কি সাড়া ?



মায়ের আশা ।

ফুলের দিনে সে যে চলে গেল,

ফুল-ফোটা সে দেখে গেল না,

ফুলে ফুলে ভরে গেল বন

একটি সে ত পর্তে পেল না ।

ফুল ফোটে, ফুল ঝরে যায়—

ফুল নিয়ে আর সবাই পরে,

ফিরে এসে সে যদি দাঁড়ায়,

একটিও রবে না তার তরে !

তার তরে মা কেবল আছে,

আছে শুধু জননীর স্নেহ,

আছে শুধু মা'র অশ্রুজল,

কিছু নাই—নাই আর কেহ !

খেলত যারা তারা খেলতে গেছে,

হাস্ত যারা তারা আজো হাসে,

তার তরে কেহ ব'সে নেই

মা শুধু রয়েছে তারি আশে !

হার, বিধি, এ কি ব্যর্থ হবে !

ব্যর্থ হবে মার ভীলবাসা !

কত জনের কত আশা পূরে,

ব্যর্থ হবে মার প্রাণের আশা !

পত্র ।

শ্রীমতী ইন্দিরা । প্রাণাধিকার ।

ষ্টীমার । খুলনা ।

মাগো আমার লক্ষ্মী,
মনিষ্য না পক্ষী !
এই ছিলেম তরীতে,
কোথায় এমু ঘরিতে !
কাল ছিলেম খুলনায়,
তাতে ত আর ভুল নাই,
কল্কাতায় এসেছি সদ্য,
বসে বসে লিখ্‌চি পদ্য ।

তোদের কেলে সারাটা দিন

আছি অমনি এক-রকম,

খোপে বসে পাররা যেন

করুচি কেবল বক্বকম !

বৃষ্টি পড়ে টুপুর্ টুপুর্

মেঘ করেছে আঁকাশে,

উষার রাঙা মুখখানি গো

কেমন যেন ফ্যাকাসে !

বাড়িতে যে কেউ কোথা নেই

ছুর গুলো ভ্যাজানো,

ঘরে ঘরে খুঁজে বেড়াই

ঘরে আছে কে যেন !

পক্ষীটি সেই ঝুপসি হয়ে

ঝিমছেরে খাঁচাতে,

ভুলে গেছে নেচে নেচে

পুচ্ছটি তার নাচাতে !

ঘরের কোণে আপন মনে

শূন্য পোড়ে বিছেনা,

কাঁদার তরে কেঁদে মরে

সে কথাটা মিছে না !

বইগুলো সব ছড়িয়ে পোড়ে,

নাম্ লেখা তার কার গো !

এমনি তারা রবে কি রে

খুলবে না কেউ আর গো !

এটা আছে সেটা আছে

অভাব কিছু নেই

স্বরণ ক'রে দেয়রে যারে

থাকেনাক সেই ত !

বাগানে ঐ ছোটো গাছে

ফুল ফুটেছে রাশি রাশি,

ফুলের গন্ধে মনে পড়ে

যা'রে যা'রে ভালবাসি !

ফুলের গন্ধে মনে পড়ে

ফুল কে আমার দিত মেলা,

বিছেনার কার মুখটি দেখে

সকাল হত সকালবেলা !

জল থেকে তুই প্রাসুবি কবে

মাটির লক্ষী মাটিতে

ঠাকুর বাবুর ছয় নম্বর

ষোড়শাঁকোর বাটিতে !

ইষ্টিম্ ঐ রে ফুরিয়ে এল

নোঙর তবে ফেলি অদ্য ।

অবিদিত নেইত তোমার

রবিকাকা কুঁড়ের হৃদ !

আজ্জকে না কি মেঘ করেছে

ঠেক্চে কেমন ফাঁকা-ফাঁকা,

তাই ধানিকটা ফোঁস্ফোঁসিয়ে

বিদায় হল—

রবি কাকা !

কলিকাতা ।



পত্র ।

শ্রীমতী ইন্দিরা । প্রাণাধিকাস্থ ।

ষ্টীমার । খুলনা ।

বসে বসে লিখ্লেম চিঠি,
পুরিয়ে দিলেম চারটে পিঠ-ই,
পেলেম না তার জবাব-ই,
এমনি তোমার নবাবী !

ছটো ছত্র লিখ্বি পত্র

একলা তোমার “রব্-কা” যে !

পোড়ার মুখী তাও হবে না

আলিস্যি তোর সব কাজে !

ঝগড়াটে নয় স্বভাব আমার

নইলে দেখতে কারখানা,

গলার চোটে আকাশ কেটে

হয়ে যেত চারখানা,

বাছা আমার, দেখতে পেতে
এই কলমের ধার থানা !

তোমার মত এমন মা ত
দেখিনি এ বঙ্গে গো,
মায়া দয়া যা-কিছু সে
য দিন থাকি সঙ্গে গো !
চোখের আড়াল প্রাণের আড়াল
কেমন তর ঢং এ গো !
তোমার প্রাণ যে পাষণ সম
জানি সেটা long ago !

সংসারে যে সব মায়া
সেটা নেহাৎ গল্প না !
বাইরেতে এক ভিতরে এক
এ বেন কার খল-পনা !
সত্য বলে যেটা দেখি
সেটা আমার করুণা !

ভেবে একবার দেখ বাছা

ফিলজফি অন্ন না !

মস্ত একটা বুদ্ধাঙ্গুষ্ঠ

কে রেখেছে সাজিয়ে,

যা করি তা' কেবল "থোড়া

জমির বাস্তু কাজিয়ে !"

বৃষ্টি পড়ে চিঠি না পাই,

মনটা নিয়ে ততই হাঁপাই,

শূন্যে চেয়ে ততই ভাবি

সকলি ভোজ-বাজি এ !

ফিলজফি মনের মধ্যে

ততই ওঠে গাঁজিয়ে !

দূর হোক গে, এত কথা

কেনই বলি তোমাকে !

ভরা নায়ে পা দিয়েছ,

আছ তুমি দেমাকে !

... ...

তোমার সঙ্গে আর কথা না,
 তুমি এখন লোকটা মস্ত,
 কাজ কি বাপু, এই খেনেতেই
 রবীন্দ্রনাথ হলেন অস্ত ।



জন্মতিথির উপহার ।

(একটি কাঠের বাক্স)

শ্রীমতী ইন্দিরা । প্রাণাধিকাস্থ

স্নেহ-উপহার এনেছিরে দিতে

লিখেও এনেছি দু-তিন ছত্বর ।

দিতে কত কিযে সাধ যায় তোরে

দেবার মত নেই জিনিষ-পত্বর !

টাকাকড়ি গুলো ট্যাকশালে আছে

ব্যাঙ্কে আছে সব জমা,

ট্যাকে আছে খালি গোটা দুতিন

এবার কর বাছা ক্ষমা !

হীরে জহরাং যত ছিল মোর

পোঁতা ছিল সব মাটিতে,

জহরী যে যেত সন্ধান পেয়ে

নে গেছে যে যার বাটিতে !

ছনিয়া সহর জমিদারী মোর,

পাঁচ ভূতে করে কাড়াকড়ি,

হাতের কাছেতে যা-কিছু পেলুম,
 নিয়ে এলু তাই তাড়াতাড়ি !
 মেনে যদি কাছে রেখে যাওয়া যেত
 চোখে যদি দেখা যেতরে,
 বাজারে-জিনিষ কিনে নিয়ে এসে
 বল্ দেখি দিত কে তোরে !
 জিনিষটা অতি যৎসামান্য
 রাখিস্ ঘরের কোণে,
 বাজারখানি ভোরে মেনে দিলু তোরে
 এইটে থাকে যেন মনে !
 বড়সড় হবি ফাঁকি দিয়ে যাবি,
 কোন্‌থেনে র'বি নুকিয়ে,
 কাকা ফাকা সব ধুয়ে-মুছে ফেলে
 দিবি একেবারে চুকিয়ে,
 তখন যদিও এই কাঠ-খানা
 মনে একটুকু তোলে চেউ—
 একবার যদি মনে পড়ে তোর
 “বুল্লি” ব'লে বুঝি ছিল কেউ !

এই যে সংসারে আছি মোরা সবে

এ বড় বিষয় দেশটা !

কাঁকিফুঁকি দিয়ে দূরে চ'লে যেতে

ভুলে যেতে সবার চেষ্ঠা !

ভয়ে ভয়ে তাই সবারে সবাই

কত কি যে এনে দিচ্ছে,

এটা-ওটা দিয়ে স্বরণ জাগিয়ে

বেঁধে রাখিবার ইচ্ছে !

রাখতে যে মেলাই কাঁঠ ধড় চাই,

ভুলে যাবার ভারি সুবিধে,

ভালবাস যা'রে কাছে রাখ্ তারে

যাহা পাস্ তারে খুবি দে !

বুঝে কাজ নেই এত শত কথা,

ফিলজফি চোক্ ছাই !

বেঁচে থাক তুমি সুখে থাক বাছ

বালাই নিজে ম'রে যাই ।



চিঠি ।

শ্রীমতী ইন্দিরা । প্রাণাধিকাস্থ ।

ষ্টীমার “রাজহংস ।” গঙ্গা ।

চিঠি লিখব কথা ছিল,

দেখ্‌চি সেটা ভারি শক্ত ।

তেমন যদি খবর থাকে

লিখতে পারি তক্ত তক্ত ।

খবর ব'য়ে বেড়ায় ঘুরে

খবরওয়াল ঝাঁক-মুটে ।

আমি বাপু ভাবের ভক্ত

বেড়াইনাকো খবর খুঁটে ।

এত ধুলো, এত খবর

কল্‌কাতার গলিতে !

নাকে চোকে খবর চোকে

ছ-চার কদম চলিতে ।

এত খবর সরনা আমার

মরি আমি হাঁপোষে ।

ঘরে এসেই খবর শুনো

মুছে কেলি পাপোষে ।

আমাকেত জানই বাছা !

আমি একজন খেয়ালি ।

কথাগুলো যা' বলি, তার

অধিকাংশই হেঁয়ালি ।

আমার যত খবর আসে

ভোরের বেলা পূব দিয়ে ।

পেটের কথা তুলি আমি

পেটের মধ্যে ডুব দিয়ে ।

আকাশ ঘিরে জাল ফেলে

তারি ধরাই ব্যবসা ।

থাক্গে তোমার পাটের হাটে

মথুর কুণ্ড শিবু সা ।

কলতরুর তলায় থাকি

নইলো আমি খবুরে ।

হাঁ করিয়ে চেয়ে আছি

মেওয়া কলে সবুরে ।

তবে যদি নেহাৎ কর

খবর নিয়ে টানাটানি ।

আমি বাপু একুটি কেবল

ছুঁছুঁ মেয়ের খবর জানি !

ছুঁছুঁমি তার শোন যদি

অবাক হবে সত্যি !

এত বড় বড় কথা তার

মুখখানি একরত্তি ।

মনে মনে জানেন তিনি

ভারি মস্ত লোকটা ।

লোকের সঙ্গে না-হক কেবল

ঝগড়া করবার ঝোঁকটা ।

আমার সঙ্গেই যত বিবাদ

কথায় কথায় আড়ি ।

এর নাম কি ভদ্র ব্যাভার !

বড্ড বাড়াবাড়ি ।

মনে করেছি তার সঙ্গে

কথাবার্তা বন্দ করি ।

প্রতিজ্ঞা থাকে না পাছে
সেইটে' ভারি সন্দ করি ।

সে না হলে সকাল বেলায়
চামেলি কি ফুটবে !

সে নৈলে কি সন্ধে বেলায়
সন্ধে তারা উঠবে ।

সে না হলে দিনটা ফাঁকি
আগাগোড়াই মস্কারা ।

পোড়ারমুখী জানে সেটা
তাই এত তার আশ্কারা ।

চুড়ি-পরা হাত দুখানি
কতই জানে ফন্দি ।

কোন মতে তার সাথে তাই
করে আছি সন্ধি ।

নাম যদি তার জিগেস কর
নামটি বলা হবে না ।

কি জানি সে শোনে যদি
 প্রাণটি আমার রবে না ।
 নামের খবর কে রাখে তার
 ডাকি তারে যা খুসি ।
 ছুঁছুঁ বল দসি়া বল
 পোড়ারমুখি রান্ধুসী !
 বাপ মায়ে যে নাম দিয়েচে
 বাপ মায়েরি থাক্‌সে ।
 ছিটি খুঁজে মিটি নামটি
 তুলে রাখুন্‌ বাক্সে !
 এক জনেতে নাম রাখ্‌বে
 অন্নপ্রাশনে ।
 বিশ্ব সুদ্ধ সে নাম নেবে
 বিষম শাসন এ !
 নিজের মনের মত সবাই
 করুক নামকরণ ।
 বাবা ডাকুন “চন্দ্রকুমার”
 খুড়ো “রামচরণ” !

ধার-করা নাম নেব আমি

হবে না 'ত সিটি ।

জানই আমার সকল কাজে

Originality ।

ঘরের মেয়ে তার কি সাজে

সঙ্কুত নাম ।

এতে কেবল বেড়ে ওঠে

অভিধানের দাম ।

আমি বাপু ডেকে বসি

যেটা মুখে আসে,

যারে ডাকি সেই তা বোঝে

আর সকলে হাসে !

ছষ্টু মেয়ের ছষ্টু মি—তার

কোথায় দেব দাঁড়ি ।

অকূল পাথার দেখে শেষে

কলমের হাল ছাড়ি !

শোন বাছা, সত্যি কথা

বলি তোমার কাছে—

ত্রিভুগতে তেমন মেয়ে

একটি কেবল আছে !

বর্ণিমেটা কারো সঙ্গে

মিলে পাছে যায়—

তুমুল ব্যাপার উঠবে বেধে

হবে বিষম দায় !

হুগুথানেক বকাবকি

বগুড়াবাঁটির পালা,

একটু চিঠি লিখে, শেষে

প্রাণটা ঝালাফালা ।

আমি বাপু ভালমানুষ

মুখে নেইক রা ।

ঘরের কোণে বসে বসে

গোঁফে দিচ্ছি তা ।

আমিই যত গোলে পড়ি

শুনি নানান্ বাক্য ।

খোঁড়ার পা যে খানায় পড়ে

আমিই তাহার সাক্ষি ।

আমি কারো নাম করিনি

তবু ভয়ে মরি ।

তুই পাছে নিস্ গায়ে পেতে

সেইটে বড় ডরি !

কথা একটা উঠলে মনে

ভারি তোরা আলাস্ ।

আমি বাপু আগে থাকতে

বলে হলুম খালাস্ !

পত্র । *

সুন্দর শ্রীযুক্ত প্রিঃ—

স্বলচর বরেষু ।

জলে বাসা বেঁধেছিলেন,

ডাঙ্গায় বড় কিচিমিচি ।

সবাই গলা জাহির করে,

চৈঁচায় কেবল মিহিমিছি ।

সস্তা লেখক কোকিয়ে মরে,

চাক নিয়ে সে খালি পিটোয়,

ভদ্রলোকের গায়ে প'ড়ে

কলম নেড়ে কালি ছিটোয় ।

এখানে যে বাস করা দায়,

ভন্ডনানির বাজারে ।

প্রাণের মধ্যে গুলিয়ে উঠে

হট্টগোলের মাঝারে ।

* (নৌকা যাত্রা হইতে ফিরিয়া আসিয়া লিখিত ।)

কানে যখন তাল ধরে

উঠি যখন হাঁপিয়ে ।

কোথায় পানাই—কোথায় পানাই—

জলে পড়ি বাঁপিয়ে ।

গঙ্গা প্রাপ্তির আশা কোরে

গঙ্গা ঘাত্রা করেছিলেম ।

তোমাদের না ব'লে ক'রে

আন্তে আন্তে সরেছিলেম ।

হুনিয়ার এ মজলিষেতে

এসেছিলেম গান শুন্তে ;

আপন মনে গুণ্গুনিয়ে .

রাগ রাগিনীর জাল বুন্তে ।

গান শোনে সে কাহার সাধি,

ছোঁড়াগুলো বাজায় বাদি,

বিদ্যোধানা ফাটিয়ে ফেলে

থাকে তারা তুলো ধুন্তে ।

ডেকে বলে, হেঁকে বলে,

ভঙ্গী ক'রে বেকে বলে—

“আমার কথা শোন সবাই

গান শোন আর নাই শোন ।

গান যে কা'কে বলে সেইটে

বুঝিয়ে দেব, তাই শোন ।”

টীকে করেন ব্যাখ্যা করেন,

জেকে ওঠে বক্তিতে,

কে দেখে তাঁর হাত পা-নাড়া,

চক্ষু ছটোর রক্তিতে !

চন্দ্র সূর্য্য জল্চে মিছে

আকাশ খানার চালাতে—

তিনি বলেন “আমিই আছি

জল্চে এবং জালাতে ।”

কুঞ্জবনের তানপুরোতে

সুর বেঁধেছে বসন্ত,

সেটা শুনে নাড়েন কর্ণ

হয়নাক তাঁর পছন্দ ।

টারি সুরে গাক্ না সবাই

টপ্পা খেয়াল ধুরবোধ,—

গান না যে কেউ—আসল কথা

নাইক কারো সুর বোধ !

কাগজ ওয়ালার সারি সারি

নাড়চে কাগজ হাতে নিয়ে—

বাঙ্গলা থেকে শান্তি বিদায়

তিনশো কুলোর বাতাস দিয়ে !

কাগজ দিয়ে নৌকা বানায়

বেকারি যত ছেলেপিলে,—

কর্ণ ধ'রে পার করবেন

দু-এক পয়সা খেয়া দিলে ।

সস্তা শুনে ছুটে আসে

যত দীর্ঘকর্ণ শুলো—

বঙ্গদেশের চতুর্দিকে

তাই উড়েছে এত ধুলো !

ক্ষুদে ক্ষুদে “আঁষ্য” শুলো

ঘাসের মত গজিয়ে ওঠে,

ছুঁচোলো সব জীবের ডগা

কাঁটার মত পায়ে ফোটে ।

তারা বলেন “আমিই কল্কি”

গাঁজার কল্কি হবে বুঝি !

অবতারে ভরে গেল

যত রাজ্যের গলি ঘুঁজি !

পাড়ায় এখন কত আছে

কত কব’ তার,

বঙ্গদেশে মেলাই এল

বরা’ অবতার !

দাঁতের জোরে হিন্দু শাস্ত্র

তুলবে তারা পাঁকের থেকে ।

দাঁত কপাটি লাগে, তাদের

দাঁত খিঁচুনির ভঙ্গী দেখে !

আগাগোড়াই মিথ্যে কথা,

মিথ্যেবাদীর কোলাহল,

জিব নাচিয়ে বেড়ায় যত

জিহ্বা-ওয়ালা সত্ত্বের দল ।

বাক্য-বহা ফেনিয়ে আসে
 ভাসিয়ে নে যায় তোড়ে,
 কোন ক্রমে রক্ষে পেলেম
 মা-গঙ্গার ক্রোড়ে ।

হেথায় কিবা শান্তি-ঢালা
 কুলুকুলু তান !
 সাগর পানে ব'হে নে যায়
 গিরিরাজের গান ।
 ধীরি ধীরি বাতাসটি, দেয়
 জলের গায়ে কাঁটা ।
 আকাশেতে আলো অঁধার
 খেলে জোয়ার তাঁটা ।
 তীরে তীরে গাছের সারি
 পল্লবেরি ঢেউ ।
 সারাদিন হেলে দোলে
 দেখে না ত'কেউ !

পূর্বতীরে তরু শিরে

অরু হেসে চায়—

পশ্চিমেতে কুঞ্জমাঝে

সন্ধ্যা'নেমে যায় ।

তীরে ওঠে শব্দ ধ্বনি

ধীরে আসে কানে,

সন্ধ্যা তারা চেয়ে থাকে

ধরণীর পানে ।

ঝাউবনের আড়ালেতে

চাঁদ ওঠে ধীরে,

ফোটে সন্ধ্যা দীপগুলি

অন্ধকার তীরে ।

এই শান্তি সলিলেতে

দিয়েছিলেন ডুব,

হুটুগোলটা ভুলেছিলেন

সুখে ছিলেম খুব !

জান ত ভাই আমি হচ্ছি

জলচরের জাত ।

আপন মনে সাঁৎরে বেড়াই—

ভাসি দিন রাত !

রোদ পোহাতে ডাঙ্গার উঠি,

হাওয়াটি খাই চোখ বুজে ।

ভয়ে ভয়ে কাছে এগোই

তেমন তেমন লোক বুঝে !

গতিক মন্দ দেখলে আবার

ডুবি অগাধ জলে ।

এমনি করেই দিনটা কাটাই

মুকোচুরির ছলে !

তুমি কেন ছিপ ফেলেছ

শুকনো ডাঙ্গার বসে ?

বুকের কাছে বিদ্ধ করে

টান মেরেচ কসে !

আমি তোমার জলে টানি

তুমি ডাঙ্গার টান'।

অটল হয়ে বসে আছি

হার ত নাহি মানি' ।

আমারি নয় হার হয়েছে

তোমারি নয় জিৎ—

খাবি খাচ্ছি ডাঙ্গায় পড়ে

হয়ে পড়েছি চিৎ ।

আর কেন ভাই, ঘরে চল,

ছিপ গুটিয়ে নাও—

রবীন্দ্রনাথ ধরা পড়েচে

ঢাক পিটিয়ে দাও ।

পত্র ।

শ্রীমান্ দামু বসু এবং চামু বসু

* * * সম্পাদক সমীপেষু ।

দামু বোস্ আর চামু বোসে

কাগজ বেনিয়েছে,

বিদ্যে খানা বড্ড ফেনিয়েছে !

(আমার দামু আমার চামু !)

কোথায় গেল বাবা জেঁমার

মা জননী কই !

সাত-রাজার-ধন মাণিক ছেলের

মুখে ফুট্চে খই !

(আমার দামু আমার চামু !)

দামু ছিল এক-২ত্তি

চামু তথৈবচ,

কোথা থেকে এল শিখে

এতই খচমচ !

(আমার দামু আমার চামু ।)

দামু বলেন “দাদা আমার”

চামু বলেন “ভাই,”

আমাদের দৌহাকার মত

ত্রিভুবনে নাই !

(আমার দামু আমার চামু !

গায়ে পড়ে গাল পাড়চে

বাজার সঙ্গরম,

মেছুনি-সংহিতায় ব্যাখ্যা

হিঁদুর ধরম !

(দামু আমার চামু !)

দামুচন্দ্র অতি হিঁদু

আরো হিঁদু চামু

সঙ্গে সঙ্গে গজার হিঁদু

রামু বামু শামু—

(দামু আমার চামু !)

রব উঠেছে ভারত ভূমে

হিঁদু মেলা ভার,

দামু চামু দেখা দিবেছেন

ভয় নেইক' আর ।

(ওরে দামু, ওরে চামু !)

নাই বটে গোতম অত্রি

যে যার গেছে স'রে,

হিঁদু দামু চামু এলেন

কাগজ হাতে ক'রে !

(আহা দামু আহা চামু !)

লিখ্চে দৌহে হিঁদুশাস্ত্র

এডিটোরিয়াল,

দামু বল্চে মিথ্যে কথা

চামু দিচ্ছে গাল ।

(হার দামু হার চামু !)

এমন হিঁদু মিল্বে নারে

সকল হিঁদুর সেরা,

বোস্.বংশ আৰ্য্যবংশ

সেই বংশের এ'রা !

(বোস্ দামু বোস্ চামু !)

কলির শেষে প্রজাপতি

তুলেছিলেন হাঁই,

সুড় সুড়িয়ে বেরিয়ে এলেন

আর্য্য দুটি ভাই ;

(আর্য্য দামু চামু !)

দস্ত দিয়ে খুঁড়ে তুল্চে

হিঁহু শাস্ত্রের মূল,

মেলাই কচুর আমদানিতে

বাজার হুদুস্থল ।

(দামু চামু অবতার !)

মনু বলেন “ম’নু আমি”

বেদের হল ভেদ,

দামু চামু শাস্ত্র ছাড়ে,

রৈল মনে খেদ !

(ওরে দামু ওরে চামু !)

মেড়ার মত লড়াই করে

মেজের দিক্‌টা মোটা,

দাপে কাঁপে থরথর

হাঁড়্যানির খোঁটা !

(আমার হাঁড় দামু চামু !)

দামু চামু কৈদে আকুল

কোথার হাঁড়্যানি !

ট্যাকে আছে, গৌজ' যেথায়

শিকি ছ্যানি ।

(থোলের মধ্যে হাঁড়্যানি !)

দামু চামু ফুলে উঠল

হাঁড়্যানি বেচে,

হামাগুড়ি ছেড়ে এখন

বেড়ায় নেচে নেচে !

(বেটের বাছা দামু চামু !)

আদর পেয়ে নাহুস্ মুহুস্

আহার করচে ক'সে,

স্তরিবৎটা শিখলেনাক

বাপের শিক্ষা দোষে !

(ওরে দামু চামু !)

এস বাপু, কানটি নিয়ে,
 শিখবে সদাচার,
 কানের যদি অভাব থাকে
 তবেই নাচার !

(হায় দামু হায় চামু !)

পড়াশুনো কর, ছাড়'
 শাস্ত্র আঘাতে,
 মেজে ঘোষে তোল্রে বাপু
 স্বভাব চাষাড়ে ।

(ও দামু ও চামু ।)

ভদ্রলোকের মান রেখে চল
 ভদ্র বলবে তোকে,
 মুখ ছুটোলে কুলশীলটা
 জেনে ফেলবে লোকে !

(হায় দামু হায় চামু !)

পয়সা চাও ত পয়সা দেব
 থাক সাধু পথে,

ভাবিচ্ছ শোভতে কেউ কেউ

যাবৎ ন'ভাষতে !

(হে দামু হে চামু !)

বিরহীর পত্র ।

হয় কি না হয় দেখা, ফিরি কি না ফিরি,

দূরে গেলে এই মনে হয় ;

ছজন্যার মাঝখানে অন্ধকারে ঘিরি

জগে থাকে সতত সংশয় ।

এত লোক, এত জন, এত পথ, গলি,

এমন বিপুল এ সংসার,

ভয়ে ভয়ে হাতে হাতে বেঁধে বেঁধে চলি

ছাড়া গেলে কে আর কাহার ।

ভারায় ভারায় সঙ্গা থাকে চোকে চোকে

অন্ধকারে অসীম গগনে ।

ভয়ে ভয়ে অনিমেষে কল্পিত আলোকে

বাঁধা থাকে নয়নে নয়নে ।

চৌদিকে অটল শুক্ল সুগভীর রাত্রি,

তরুহীন মরুময় বৈশ্যম,

মুখে মুখে চেয়ে তাই চলে যত যাত্রী

চলে গ্রহ রবি তারা সোম ।

নিমেষের অন্তরালে কি আছে কে জানে,

নিমেষে অসীম পড়ে ঢাকা—

অন্ধ কাল-তুরঙ্গম রাশ নাহি মানে

বেগে ধায় অদৃষ্টের ঢাকা ।

কাছে কাছে পাছে পাছে চলিবারে চাই

জেগে জেগে দিতেছি পাহারা,

একটু এসেছে ঘুম—চমকি তাকাই

গেছে চলে কোথায় কাহারো !

ছাড়িয়া চলিয়া গেলে কাঁদি তাই একা

বিরহের সমুদ্রের তীরে ।

অনন্তের মাঝখানে হৃদয়ের দেখা

তাও কেন রাহ এসে বিরে ।

মৃত্যু যেন মাঝে মাঝে দেখা দিবে ধায়

পাঠায় সে বিরহের চরু।

সকলেই চলে যাবে পড়ে' রবে হার

ধরণীর শূন্য খেলাঘর !

গ্রহ তারা ধুমকেতু কত রবি শশী
 শূন্য-ঘেরি জগতের ভীড়,
 তারি মাঝে যদি ভাঙ্গে, যদি যায় ধসি
 আমাদের হৃদয়ের নীড়, —
 কোথায় কে হারাইব—কোন্ রাত্রি বেলা
 কে কোথায় হইব অতিথি !
 তখন কি মনে রবে হৃদিনের খেলা
 দরশের পরশের স্মৃতি !

তাই মনে ক'রে কিরে চোকে জল আসে
 একটুকু চোকের আড়ালে !
 প্রাণ যারে প্রাণের অধিক ভাল বাসে
 সেও কি রবে না এক কালে !
 আশা নিয়ে এ কি শুধু খেলাই কেবল—
 সুখ দুঃখ মনের বিকার !
 ভালবাসা কাদে, হাসে, মোছে অশ্রুজল,
 চার, পার, হারার আবার !

পত্র ।

শ্রীমতী ইন্দিরা । প্রাণাধিকাস্থ ।

নাসিক ।

এত বড় এ ধরণী মহাসিন্ধু-ঘেরা,

হুলিতেছে আকাশ সাগরে,—

দিন-দুই হেথা রহি মোরা মানবেরা

শুধু কি মা যাব খেলা করে !

তাই কি ধাইছে গঙ্গা ছাড়ি হিমগিরি,

অরণ্য বহিছে ফুল ফল,—

শত কোটি রবি তারা আমাদের ঘিরি

গণিতেছে প্রতি দণ্ড পল !

শুধু কি মা হাসি-খেলা প্রতি দিন রাত,

দিবসের প্রত্যেক প্রহর !

প্রভাতের পরে আসি নূতন প্রভাত

লিখিছে কি, একই স্মরণ !

কানাকানি হাসাহাসি কোণেতে গুটায়,
 অলস নয়ন নিম্নলন,
 দণ্ড-দুই ধরণীর ধূলিতে লুটায়
 ধূলি হয়ে ধূলিতে শয়ন ।

নাই কি, মা, মানবের গভীর ভাবনা,
 হৃদয়ের সীমাহীন আশা !
 জেগে নাই অন্তরেতে অনন্ত চেতনা,
 জীবনের অনন্ত পিপাসা !
 হৃদয়েতে শুধু কি, মা, উৎস করুণার,
 শুনি না কি দুখীর ক্রন্দন !
 জগৎ শুধু কি মা গো তোমার আমার
 ঘুমাবার কুসুম-আসন !

শুনো না কাহারো ওই করে কানাকানি
 অতি তুচ্ছ ছোট, ছোট কথা !
 পরের হৃদয় লুপ্ত করে টানাটানি
 শকুনির মত নিশ্চয়তা !

শুনো না করিছে কারা কথা-কাটাকাটি
 মাতিয়া জ্ঞানের অভিমানে,
 রসনায় রসনায় ঘোর লাঠালাঠি,
 আপনার বুদ্ধিরে বাধানে !

তুমি এস দূরে এস, পবিত্র নিভতে,
 ক্ষুদ্র অভিমান যাও ভুলি ।
 সযতনে ঝেড়ে ফেল বসন হইতে
 প্রতি নিমেষের যত ধূলি !
 নিমেষের ক্ষুদ্র কথা, ক্ষুদ্র রেণু জাল
 আচ্ছন্ন করিছে মানবেরে,
 উদার অনন্ত তাই হতেছে আড়াল
 তিল তিল ক্ষুদ্রতার ঘেরে !

আছে, মা, তোমার মুখে স্বর্গের কিরণ,
 হৃদয়েতে উষার আভাস,
 খুঁজিছে সরল পথ ব্যাকুল নরন,
 চারিদিকে মর্ত্যের আবাস ।

আপনার ছায়া ফেলি আমরা সকলে
 পথ তোর অন্ধকারে ঢাকি,
 ক্ষুদ্র কথা, ক্ষুদ্র কাজে, ক্ষুদ্র শত ছলে,
 কেন তোরে ভুলাইয়া রাখি !

কেন, মা, তোমারে কেহ চাহে না জানাতে
 মানবের উচ্চ কুলশীল,
 অনন্ত জগত ব্যাপী ঈশ্বরের সাথে
 তোমার যে সুগভীর মিল !
 কেন কেহ দেখায় না, চারিদিকে তব
 ঈশ্বরের বাহুর বিস্তার !
 ঘেরি তোরে, ভোগ-সুখ ঢালি নব নব
 গৃহ বলি রচে কারাগার ।

অনন্তের মাঝখানে দাঁড়াও মা আসি,
 চেষ্টা দেখ আকাশের পানে,
 পড়ুক বিমল-বিভা, পূর্ণ রূপরাশি
 স্বর্গমুখী কমল-নয়ানে !

আনন্দে ফুটিয়া ওঠ শুভ সূর্যোদয়ে
 প্রভাতের কুসুমের মত,
 দাঁড়াও সায়াহ্ন মাঝে পবিত্র হৃদয়ে
 মাথাখানি করিয়া আনত !

শোন শোন উঠিতেছে সুগম্ভীর বাণী
 ধ্বনিতেছে আকাশ পাতাল ।
 বিশ্ব চরাচর পাহে কাহারে বাখানি
 আদিহীন অন্তহীন কাল !
 যাত্রী সবে ছুটিয়াছে শূন্যপথ দিয়া,
 উঠেছে সঙ্গীত কোলাহল,
 ওই নিখিলের সাথে কণ্ঠ মিলাইয়া
 মা আমরা যাত্রা করি চল !

যাত্রা করি যথা যত অহঙ্কার ইতে,
 যাত্রা করি ছাড়ি হিংসা ঘেব,
 যাত্রা করি স্বর্গময়ী করুণার পথে,
 শিরে ধরি সত্যের আদেশ !

যাত্রা করি মানবের হৃদয়ের মাঝে
 প্রাণে লয়ে প্রেমের আলোক,
 আয় মাগো যাত্রা করি জগতের কাজে
 তুচ্ছ করি নিজ দুঃখ শোক !

জেনো মা এ সুখে-দুঃখে-আকুল সংসারে
 মেটে না সকল তুচ্ছ আশ,
 তা বলিয়া অভিমানে অনন্ত তাঁহারে
 কোরোনা কোরোনা অবিশ্বাস !
 সুখ বলে যাহা চাই সুখ তাহা নয়,
 কি যে চাই জানি না আপনি,
 আঁধারে জলিছে ওই, ওরে কোরো ভয়,
 ভুজঙ্গের মাথার ও মণি !

কুদ্র সুখ ভেঙ্গে যায় না সহে নিঃশ্বাস,
 ভাঙ্গে বালুকায় খেলাঘর,
 ভেঙ্গে গিয়ে বলে দেয়, এ নহে আবাস,
 জীবনের এ নহে নির্ভর !

সকলে শিশুর মত কত আবদার
 আনিছে তাঁহার সন্নিধান,
 পূর্ণ যদি নাহি হল, অমনি তাহার
 ঈশ্বরে করিছে অপমানি !

কিছুই চাবনা মাগে! আপনার তরে,
 পেয়েছি যা' গুণিব সে ঋণ,
 পেয়েছি যে প্রেমসুধা হৃদয় ভিতরে,
 ঢালিয়া তা' দিব নিশিদিন !
 সুখ শুধু পাওয়া যায় সুখ না চাহিলে,
 প্রেম দিলে প্রেমে পূরে প্রাণ,
 নিশিদিসি আপনার ক্রন্দন গাহিলে
 ক্রন্দনের নাহি অবসান !

মধুপাত্রে হতপ্রাণ পিপীলির মত
 ভোগ সুখে জীর্ণ হয়ে থাকা,
 ঝুলে থাকা বাহুড়ের মত শির নত
 অঁকড়িয়া সংসারের শাখা,

জগতের হিসাবেতে শূন্য হয়ে হায়
 আপনারে আপনি ভক্ষণ,
 ফুলে উঠে ফেটে যাওয়া জলবিশ্বপ্রায়
 এই কিরৈ সুখের লক্ষণ !

এই অহিফেন-সুখ কে চায় ইহাকে
 মানবত্ব এ নয় এ নয় !
 রাহুর মতন সুখ গ্রাস করে রাখে
 মানবের মানব-হৃদয় !
 মানবেরে বল দেয় সহস্র বিপদ,
 প্রাণ দেয় সহস্র ভাবনা,
 দারিদ্র্যে খুঁজিয়া পাই মনের সম্পদ,
 শোকে পাই অনন্ত সান্তনা !

চির দিবসের সুখ রয়েছে গোপন
 আপনার আত্মার মাঝার ।
 চারি দিকে সুখ খুঁজি প্রতি প্রাণ মন,
 হেথা আছে, কোথা নেই আর !

বাহিরের সুখ সে, সুখের মরীচিকা,
 বাহিরেতে বিনয়ে যায় ছোলে,
 যখন মিলায়ে যায় মায়া কুহেলিকা,
 কেন কাঁদি সুখ নেই বলে !

দাঁড়াও সে অন্তরের শান্তি-নিকেতনে
 চিরজ্যোতি চির ছায়াময় !
 ঝড়হীন রৌদ্রহীন নিভৃত নিলয়ে
 জীবনের অনন্ত আলয় ।

পুণ্য-জ্যোতি মুখে লয়ে পুণ্য হাসি থানি,
 অন্নপূর্ণা জননী সমান,
 মহা সুখে সুখ দুঃখ কিছু নাহি মানি
 কর সবে সুখ শান্তিদান ।

মা, আমার এই জেনো হৃদয়ের সাধ
 তুমি হও লক্ষ্মীর প্রতিমা ;
 মানবেরে জ্যোতি দাঁও, কর' আশার্বাহ
 অকলঙ্ক মূর্তি মধুরিমা !

কাছে থেকে এত কথা বলা নাহি হয়,
 হেসে খেলে দিন যায় কেটে,
 দূরে ভয় হয় পাছে না পাই সময়,
 বলিবার সাধ নাহি মেটে ।

কত কথা বলিবারে চাঁহি প্রাণপণে
 কিছুতে মা বলিতে না পারি,
 স্নেহ মুখখানি তোর পড়ে মোর মনে,
 নয়নে উথলে অশ্রুবারি ।

সুন্দর মুখেতে তোর মগ্ন আছে ঘুম
 একখানি পবিত্র জীবন ।

ফলুক সুন্দর ফল সুন্দর কুসুমে
 আলীকাদ কর মা গ্রহণ ।

বান্দোরা ।

পত্র ।

শ্রীমতী ইন্দিরা । প্রাণাধিকাস্থ ।

নাসিক ।

চারিদিকে তর্ক উঠে সাঙ্গ নাহি হয়,

কথায় কথায় বাড়ে কথা !

সংশয়ের উপরেতে চাপিছে সংশয়

কেবলি বাড়িছে ব্যাকুলতা !

ফেনার উপরে ফেনা, ঢেউ পরে ঢেউ,

গরজনে বধির শ্রবণ,

তীর কোন্ দিকে আছে নাহি জানে কেউ

হা হা করে আকুল পবন ।

এই কল্লোলের মাঝে নিরে এস কেহ

পরিপূর্ণ একটি জীবন,

নীরবে মিটিয়া যাবে সকল সন্দেহ,

থেমে যাবে সহস্র বচন !

তোমার চরণে আসি মাগিবে মরণ
 লক্ষ্যহারা শত শত মত,
 যে দিকে ফিরাবে তুমি দুখানি নয়ন
 সে দিকে হেরিবে সবে পথ !

অন্ধকার নাহি যায় বিবাদ করিলে,
 মানে না বাহর আক্রমণ !
 একটি আলোক শিখা সমুখে ধরিলে
 নীরবে করে সে পলায়ন ।

এস মা উষার আলো, অকলঙ্ক প্রাণ,
 দাঁড়াও এ সংসার অঁধারে ।
 জাগাও জাগ্রত-হৃদে আনন্দের গান,
 কুল দাও নিদ্রার পাথারে !

চারিদিকে নৃশংসতা করে হানাহানি,
 মানবের পাষণ্ড পরাণ !
 শানিত ছুরীর মত বিধাইয়া বাণী,
 হৃদয়ের রক্ত করে পান !

তৃষিত কাতর প্রাণী মাগিতেছে জল
উদ্ধাধারা করিছে বর্ষণ,
শ্যামল আশার ক্ষেত্র করিয়া বিফল
স্বার্থ দিয়ে করিছে কঁষণ !

শুধু এসে একবার দাঁড়াও কাতরে
মেলি দুটি স করুণ চোক,
পড়ুক দু ফোঁটা অশ্রু জগতের পরে
যেন দুটি বাল্মীকির শ্লোক !
ব্যথিত, করুক স্নান তোমার নয়নে,
করুণার অমৃত নির্ঝরে,
তোমারে কাতর হেরি, মানবের মনে
দয়া হবে মানবের পরে !

সমুদয় মানবের সৌন্দর্য্যে ডুবিয়া
হও তুমি অক্ষয় সুন্দর ।
ক্ষুদ্র রূপ কোথা যায় বাতাসে উবিয়া
দুই চারি পলকের পথ !

তোমার সৌন্দর্য্যে হোক মানব সুন্দর,

প্রেমে তব বিশ্ব হোক আলো ।

তোমাতে হেরিয়া যেন মুগ্ধ অন্তর

মানুষে মানুষ বাসে ভাল !

বান্দোরা ।



পত্র ।

শ্রীমতী ইন্দিরা । প্রাণাধিকাস্থ ।

নাসিক ।

আমার এ গান, মাগো, শুধু কি, নিমেষে
মিলাইবে হৃদয়ের কাছাকাছি এসে ?

আমার প্রাণের কথা

নিদ্রাহীন আকুলতা

শুধু নিশ্বাসের মত যাবে কি মা ভেসে !

এ গান তোমারে সদা ঘিরে যেন রাখে,
সত্যের পথের পরে নাম ধ'রে ডাকে ।

সংসারের সুখে দুখে

চেয়ে থাকে তোর মুখে,

চির আলীকাদ সম কাছে কাছে থাকে !

বিজনে সঙ্গীর মত করে যেন বাস !

অনুক্ষণ শোনে তোর হৃদয়ের আশ ।

পড়িয়া সংসার ঘোরে
 কাঁদিতে হেরিলে তোরে
 ভাগ করে নেয় ঘেন দুখের নিশ্বাস !

সংসারের প্রলোভন যবে আসি হানে
 মধুমাথা বিষবাণী দুর্বল পরাণে,
 এ গান আপন সুরে
 মন তোর রাখে পূরে,
 ইষ্টমন্ত্র সম সদা বাজে তোর কানে !

আমার এ গান যদি সুদীর্ঘ জীবন
 তোমার বসন হয় তোমার ভূষণ !
 পৃথিবীর ধূলিজাল
 ক'রে দেয় অন্তরাল,
 তোমাতে করিয়া রাখে সুন্দর শোভন !

আমার এ গান যদি নাহি মানে মান'
 'উদার বাতাস হ'য়ে এলাইয়া ডান'

সৌরভের মত তোরে
 নিয়ে যায় চুরি কোরে,
 খুঁজিয়া দেখাতে যার স্বপ্নের সীমানা !

এ গান যদিহে হয় তোর ধুব তারা,
 অন্ধকারে অনিমেঘে নিশি করে সারা !

তোমার মুখের পরে
 জেগে থাকে স্নেহভরে
 অকূলে নয়ন মেলি দেখায় কিনারা !

আমার এ গান যদি পশি তোর কানে
 মিলায়ে মিলায়ে যায় সমস্ত পরাণে !

তপ্ত শোণিতের মত
 বহে শিরে অবিরত,
 আনন্দে নাচিয়া উঠে মহেশ্বের গানে !

এ গান বাঁচিয়া থাকে যদি তোর মাঝে !
 অঁধিতারা হয়ে তোর অঁধিতে বিরাজে !

এ যেনরে করে দান
 সতত নূতন প্রাণ,
 এ যেন জীবন পায় জীবনের কাজে !

যদি যাই, মৃত্যু যদি নিয়ে যায় ডাকি,
 এই গানে রেখে যাব মোর স্নেহ অঁাখি ।
 যবে হারি সব গান
 হয়ে যাবে অবসান,
 এ গানের মাঝে আমি যদি বেঁচে থাকি !

খেলা ।

পথের ধারে অশথ-তলে
 মেয়েটি খেলা করে ;
আপন মনে আপনি আছে
 সারাটি দিন ধ'রে ।
উপর পানে আকাশ শুধু,
 সমুখ পানে মাঠ,
শরৎকালে রোদ্ পড়েছে
 মধুর পথ ঘাট ।
ছুটি একটি পথিক চলে
 গল্প করে, হাসে ।
লজ্জাবতী বধুটি গেল
 ছায়াটি নিয়ে পাশে ।
আকাশ-ঘেরা মাঠের ধারে
 বিশাল খেল-ঘরে,
একটি মেয়ে আপন মনে
 কতই খেলা করে ।

মাথার পরে ছায়া পড়েছে
 রোদ পড়েছে কোলে,
 পায়ের কাছে একটি লতা
 বাতাস পেয়ে দোলে !
 মাঠের থেকে বাছুর আসে
 দেখে নতুন লোক,
 ষাড় বেঁকিয়ে চেয়ে থাকে
 ড্যাঁবা ড্যাঁবা চোক ।
 কাঠবিড়ালী উস্খুস্খ
 আশে পাশে ছোট্টে,
 শব্দ পেলে লেজটি তুলে
 চম্ক খেয়ে ওঠে ।
 মেয়েটি তাই চেয়ে দেখে
 কত যে সাধ যায়,
 কোমল গায় হাত বুলায়ে
 চুমো খেতে চায় !

সাধ যেতেছে কাঠবিড়ালী

তুলে নিয়ে বুকে,

ভেঙ্গে ভেঙ্গে টুকু টুকু

খাবার দেবে মুখে ।

মিষ্টি নামে ডাকবে তারে

গালের কাছে রেখে,

বুকের মধ্যে রেখে দেবে

অঁচল দিয়ে ঢেকে ।

“আয় আয়” ডাকে তাই

করুণ স্বরে কয়,

“আমি কিছু বলব না ত

আমায় কেন ভয় !”

মাথা তুলে চেয়ে থাকে

উঁচু ডালের পানে,

কাঠবিড়ালী ছুটে যায়

ব্যথা পায় ঞ্জাণে !

রাখালের বাঁশি বাজে

সুদূর তরুছায়, .

খেলতে খেলতে মেয়েটি তাই

খেলা ভুলে যায় ।

তরুর মূলে মাথা রেখে

চেয়ে থাকে পথে,

না জানি কোন্ পরীর দেশে

ধায় সে মনোরথে ।

একলা কোথায় ঘুরে বেড়ায়

মায়া দ্বীপে গিয়ে ;—

হেনকালে চাষী আসে

ছুটি গরু নিয়ে ।

শব্দ শুনে কেঁপে ওঠে

চমক্ ভেঙ্গে চায় ।

অঁধি হতে মিলায় মায়া,

স্বপন টুটে যায় ।

পাখীর পালক ।

খেলাধুলো সব রহিল পড়িয়া

ছুটে চলে আসে মেয়ে—

বলে তাড়াতাড়ি—“ওমা দেখ্ দেখ্,

কি এনেছি দেখ্ চেয়ে !”

অঁখির পাতায় হাসি চমকায়,

ঠোটে নেচে ওঠে হাসি,

হয়ে যায় ভুল বাঁধনাকো চুল,

খুলে পড়ে কেশ রাশি !

ছুটি হাত তার ঘিরিয়া ঘিরিয়া

রাঙা চুড়ি কয়-গাছি,

করতালি পেয়ে বেজে ওঠে তারা।

কেঁপে ওঠে তারা নাচি ।

মায়ের গলায় বাহু ছুটি বেঁধে

কোলে এসে বসে মেয়ে ।

বলে তাড়াতাড়ি—“ওমা দেখ্ দেখ্

কি এনেছি দেখ্ চেয়ে !”

সোনালি রঙের পাখীর পালক

ধোয়া সে সোনার স্রোতে,

থসে এল যেন তরুণ আলোক

অরুণের পাখা হতে ;

নয়ন-তুলানো কোমল পরশ

ঘুমের পরশ যথা,

মাথা যেন তায় মেঘের কাহিনী

নীল আকাশের কথা !

ছোট খাট নীড়, শাবকের ভীড়

কতমত কলরব,

প্রভাতের সুখ, উড়িবার আশা

মনে পড়ে যেন সব ।

লয়ে সে পালক কপোলে বুলায়,

অঁখিতে বুলায় মেয়ে,

বলে হেয়ো হেসে “ওমা দেখ্ দেখ্

কি এনেছি দেখ্ চেয়ে ।”

মা দেখিল চেয়ে, কহিল হাসিয়ে

“কিবা জ্বিনিষের ছিরি ?”

ভূমিতে ফেলিয়া যাইল চলিয়া

আর না চাহিল ফিরি ?

মেয়েটির মুখে কথা না ফুটিল

মাটিতে রহিল বসি ।

শূন্য হতে বেন পাখীর পালক

ভূতলে পড়িল খসি !

খেলাধুলো তার হলো নাকো আর,

হাসি মিলাইল মুখে,

ধীরে ধীরে শেষে দুটি কোঁটা জল

দেখা দিল দুটি চোখে ।

পালকটি লয়ে রাখিল লুকায়ে

গোপনের ধন তার,

আপনি খেলিত আপনি তুলিত

দেখাত না কারে আর !



আশীর্বাদ ।

ইহাদের কর আশীর্বাদ ।

ধরায় উঠেছে ফুটি গুল প্রাণ গুলি,

নন্দনের এনেছে সম্বাদ,

ইহাদের কর আশীর্বাদ ।

ছোট ছোট হাসি মুখ

জানে না ধরার দুখ,

হেসে আসে তোমাদের দ্বারে

নবীন নয়ন তুলি

কৌতুকেতে ছলি ছলি

চেয়ে চেয়ে দেখে চারিধারে ।

সোনার রবির আলো

কত তার লাগে ভালো,

ভাল লাগে মায়ের বদন ।

হেথায় এসেছে ভুলি,

ধুলিরে জানে না ধুলি,

সবই তার আপনার ধন ।

‘কোলে তুলে লও এরে,
এ যেন কেঁদে না ফেরে,
হরষেতে না ঘটে বিষাদ,
বুকের মাঝারে নিয়ে
পরিপূর্ণ প্রাণ দিয়ে
ইহাদের কর আশীর্বাদ ।

তোমার কোলের কাছে
কত সাধে আসিয়াছে,
তোমা-পরে কতনা বিশ্বাস ।
ওই কোল হতে থ’সে
এ যেন গো পথে ব’সে
একদিন না ফেলে নিশ্বাস ।

নতুন প্রবাসে এসে
সহস্র পথের দেশে
নীরবে চাহিছে চারিভিতে,
এত শত লোক আছে
এসেছে তোমারি কাছে
সংসারের পথ শুধাইতে ।

যেথা তুমি লয়ে যাবে
 কথাটি না ক'য়ে যাবে,
 সাথে যাবে ছায়ার মতন,
 তাই বলি—দেখো দেখো
 এ বিশ্বাস রেখো রেখো,
 পাথারে দিওনা বিসর্জন !

ক্ষুদ্র এ মাথার পর
 রাখ গো করুণ-কর,
 ইহায়ে কোরো না অবহেলা
 এ ঘোর সংসার মাঝে
 এসেছে কঠিন কাজে,
 আসেনি করিতে শুধু খেলা !
 দেখে মুখ শতদল
 চোখে মোর আসে জল,
 মনে হয় বাঁচিবে না বুঝি,
 পাছে, সুকুমার প্রদণ
 ছিঁড়ে হয় থান্ থান্,
 জীবনের পারাবারে যুঝি !

এই হাসিমুখগুলি

হাসি পাছে যায় ভুলি,

পাছে ঘেরে অঁধার প্রমাদ !

উহাদের কাছে ডেকে

বুকে রেখে, কোলে রেখে

তোমরা কর গো আশীর্বাদ ।

বল, “সুখে যাও চোলে

ভবের তরঙ্গ দ’লে,

স্বর্গ হতে আসুক বাতাস,—

সুখ দুঃখ কোরো হেলা

সে কেবল ঢেউ-খেলা

নাচিবে তোদের চারিপাশ ।”

বসন্ত অবসান ।

সিন্ধু ভৈরবী । আড়াঠেকা

কখন বসন্ত গেল,

এবার হল না গান !

কখন বকুল-মূল

ছেয়েছিল ঝরা ফুল,

কখন যে ফুল-ফোটা

হয়ে গেল অবসান !

কখন বসন্ত গেল

এবার হল না গান !

এবার বসন্তে কিরে

যুঁথীগুলি জাগে নিরে !

অলিকুল গুঞ্জরিয়া

করে নি কি মধুপান !

এবার কি সমীরণ

জাগায় নি ফুলবন !

সাড়া দিলে গেল না ত,
চলে গেল ত্রিয়মাণ !
কখন বসন্ত গেল,
এবার হল না গান !

যতগুলি পার্থী ছিল
গেয়ে বুঝি চলে গেল,
সমীরণে মিলে গেল
বনের বিলাপ তান ।
ভেসেছে ফুলের মেলা,
চলে গেছে হাসি-খেলা,
এতক্ষণে সন্ধে-বেলা
জাগিয়া চাহিল প্রাণ !
কখন বসন্ত গেল
এবার হলনা গান !

বসন্তের শেষ রাতে
এসেছিরে শূন্য হাতে,

এবার গাঁথিনি মালা

কি তোমারে করি দান !

কাঁদিছে নীরব বাঁশি,

অধরে মিলায় হাসি,

তোমার নয়নে ভাসে

ছল ছল অভিমান !

এবার বসন্ত গেল,

হলনা, হলনা গান !

বাঁশি ।

বেহাগ — আড়াখেমটা ।

ওগো শোন কে বাজায় !

বন-ফুলের মালার গন্ধ

বাঁশির তানে মিশে যায় ।

অধর ছুঁয়ে বাঁশি থানি

চুরি করে হাসি থানি,

বঁধুর হাসি মধুর গানে

প্রাণের পানে ভেসে যায় !

ওগো শোন কে বাজায় !

কুঞ্জবনের ভ্রমর বুঝি

বাঁশির মাঝে গুঞ্জে,

যকুল গুলি আকুল হয়ে

বাঁশির গানে মুগ্ধরে !

যমুনারি কলতান

কানে আসে, কানে প্রাণ,

আকাশে ঐ মধুর বিধু

কাহার পানে হেসে চায় !

ওগো শোন কে বাজায় !

বিরহ ।

ভৈরবী । একতালী ।

আমি নিশি নিশি কত রচিব শয়ন
 আকুল নয়নরে !

কত নিতি নিতি বনে করিব যতনে
 কুসুম চরম রে !

কত শরদ যামিনী হইবে বিকল,
 বসন্ত যাবে চলিয়া !

কত উদিবে তপন আশার স্বপন
 প্রভাতে যাইবে ছলিয়া !

এই যৌবন কত রাখিব কাঁদিয়া,
 মরিব কাঁদিয়া রে !

সেই চরণ পাইলে মরণ মাগিব
 সাধিয়া সাধিয়া রে !

আমি কার পথ চাহি এ জনম-বাহি
 কার দরশন যাচিরে !

যেন আসিবে বলিয়া কে গেছে চলিয়া
তাই আমি বসে আছিরে !

তাই মালাটি গাঁথিয়া পরেছি মাথায়
নীলবাসে তহু ঢাকিয়া,

তাই বিজন-আলয়ে প্রদীপ জালায়ে
একেলা রয়েছি জাগিয়া !

ওগো তাই কত নিশি চাঁদ ওঠে হাসি,
তাই কেঁদে যায় প্রভাতে ।

ওগো তাই ফুল-বনে মধু-সমীরণে
ফুটে ফুল কত শোভাতে !

ওই বাঁশি স্বর তার আসে বারবার
সেই শুধু কেন আসে না !

এই হৃদয়-আসন গুন্য পড়ে থাকে
কেঁদে মরে শুধু বাসনা !

মিছে পরশিয়া কায় বায়ু বহে যায়
বহে যমুনার গহরী,

কেন কুহ কুহ পিক কুহরিয়া ওঠে
ষামিনী বে ওঠে শিহরি !

ওগো যদি নিশি-শেষে আসে হেসে হেসে,

 মোর হাসি আর রবে কি !

এই জাগরণে ক্ষীণ বদন মলিন

 আমারে হেরিয়া কবে কি !

আমি সারা রজনীর গাঁথা ফুল মালা

 প্রভাতে চরণে ঝরিব,

ওগো আছে সুশীতল যমুনার জল

 দেখে তারে আমি মরিব ।

বাকি ।

কুসুমের গিয়েছে সৌরভ,
জীবনের গিয়েছে গৌরব !
এখন যা-কিছু সব ফাঁকি,
ঝরিতে মরিতে শুধু বাকি !

বিলাপ ।

ঝাঁঝিট্ । একতারা ।

- ওগো এত প্রেম আশা প্রাণের তিয়াষা
 কেমনে আছে সে পাশরি !
- তবে সেখা কি হাসে না চাঁদিনী ঘামিনী,
 সেখা কি বাজেনা বাঁশরী !
- সখি হেথা সমীরণ লুঠে ফুলবন
 সেখা কি পবন বহে না !
- সে যে তার কথা মোরে কহে অনুরাগ
 মোর কথা তারে কহেনা !
- যদি আমারে আজি সে ভুলিবে সজনি,
 আমারে ভুলালে কেন সে !
- ওগো এ চির জীবন করিব রোদন
 এই ছিগ তার মানসে !
- যবে কুসুম শয়নে নয়নে নয়নে
 কেটে ছিল অথ রাতিরে,

তবে কে জানিত তার বিরহ আমার
 হবে জীবনের সাথীরে !
 যদি মনে নাহি রাখে সুখে যদি থাকে
 তোরা একবার দেখে আয়,
 এই নয়নের তুষা পরাণের আশা
 চরণের তলে রেখে আয় !
 আর নিয়ে যা' রাধার বিরহের ভার
 কত আর ঢেকে রাখি বল !
 আর পারিস্ যদি ত আনিস্ হরিয়ে
 এক ফোঁটা তার অঁখি জল !
 না না এত প্রেম সখি ভুলিতে যে পারে
 তারে আর কেহ সেধ না।
 আমি কথা নাহি কব, দুখ লয়ে রব,
 মনে মনে সব' বেদনা !
 ওগো মিছে, মিছে সখি, মিছে এই প্রেম,
 মিছে পরাণের বাসনা !
 ওগো সুখ দিন হায় হবে চলে যার
 আর ফিরে আর আসেনা !

সারাবেলা ।

মিশ্র ভৈরবী । আড়াখেয়ুটা ।

হেলাফেলা সারা বেলা

একি খেলা আপন সনে !

এই বাতাসে ফুলের বাসে

মুখখানি কার পড়ে মনে !

অঁখির কাছে বেড়ায় ভাসি

কে জানে গো কাহার হাসি !

ছুটি ফোঁটা নয়ন সলিল

রেখে যায় এই নয়ন-কোণে !

কোন্ ছায়াতে কোন্ উদাসী

দূরে বাজায় অলস বাঁশি,

মনে হয় কার মনের বেদন

কেঁদে বেড়ায় বাঁশির গানে !

সারা দিন গাঁথি গান

কারে চাহে গাহে প্রাণ,

তরুণের ছায়ার মতন

বসে আছি ফুল বনে ।

আকাজ্জা ।

যোগিয়া বিভাস—একতাল।

আজি শরত তপনে প্রভাত স্বপনে
কি জানি পরাণ কি যে চায় !

ওই শেফালির সাথে কি বলিয়া ডাকে
বিহগ বিহগী কি যে গায় !

আজি মধুর বাতাসে হৃদয় উদাসে
রহে না আবাসে মন হায় !

কোন্ কুসুমের আশে, কোন্ ফুল বাসে
সুন্দর আকাশে মন ধায় !

আজি কে যেন গো নাই এ প্রভাতে তাই
জীবন বিফল হয় গো !

তাই চারিদিকে চায় মন কেঁদে গায়
“এ নহে, এ নহে, নয় গো !”

কোন্ স্বপনের দেশে আছে এলোকেশে,
কোন্ ছায়াময়ী অমরায় !

তুমি ।

মিশ্র বারোয় । । আড়াখেমটা ।

তুমি কোন্ কাননের ফুল,

তুমি কোন্ গগনের তারা !

তোমায় কোথায় দেখেছি

যেন কোন্ স্বপনের পারা !

কবে তুমি গেয়েছিলে,

অঁখির পানে চেয়েছিলে

ভুলে গিয়েছি !

শুধু মনের মধ্যে জেগে আছে,

ঐ নয়নের তারা !

তুমি কথা কোরো না,

তুমি, চেয়ে চলে যাও !

এই চাঁদের আলোতে

তুমি হেসে গলে যাও !

আমি সুমেরু ঘোরে চাঁদের পানে

চেয়ে থাকি মধুর প্রাণে,

তুমি ।

১৮৫

তোমার

অঁখির মতন দুটি তারা

চালুক্ কিরণ-ধারা !

(১৮৬)

ভুল ।

কানাড়া । যৎ ।

বিদায় করেছ যারে

নয়ন জলে,

এখন ফিরাবে তারে

কিসের ছলে !

আজি মধু-সমীরণে

নিশীথে কুসুম-বনে,

তাহারে পড়েছে মনে

বকুল তলে !

এখন ফিরাবে তারে,

কিসের ছলে !

সেদিনো তঁ মধুনিশি

প্রাণে গিয়েছিলুম মিশি,

মুকুলিত দশদিশি

কুসুম-দলে ;

ছটি সোহাগের বাণী
 যদি হত কানাকানী,
 যদি ওই মালাখানি
 পরাতে গলে !
 এখন ফিরাবে আর
 কিসের ছলে !

মধুরাতি পূর্ণিমার
 ফিরে আসে বারবার,
 সে জন ফেরে না আর
 যে গেছে চ'লে !

ছিল তিথি অনুকূল,
 শুধু নিমেষের ভুল,
 চিরদিন তুষাকুল
 পরান জর্নে !
 এখন ফিরাবে তারে
 কিসের ছলে !

(১৮৮)

কো তুঁহ !

কো তুঁহ বোলবি মোয় !

হৃদয় মাহ মঝু জাগসি অনুখন,
অঁখ উপর তুঁহ রচলহি আসন,
অরুণ-নয়ন তব মরম সঙে মম
নিমিখ ন অন্তর হোয় ।

কো তুঁহ বোলবি মোয় !

হৃদয়-কমল, তব চরণে টলমল,
নয়ন যুগল মম উছলে ছলছল,
প্রেমপূর্ণ তনু পুলকে ঢলঢল
চাহে মিলাইতে ভোয় ।

কো তুঁহ বোলবি মোয় !

বাঁশরি-ধ্বনি তুহ অমিয়-গরলরে,
হৃদয় বিদারয়ি হৃদয় হরলরে,
আকুল-কাকলি ভুবন ভরলরে,
উত্তল প্রাণ উতরোয় ।

কো তুঁহ বোলবি মোয় !

হেরি হাসি তব মধুঝতু ধাওল,
 শুনয়ি বাঁশি তব পিককুল গাওল,
 বিকল ভ্রমর সম ত্রিভুবন আওল,
 চরণ-কমল যুগ ছোঁয়।

কো তুঁহ বোলবি মোয় !

গোপবধুজন বিকশিত যৌবন,
 পুলকিত যমুনা, মুকুলিত উপবন,
 নীল নীর পর ধীর সমীরণ,
 পলকে প্রাণমন খোয়।

কো তুঁহ বোলবি মোয় !

তৃষিত অঁাখি, তব মুখপর বিহরই,
 মধুর পরশ তব, রাধা শিহরই,
 প্রেম-রতন ভরি হৃদয় প্রাণ লই
 পদতুলে অপনা খোয়।

কো তুঁহ বোলবি মোয় !

কো তুঁহ কোঁ তুঁহ সব জন পুছয়ি,
 অনুদিন সঘন নয়ন জল মুছয়ি,
 যাচে ভানু, সব সংশয় ঘুচয়ি
 জনম চরণপর গায় ।
 কো তুঁহ বোলবি মোয় !

গান ।

মিশ্র কালাংড়া । আড়থেমটা ।

(ও গো) কে যায় বাঁশরী বাজায়ে !

আমার ঘরে কেহ নাই যে !

(তারে) মনে পড়ে যারে চাই যে !

(তার) আকুল পরাণ বিরহের গান

বাঁশি বুঝি গেল জানায়ে !

(আমি) আমার কথা তারে জানাব কি করে,

প্রাণ কাঁদে মোর তাই যে !

কুসুমের মালা গাঁথা হল না,

ধুলিতে প'ড়ে শুকায় রে,

নিশি হয় ভোর, রজনীর চাঁদ

মলিন মুখ লুকায় রে !

সারা বিভাবরী কার পূজা করি

যৌবন-ডালা সাজায়ে,

(ওই) বাঁশিস্বরে হয় প্রাণ নিয়ে যায়

আমি কেন থাকি হয় রে !

ছোট ফুল ।

আমি শুধু মালা গাঁথি ছোট ছোট ফুলে,
সে ফুল শুকায়ে যায় কথায় কথায়,
তাই যদি, তাই হোক, দুঃখ নাহি তার,
তুলিব কুসুম আমি অনন্তের কূলে !
যারা থাকে অন্ধকারে, পাষণ্ড কারায়,
আমার এ মালা যদি লহে গলে তুলে,
নিমেষের তরে তারা যদি সুখ পায়,
নিষ্ঠুর বন্ধন-ব্যথা যদি যায় ভুলে !
ক্ষুদ্র ফুল, আপনার সৌরভের সনে
নিয়ে আসে স্বাধীনতা,—গভীর আশ্বাস—
মনে আনে রবিকর নিমেষ-স্বপনে,
মনে আনে সমুদ্রের উদার বাতাস ।
ক্ষুদ্র ফুল দেখে যদি কারো পড়ে মনে
বৃহৎ জগৎ, আর বৃহৎ আকাশ !

যৌবন স্বপ্ন !

আমার যৌবন-স্বপ্নে যেন ছেয়ে আছে বিশ্বের আকাশ !
ফুলগুলি গায়ে এসে পড়ে রূপসীর পরশের মত ।
পরাণে পুলক বিকাশিয়া বহে কেন দক্ষিণা বাতাস
যেথা ছিল যত বিরহিণী সকলের কুড়া'য়ে নিশ্বাস !
বসন্তের কুসুম কাননে গোলাপের অঁাখি কেন নত ?
জগতের যত লাজময়ী যেন মোর অঁাখির সকাশ
কাঁপিছে গোলাপ হ'য়ে এসে, মরমের সরমে বিভ্রত !
প্রতি নিশি ঘুমাই যখন' পাশে এসে বসে যেন কেহ
সচক্ৰিত স্বপনের মত জাগরণে পলায় সলাজে !
যেন কার অঁাচলের বায় উষায় পরশি যায় দেহ !
শত নুপুরের রুণুঝুঝু বনে যেন গুঞ্জরিয়া বাজে !
মদির প্রাণের ব্যাকুলতা ফুটে ফুটে বকুল মুকুলে ;
কে আমা'রে করেছে পাগল— শূন্যে কেন চাই অঁাখি তুলে,
যেন কোন্ উৰ্বশীর অঁাখি চেয়ে আছে আকাশের মাঝে !

কণিক মিলন ।

আকাশের দুইদিক হ'তে দুই থানি মেঘ এল ভেসে,
 দুই থানি দিশাহারা মেঘ— কে জানে এসেছে কোথা হ'তে !
 সহসা থামিল থমকিয়া আকাশের মাঝখানে এসে ।
 দৌহাপানে চাহিল দুজনে চতুর্থীর চাঁদের আলোতে ।
 ক্লীণালোকে বুঝি মনে পড়ে দুই অচেনার চেনা-শোনা,
 মনে পড়ে কোন্ ছায়া-দ্বীপে, কোন্ কুহেলিকা-ঘেরা দেশে,
 কোন্ সন্ধ্যা-সাগরের কূলে দুজনের ছিল আনাগোনা !
 মেলে দৌহে তবুও মেলে না তিলেক বিরহ রহে মাঝে,
 চেনা ব'লে মিলিবারে চায়, অচেনা বলিয়া মরে লাজে ।
 মিলনের বাসনার মাঝে আধখানি চাঁদের বিকাশ,—
 দুটি চুসনের ছোঁয়াছুঁয়ি মাঝে যেন সরমের হাস,
 দুখানি অলস অঁধি-পাতা, মাঝে সুখ-স্বপ্ন আভাস !
 দৌহার পরশ ল'য়ে দৌহে ভেসে গেল, কহিল না কথা,
 বলে গেল সন্ধ্যার কাহিনী, 'ল'য়ে গেল উষার বারতা ।

গীতোচ্ছাস ।

ব বাঁশরী ধানি বেজেছে আবার !
প্রিয়ার বারতা বুঝি এসেছে আমার
বসন্ত কানন মাঝে বসন্ত সমীরে !
তাই বুঝি মনে পড়ে ভোলা গান যত !
তাই বুঝি ফুলবনে জাহ্নবীর তীরে
পুরাতন হাসি গুলি ফুটে শত শত !
তাই বুঝি হৃদয়ের বিশ্বস্ত বাসনা
জাগিছে নবীন হ'য়ে পল্লবের মত !
জগত কমল বনে কমল-আসনা
কত দিন পরে বুঝি তাই এল ফিরে !
সে এলনা এল তার মধুর মিলন,
বসন্তের গান হ'য়ে এল তার স্বর,
দৃষ্টি তার ফিরে এল—কোথা সে নয়ন ?
চুপন এসেছে তার—কোথা সে অধর ?

স্তন ।

(১)

নারীর প্রাণের প্রেম মধুর কোমল,
বিকশিত যৌবনের বসন্ত সমীরে
কুসুমিত হয়ে ওই ফুটেছে বাহিরে,
সৌরভ সুধায় করে পরাণ পাগল ।

মরমের কোমলতা তরঙ্গ তরল
উথলি উঠেছে যেন হৃদয়ের তীরে !
কি যেন বাঁশীর ডাকে জগতের প্রেমে
বাহিরিয়া আসিতেছে সলাজ হৃদয়,
সহসা আলোতে এসে গেছে যেন ধেম্বে
সরমে মরিতে চায় অঞ্চল আড়ালে !
প্রেমের সঙ্গীত যেন বিকশিয়া রয়,
উঠিছে পড়িছে ধীরে হৃদয়ের তালে !
হেরগো কমলাসন জননী লক্ষ্মীর—
হের নারী-হৃদয়ের পবিত্র মন্দির ! °

স্তন ।

(২)

পবিত্র সূমেরু বটে এই সে হেথায়,

দেবতা-বিহার-ভূমি কনক-অচল ।

উন্নত সতীর স্তন স্বরগ-প্রভায়

মানবের মর্ত্যভূমি করেছে উজ্জল !

শিশু-রবি হোথা হতে ওঠে সূপ্রভাতে,

শ্রান্ত-রবি সন্ধ্যাবেলা হোথা অস্ত যায় ।

দেবতার অঁখিতারা জেগে থাকে রাতে

বিমল পবিত্র ছুটী বিজন শিখরে ।

চিরস্নেহ-উৎস-ধারে অমৃত নির্ঝরে

সিক্ত করি তুলিতেছে বিশ্বের অধর !

জাগে সদা সুখ-সুপ্ত ধরণীর পরে,

অসহায় জগতের অসীম নির্ভর ।

ধরণীর মাঝে থাকি স্বর্গ আছে চুম্বি-

দেব-শিশু মানবের ঐ মাতৃভূমি ।

চুষন ।

অধরের কাণে যেন অধরের ভাষা ।
দৌহার হৃদয় যেন দৌহে পান করে ।
গৃহ ছেড়ে নিরুদ্দেশ দুটি ভালবাসা
তীর্থযাত্রা করিয়াছে অধর-সঙ্গমে !
দুইটি তরঙ্গ উঠি প্রেমের নিয়মে
ভাঙ্গিয়া মিলিয়া যায় দুইটি অধরে ।
ব্যাকুল বাসনা দুটি চাহে পরস্পরে
দেহের সীমায় আসি দুজনের দেখা !
প্রেম লিখিতেছে গান কোমল আখরে
অধরতে থরে থরে চুষনের লেখা ।
দুখানি অধর হ'তে কুসুম চষন,
মালিকা গাঁথিবে বুঝি ফিরে গিয়ে ঘরে !
দুটি অধরের এই মধুর মিলন
দুইটি হাসির রাঙা বাসর শয়ন ।

বিবসনা ।

ফেল গো বসন ফেল—ঘুচাও অঞ্চল ।

পর শুধু সৌন্দর্যের নগ্ন আবরণ

সুর বালিকার বেশ কিরণ বসন ।

পরিপূর্ণ তনুখানি—বিকচ কমল,

জীবনের যৌবনের লাবণ্যের মেলা !

বিচিত্র বিশ্বের মাঝে দাঁড়াও একেলা !

সর্বক্ষেপে পড়ুক তব চাঁদের কিরণ

সর্বক্ষেপে মলয় বায়ু করুক সে খেলা ।

অসীম নীলিমা মাঝে হও নিমগন

তারাময়ী বিবসনা প্রকৃতির মত ।

অতনু ঢাকুক মুখ বসনের কোণে

তনুর বিকাশ হেরি লাজে শির নত ।

আম্বু বিমল উষা মানব ভবনে,

লাজহীন পবিত্রতা—শুভ্র বিবসনে ।



বাহু ।

কাহারে জড়াতে চাহে দুটি বাহু লতা ।
কাহারে কাঁদিয়া বলে যেওনা যেওনা ।
কেমনে প্রকাশ করে ব্যাকুল বাসনা,
কে শুনেছে বাহুর নীরব আকুলতা !
কোথা হতে নিয়ে আসে হৃদয়ের কথা
গায়ের লিখে দিয়ে যায় পুলক অঙ্করে !,
পরশে বাহিয়া আনে মরম বারতা
মোহ মেখে রেখে যায় প্রাণের ভিতরে !
কণ্ঠ হ'তে উতারিয়া যৌবনের মালা
দুইটি আঙ্গুলে ধরি তুলি দেয় গলে ।
দুটি বাহু বহি আনে হৃদয়ের ডালা
রেখে দিয়ে যায় যেন চরণের তলে !
লতায় ধাক্ক বৃকে চির আলিঙ্গন,
ছিঁড়োনা ছিঁড়োনা দুটি বাহুর বন্ধন !

চরণ ।

ছুখানি চরণ পড়ে ধরণীর গায় ।

ছুখানি অলস রাঙা কোমল চরণ ।

শত বসন্তের স্মৃতি জাগিছে ধরায়,

শতলক্ষ কুসুমের পরশ-স্বপন !

শত বসন্তের যেন ফুটন্ত অশোক

ঝরিয়া মিলিয়া গেছে ছুটি রাঙা পায় !

প্রভাতের প্রদোষের ছুটি সূর্যালোক

অস্ত গেছে যেন ছুটি চরণ ছায়ায় !

যৌবন সঙ্গীত পথে যেতেছে ছড়ায়,

নূপুর কাঁদিয়া মরে চরণ জড়ায়,

নৃত্য সদা বাঁধা যেন মধুর মায়ায় ।

হোথা যে নিষ্ঠুর মাটি, শুষ্ক ধরাতল,—

এস গো হৃদয়ে এস, বুরিছে হেথায়

লাজ-রক্ত লালসার রাঙা শতদল ।

—.

হৃদয় আকাশ ।

আমি ধরা দিয়েছি গো আকাশের পাখী,
নয়নে দেখেছি তব নূতন আকাশ !
ছুথানি অঁখির পাতে কি রেখেছ ঢাকি
হাসিলে ফুটিয়া পড়ে উষার আভাস !
হৃদয় উড়িতে চায় হোথায় একাকী
অঁখি-তারকার দেশে করিবারে বাস ।
ঐ গগনেতে চেয়ে উঠিয়াছে ডাকি
হোথায় হারাতে চায় এ গীত-উচ্ছাস !
তোমার হৃদয়াকাশ অসীম বিজন—
বিমলা নীলিমা তার শান্ত সুকুমারী,
ঐ শূন্য মাঝে যদি নিরে যেতে পারি
আমার ছুথানি পাখা কনক বরণ !
হৃদয় চাতক হ'য়ে চাবে অশ্রুবারি,
হৃদয় চকোর চাবে হাসির কিরণ !

অঞ্চলের বাতাস ।

পাশ দিয়ে গেল চলি চকিতের প্রায়,
অঞ্চলের প্রান্তখানি ঠেকে গেল গায়,
শুধু দেখা গেল তার আধখানি পাশ,
শিহরি পরশি গেল অঞ্চলের বায় ।
অজানা হৃদয়-বনে উঠেছে উচ্ছাস,
অঞ্চলে বহিয়া এল দক্ষিণে বাতাস,
সেথা যে বেজেছে বাঁশি তাই শুনা যায়
সেথায় উঠিছে কেঁদে ফুলের সুবাস ।
কার প্রাণখানি হ'তে করি হায় হায়
বাতাসে উড়িয়া এল পরশ আভাষ !
ওগো কার তনুখানি হয়েছে উদাস !
ওগো কে জানাতে চাহে মরম বারতা !
দিয়ে গেল সর্বাত্মের আকুল নিশ্বাস,
বলে গেল সর্বাত্মের কাণে কাণে কথা !

দেহের মিলন ।

প্রতি অঙ্গ কাঁদে তব প্রতি অঙ্গ তরে ।

প্রাণের মিলন মাগে দেহের মিলন ।

হৃদয়ে আচ্ছন্ন দেহ হৃদয়ের ভরে

মূরছি পড়িতে চায় তব দেহ পরে !

তোমার নয়ন পানে ধাইছে নয়ন,

অধর মরিতে চায় তোমার অধরে !

তুষিত পরাণ আজি কাঁদিছে কাতরে

তোমাতে সর্বাক্ষ দিয়ে করিতে দর্শন ।

হৃদয় লুকান আছে দেহের সায়রে

চির দিন তীরে বসি করি গো ক্রন্দন,

সর্বাক্ষ ঢালিয়া আজি আকুল অন্তরে

দেহের রহস্য মাঝে হইব মগন ।

আমার এ দেহ মন চির রাত্রি দিন

তোমার সর্বাক্ষে যাবে হইয়া বিলীন ।



তনু ।

ওই তনুখানি তব আমি ভালবাসি ।

এ প্রাণ তোমার দেহে হয়েছে উদাসী ।

শিশিরেতে টলমল ঢল ঢল ফুল

টুটে পড়ে থরে থরে যৌবন বিকাশি ।

চারিদিকে গুঞ্জরিছে জগত আকুল

সারা নিশি সারা দিন ভ্রমর পিপাসী ।

ভালবেসে বায়ু এসে ছলাইছে ছল,

মুখে পড়ে মোহ ভরে পূর্ণিমার হাসি ।

পূর্ণ দেহখানি হতে উঠিছে সুবাস ।

মরি মরি কোথা সেই নিভৃত নিলয়,

কোমল শরনে যেথা কেলিছে নিশ্বাস

তনু-ঢাকা মধুমাখা বিজন জদয় ।

ওই দেহখানি বুকে তুলে নেব, বালা,

চতুর্দিশ বসন্তের একগাছি মালা ।

স্মৃতি ।

ওই দেহ পানে চেয়ে পড়ে মোর মনে
যেন কত শত পূর্ব জনমের স্মৃতি !
সহস্র হারান' সুখ আছে ও নয়নে,
জন্ম জন্মান্তরের যেন বসন্তের গীতি !
যেন গো আমারি তুমি আত্ম-বিস্মরণ,
অনন্ত কালের মোর সুখ দুঃখ শোক ;
কত নব জগতের কুসুম কানন,
কত নব আকাশের চাঁদের আলোক ;
কত দিবসের তুমি বিরহের ব্যথা,
কত রজনীর তুমি প্রণয়ের লাজ,
সেই হাসি সেই অশ্রু সেই সব কথা
মধুর মুরতি ধরি দেখা দিল আজ !
তোমার মুখেতে চেয়ে তাই নিশি দিন
জীবন সূদূরে যেন হতেছে বিলীন !

হৃদয়-আসন ।

কোমল দুখানি বাহু সরমে লতারে
বিকশিত স্তন দুটি আগুলিয়া রয়,
তারি মাঝখানে কিরে রয়েছে লুকায়ে
অতিশয় সযতন গোপন হৃদয় !

সেই নিরালস্য, সেই কোমল আসনে,
দুইখানি স্নেহস্ফুট স্তনের ছায়ায়,
কিশোর প্রেমের মৃদু প্রদোষ কিরণে
আনত অঁধির তলে রাখিবে আমায় !
কতনা মধুর আশা ফুটিছে সেথায়—
গভীর নিশীথে কত বিজন কল্পনা,
উদাস নিশ্বাস বায়ু বসন্ত সন্ধ্যায়,
গোপনে চাঁদিনী রাতে ছুটি অশ্রু কণা !
তারি মাঝে আমারে কি রাখিবে যতনে
হৃদয়ের সুমধুর স্বপন-শরনে !

কম্পনার সাথী ।

যখন কুসুম বনে ফির একাকিনী,
ধরায় লুটায় পড়ে পূর্ণিমা যামিনী,
দক্ষিণে বাতাসে আর তটিনীর গানে
শোন যবে আপনার প্রাণের কাহিনী ;—
যখন শিউলি ফুলে কোলখানি ভরি,
দুটি পা ছড়িয়ে দিয়ে আনত বয়ানে
ফুলের মতন দুটি অঙ্গুলিতে ধরি
মালা গাঁথ' সন্ধ্যাবেলা গুন্‌গুন্‌ তানে ;—
মধ্যাহ্নে একেলা যবে বাতায়নে বসে,
নয়নে মিলাতে চায় সূদূর আকাশ,
কখন অঁচল খানি পড়ে যায় থ'সে,
কখন হৃদয় হতে উঠে দীর্ঘশ্বাস,
কখন অশ্রুটি কাঁপে নয়নের পাতে,
তখন আমি কি সখি থাকি তব সাথে !

হাসি ।

সুদূর প্রবাসে আজি কেনরে কি জানি
কেবলি পড়িছে মনে তার হাসিখানি ।
কখন নামিয়া গেল সন্ধ্যার তপন,
কখন থামিয়া গেল সাগরের বাণী !
কোথায় ধরার ধারে বিরহ-বিজন
একটি মাধবী লতা আপন ছায়াতে
ছুটি অধরের রাঙা কিশলয়-পাতে
হাসিটি রেখেছে ঢেকে কুঁড়ির মতন !
সারারাত নয়নের সলিল সিঞ্চিয়া
রেখেছে কাহার তরে যতনে সঞ্চিয়া !
সে হাসিটি কে আসিয়া করিবে চয়ন,
লুক এই জগতের সবারে বঞ্চিয়া !
ভখন দুখানি হাসি মন্দিয়া বাঁচিয়া
তুলিবে অমর করি একটি চুখন !

চিত্রপটে নিদ্রিতা রমণীর চিত্র ।

মায়ায় রয়েছে রাখা প্রদোষ অঁধার
 চিত্রপটে সন্ধ্যাতারা অস্ত নাহি যায় !
 এলাইয়া ছড়াইয়া গুচ্ছ কেশভার
 বাহুতে মাথাটী রেখে রমণী ঘুমায় !
 চারিদিকে পৃথিবীতে চির জাগরণ
 কে ওরে পাড়ালে ঘুম তারি মাঝখানে !
 কোথা হ'তে আহরিয়া নীরব গুঞ্জন
 চিরদিন রেখে গেছে ওরি কাণে কাণে ।
 ছবির আড়ালে কোথা অনন্ত নিব্বর
 নীরব ঝর্ঝর গানে পড়িছে ঝরিয়া ।
 চিরদিন কাননের নীরব মর্ম্মর ।
 লজ্জা চিরদিন আছে দাঁড়ারে সমুখে,
 যেমনি ভাঙ্গিবে ঘুম মরমে মরিয়া
 বুকের বসনখানি তুলে দিবে বুকে ॥

কম্পনা-মধুপ ।

প্রতিদিন প্রাতে শুধু শুণ্ শুণ্ গান,

লালসে অলস-পাখা অলির মতন ।

বিকল হৃদয় লয়ে ঝাগল পরাণ

কোথায় করিতে যায় মধু অন্বেষণ !

বেলা ব'হে যায় চলে—শ্রান্ত দিনমান

তরুতলে ক্লান্ত ছায়া করিছে শয়ন,

মূরছিয়া পড়িতেছে বাঁশরীর তান,

সেঁউতি শিথিল-বৃন্ত মুদিছে নয়ন ।

কুসুম দলের বেড়া, তারি মাঝে ছায়া,

সেথা ব'সে করি আমি ফুল মধু পান ;

বিজনে সৌরভময়ী মধুময়ী মায়া

তাহারি কুহকে আমি করি আশ্রয়দান ;

রেণুমাখা পাখা লয়ে ঘরে ফিরে আসি

আপন সৌরভে থাকি আপনি উদাসী !

পূর্ণ মিলন ।

মি শিদিন কঁদি সখি মিলনের তরে,
যে মিলন ক্ষুধাতুর মৃত্যুর মতন !
লও লও বেঁধে লও কেড়ে লও মোরে,
লও লজ্জা লও বস্ত্র লও আবরণ ।
এ তরুণ তমুখানি লহ চুরি করে,
অঁধি হতে লও ঘুম, ঘুমের স্বপন ।
জাগ্রত বিপুল বিশ্ব লও তুমি'হরে
অনন্তকালের মোর জীবন মরণ !
বিজন বিশ্বের মাঝে, মিলন শ্মশানে,
নির্দোষিত সূর্যালোক লুপ্ত চরাচর,
লাজমুক্ত বাসমুক্ত দুটি নগ্ন প্রাণে,
তোমাতে আমাতে হই অসীম স্নানর !
এ কি দুরাশার স্বপ্ন হায় গো ঈশ্বর,
তোমা ছাড়া এ মিলন আছে কোন্‌খানে ।

শ্রান্তি ।

সুখশ্রমে আমি সখি শ্রান্ত, অতিশয় ;
 পড়েছে শিথিল হ'য়ে শিরার বন্ধন ।
 অসহ কোমল ঠেকে কুসুম শয়ন,
 কুসুম রেণুর সাথে হয়ে যাই লয় ।
 স্বপনের জালে যেন পড়েছি জড়িয়ে !
 যেন কোন অস্তাচলে সন্ধ্যা-স্বপ্নময়
 রবির ছবির মত যেতেছি গড়িয়ে ;
 সূদূরে মিলিয়া যায় নিখিল-নিলয় ।
 ডুবিতে ডুবিতে যেন সুখের সাগরে
 কোথাও না পাই ঠাই, শ্বাসরুদ্ধ হয়,
 পরাণ কাঁদিতে থাকে মৃত্তিকার তরে ।
 এ যে সৌরভের বেড়া, পাষাণের নয় ;
 কেমনে ভাঙিতে হবে ভাবিয়া না পাই,
 অসীম নিদ্রার ভারে পড়ে আছি তাই ।

বন্দী ।

দাও খুলে দাও সুখি ও বাহু পাশ !
চুষন মদিরা আর করায়োনা পান !
কুসুমের কারাগারে রুদ্ধ এ বাতাস,
ছেড়ে দাও ছেড়ে দাও বন্ধ এ পরাণ !
কোথায় উষার আলো কোথায় আকাশ !
এ চির পূর্ণিমা রাত্রি হোক অবসান !
আমারে ঢেকেছে তব মুক্ত কেশপাশ,
তোমার মাঝারে আমি নাহি দেখি ত্রাণ !
আকুল অঙ্গুলি গুলি করি কোলাকুলি
গাঁথিছে সর্বান্তে মোর পরশের ফাঁদ ।
ঘুমঘোরে শূন্য পানে দেখি মুখ তুলি
শুধু অবিশ্রাম-হাসি একখানি চাঁদ !
স্বাধীন করিয়া দাও বেঁধনা আমায়
স্বাধীন হৃদয়খানি দিব তব পায় !

কেন ?

কেন গো এমন স্বরে বাজে তবে বাঁশি,
মধুর সুন্দর রূপে কেঁদে ওঠে হিয়া,
রাঙা অধরের কোণে হেরি মধু হাসি
পুলকে যৌবন কেন উঠে বিকশিয়া !
কেন তনু বাহু ডোরে ধরা দিতে চায়,
ধায় প্রাণ, ছুটি কালো অঁখির উদ্দেশে,
হায় যদি এত লাজ কথায় কথায়,
হায় যদি এত প্রাপ্তি নিমেষে নিমেষে !
কেন কাছে ডাকে যদি মাঝে অন্তরাল,
কেন রে কাঁদায় প্রাণ সব যদি ছায়া,
আজ হাতে তুলে নিয়ে ফেলে দিবে কাল
এরি তরে এত তৃষ্ণা, এ কাহার মায়া !
মানব হৃদয় নিয়ে এত অবহেলা,
খেলা যদি, কেন হেন মর্মান্তিকী খেলা !

মোহ ।

এ মোহ ক দিনু থাকে, এ মায়ী মিনায় !
কিছুতে পারে না আর বাঁধিয়া রাখিতে ।
কোমল বাহুর ডোর ছিন্ন হয়ে যায়,
মদিরা উথলে নাকো মদির-অঁধিতে !
কেহ পারে নাহি চিনে অঁধার নিশায় ।
ফুল ফোটা সাক্ষ হলে গাহে না পাখীতে !
কোথা সেই হাসিপ্রস্তু চুসন-তৃষিত
রাঙা পুষ্পটুকু যেন প্রফুট অধর !
কোথা কুসুমিত তনু পূর্ণ বিকশিত
কল্পিত পুলক ভরে, যৌবন কাতর !
তখন কি মনে পড়ে সেই ব্যাকুলতা,
সেই চির পিপাসিত যৌবনের কথা,
সেই প্রাণ-পরিপূর্ণ মত্তন অনল,
মনে পোড়ে হাসি আসে ? চোখে আসে জল ?

পবিত্র প্রেম ।

ছুঁয়োনা, ছুঁয়োনা ও'রে, দাঁড়াও সরিয়া ।
জ্ঞান করিয়ো না আর মলিন পরশে !
ওই দেখ তিলে তিলে যেতেছে সরিয়া,
বাসনা-নিশ্বাস তব গরল বরষে !
জান না কি হৃদিমাঝে ফুটেছে যে ফুল,
ধুলায় ফেলিলে তারে ফুটিবে না আর !
জান না কি সংসারের পাথার অকুল,
জান না কি জীবনের পথ অন্ধকার !
আপনি উঠেছে ওই তব ঋণ তারা,
আপনি ফুটেছে ফুল বিধির কুপার ;
সাধ করে কে আজিরে হবে পথহারা !
সাধ করে এ কুসুম কে দলিবে পায় !
যে প্রদীপ আলো দেবে তাহে ফেল খাস,
যারে ভালবাসে তারে করিছ বিনাশ !

পবিত্র জীবন ।

মিছে হাসি, মিছে বাঁশি, মিছে এ যৌবন,

মিছে এই দরশের পরশের খেলা !

চেয়ে দেখ, পবিত্র এ মানব জীবন,

কে ইহায়ে অকাতরে করে অবহেলা !

ভেসে ভেসে এই মহা চরাচর স্রোতে

কে জানে গো আসিয়াছে কোন্‌খান হতে,

কোথা হতে নিয়ে এল প্রেমের আভাস,

কোন্‌ অন্ধকার ভেদি উঠিল আলোতে !

এ নহে খেলার ধন, যৌবনের আশ,

বোলো না ইহার কানে আবেশের বাণী,

নহে নহে এ তোমার বাসনার দাস,

তোমার ক্ষুধার মাঝে আনিও না টানি !

এ তোমার ঈশ্বরের মুগ্ধল আশ্বাস,

স্বর্গের আলোক তব এই মুখখানি !



মরীচিকা ।

এস, ছেড়ে এস, সখি, কুসুম শয়ন !
বাজুক্ কঠিন মাটি চরণের তলে ।
কত আর করিবে গো বসিয়া বিরলে
আকাশ-কুসুমবনে স্বপন চয়ন !
দেখ ওই দূর হতে আসিছে ঝটিকা,
স্বপ্নরাজ্য ভেসে যাবে থর অশ্রু জলে !
দেবতার বিদ্যুতের অভিশাপ শিখা
দহিবে অঁধার নিদ্রা বিমল অনলে ।
চল গিয়ে থাকি দৌছে মানবের সাথে,
সুখ দুঃখ লয়ে সবে গাঁথিছে আলয়,
হাসি কান্না ভাগ করি ধরি হাতে হাতে
সংসার সংশয় রাত্রি রহিব নির্ভয় ।
সুখ-রৌদ্র-মরীচিকা নহে বাসস্তান,
মিলায় মিলায় বলি ভয়ে কাঁপে প্রাণ !

গান রচনা ।

এ শুধু অলস মায়া, এ শুধু মেঘের খেলা !

এ শুধু মনের সাধ বাতাসেতে বিসর্জন ;

এ শুধু আপন মনে মালা গাঁথে ছিঁড়ে ফেলা,

নিমেষের হাসিকান্না গান গেয়ে সমাপন ।

শ্যামল পল্লব পাতে রবিকরে সারাবেলা

আপনার ছায়া লয়ে খেলা করে ফুলগুলি,

এও সেই ছায়া-খেলা বসন্তের সূর্য্যরশ্মি !

কুহকের দেশে যেন সাধ ক'রে পথ তুলি

হেথা হোথা ঘুরি ফিরি সারাদিন আনমনে !

কারে যেন দেব' ব'লে কোথা যেন ফুল তুলি,

সক্যাম মলিন ফুল উড়ে যায় বনে বনে !

এ খেলা খেলিবে হায় খেলার সাথী কে আছে ?

ভুলে ভুলে গান গাই—কে শোনে, কে নাই শো

যদি কিছু মনে পড়ে, যদি কেহ আসে কাছে !



সন্ধ্যার বিদায় ।

সন্ধ্যা যায়, সন্ধ্যা ফিরে চায়, শিথিল কবরী পড়ে খুলে,—
 যেতে যেতে কনক অঁচল বেধে যায় বকুল-কাননে,
 চরণের পরশ-রাঙিয়া রেখে যায় যমুনার কূলে ;—
 নীরবে-বিদায়-চাওয়া-চোখে, গ্রহি-বাঁধা রক্তিম হৃকূলে
 অঁধারের স্নান-বধু যায় বিষাদের বাসর-শয়নে ।
 সন্ধ্যাতারা পিছনে দাঁড়ায়ে চেয়ে থাকে আকুল-নয়নে ।
 যমুনা কাঁদিতে চাহে বুঝি কেনরে কাঁদেনা কণ্ঠ তুলে,
 বিস্ফারিত হৃদয় বহিয়া চলে যায় আপনার মনে ।
 মাঝে মাঝে ঝাউবন হতে গভীর নিশ্বাস ফেলে ধরা ।
 সপ্ত ঋষি দাঁড়াইল আসি নন্দনের সুরতরু-মূলে,
 চেয়ে থাকে পশ্চিমের পথে ভূলে যায় আশীর্বাদ করা' ।
 নিশীথিনী রহিল জাগিয়া বদন ঢাকিয়া এলোচূলে ।
 কেহ আর কহিল না কথা, একটিও বহিল না শ্বাস ;
 আপনার সমাধি মাঝারে নিরাশা নীরবে করে বাস ॥

রাত্রি ।

জগতেরে জড়াইয়া শতপাকে ষামিনী-নাগিনী,
আকাশ পাতাল জুড়ি ছিল প'ড়ে নিদ্রায় মগনা,
আপনার হিম দেহে আপনি বিলীনা একাকিনী ।
মিটি মিটি তার কায় জলে তার অন্ধকার ফণা !
উষা আসি মন্ত্র পড়ি বাজাইলা ললিত রাগিনী
রাঙা অঁখি পাকালিয়া সাপিনী উঠিল তাই জাগি,
একে একে খুলে পাক, অঁকি বাকি কোথা যায় ভ
পশ্চিম সাগর তলে আছে বুঝি বিরাট গহ্বর,
সেথায় ঘুমাবে ব'লে ডুবিতেছে বাসুকি-ভগিনী,
মাথায় বহিয়া তার শত লক্ষ রতনের কণা;
শিয়রেতে সারাদিন জেগে রবে বিপুল সাগর,
নিভতে, স্তিমিত দীপে চুপি চুপি কহিয়া কাহিনী
মিলি কত নাগবালা স্বপ্নমালা করিবে রচনা ।

বৈতরণী ।

অশ্রু স্রোতে স্ফীত হয়ে বহে বৈতরণী ;
চৌদিকে চাপিয়া আছে অঁধার রজনী ।
পূর্বতীর হ'তে হুহু আসিছে নিশ্বাস
যাত্রী লয়ে পশ্চিমেতে চলেছে তরণী !
মাঝে মাঝে দেখা দেয় বিদ্যুত-বিকাশ,
কেহ করে নাহি চেনে ব'সে নত শিরে ।
গলে ছিল বিদায়ের অশ্রু-কণা হার
ছিন্ন হ'য়ে একে একে ঝরে পড়ে নীরে ।
ঐ বুঝি দেখা যায় ছায়া পর পার,
অন্ধকারে মিটি মিটি তারা দীপ জলে !
হোথায় কি বিস্মরণ, নিঃস্বপ্ন নিদ্রার
শয়ন রচিয়া দিবে ঝরা ফুল দলে !
অথবা অকূলে শুধু অনন্ত রজনী
ভেসে চলে কর্ণধার-বিহীন তরণী !

মানব-হৃদয়ের বাসনা ।

নিশীথে রয়েছি জেগে ; দেখি অনিমিথে,
লক্ষ হৃদয়ের সাধ শূণ্ণে উড়ে যায় ।
কত দিক হ'তে তারা ধায় কত দিকে ।
কত না অদৃশ্য-কারা ছায়া-আলিঙ্গন
বিশ্বময় করে চাহে করে হায় হায় !
কত স্মৃতি খুঁজিতেছে শশান শয়ন ;
অন্ধকারে হের শত তৃষিত নয়ন
ছায়াময় পাখী হ'য়ে কার পানে ধায় ।
ক্ষীণশ্বাস মুমূর্ষুর অতৃপ্ত বাসনা
ধরণীর কূলে কূলে ঘুরিয়া বেড়ায় !
উদ্দেশে ঝরিছে কত অশ্রুবারি কণা
চরণ খুঁজিয়া তারা মরিবারে চায় !
কে শুনিছে শত কোটি হৃদয়ের ডাক !
নিশীথিনী স্তব্ধ হ'য়ে রয়েছে অবাক !

সিন্ধু গর্ভ ।

উপরে স্রোতের ভরে ভাসে চরাচর,
নীল সমুদ্রের পরে নৃত্য ক'রে সারা ।
কোথা হ'তে ধরে যেন অনন্ত নির্ঝর
ধরে আলোকের কণা রবি শশি তারা ।
ধরে প্রাণ, ধরে গান, ধরে প্রেমধারা
পূর্ণ করিবারে চায় আকাশ সাগর !
সহসা কে ডুবে যায় জলবিশ্ব পারা,
হুয়েকটি আলো রেখা যায় মিলাইয়া,
তখন ভাবিতে বসি কোথায় কিনারা,
কোন্ অতলের পানে ধাই তলাইয়া !
নিম্নে জাগে সিন্ধুগর্ভ স্তব্ধ অন্ধকার ।
কোথা নিবে যায় আলো, থেমে যায় গীত,
কোথা চিরদিন তরে অসীম আড়াল !
কোথায় ডুবিকা গেছে অনন্ত অতীত !

ক্ষুদ্র অনন্ত ।

অনন্ত দিবস রাত্রি কালের উচ্ছাস
তারি মাঝখানে শুধু একটী নিমেষ,
একটী মধুর সন্ধ্যা, একটু বাতাস—
মৃৎ আলো অঁধারের মিলন আবেশ—
তারি মাঝখানে শুধু একটুকু জুঁই,—
একটুকু হাসি মাখা সৌরভের লেশ—
একটু অধর তার ছুঁই কি না ছুঁই—
আপন আনন্দ ল'য়ে উঠিতেছে ফুটে,
আপন আনন্দ ল'য়ে পড়িতেছে টুটে !
সমগ্র অনন্ত ঐ নিমেষের মাঝে
একটী বনের প্রান্তে জুঁই হয়ে উঠে ।
পলকের মাঝখানে অনন্ত বিরাজে ।
যেমন পলক টুটে ফুলঝরে যায়
অনন্ত আপনা মাঝে আপনি মিলায় !

সমুদ্র ।

কিসের অশান্তি এই মহা পারাবারে !
সতত ছিঁড়িতে চাহে কিসের বন্ধন !
অব্যক্ত অক্ষুটবাণী ব্যক্ত করিবারে
শিশুর মতন সিন্ধু করিছে ক্রন্দন !
যুগযুগান্তর ধরি যোজন যোজন
ফুলিয়া ফুলিয়া উঠে উত্তাল উচ্ছ্বাস ;
অশান্ত বিপুল প্রাণ করিছে গর্জন,
নীরবে গুনিছে তাই প্রশান্ত আকাশ ।
আছাড়ি চূর্ণিতে চাহে সমগ্র হৃদয়
কঠিন পাষাণময় ধরণীর তীরে,
জোয়ারে সাধিতে চায় আপন প্রলয়,
ভাঁটায় মিলাতে চায় আপনার নীরে !
অন্ধ প্রকৃতির হৃদে মৃত্তিকার বাঁধা
সতত ছলিছে ওই অশ্রুর পাথর,
উন্মূখী বাসনা পায় পদে পদে বাধা,
কাঁদিয়া ভাসাতে চাহে জগৎ সংসার ।

সাগরের কণ্ঠ হতে কেড়ে নিয়ে কথা
সাধ যায় ব্যক্ত করি মানব ভাষায় ;
শান্ত করে দিই ওই চির ব্যাকুলতা,
সমুদ্র বায়ুর ওই চির হায় হায় !
একটি সঙ্গীতে মোর দিবস রজনী
ধ্বনিবে পৃথিবী-ঘেরা সঙ্গীতের ধ্বনি !

অন্ত্যমান রবি ।

আজ কি তপন তুমি যাবে অস্তাচলে
না শুনে আমার মুখে একটিও গান !
দাঁড়াও গো, বিদায়ের ছুটো কথা বলে
আজিকার দিন আমি করি অবসান !
থাম ওই সমুদ্রের প্রান্ত-রেখা পরে,
মুখে মোর রাখ তব একমাত্র অঁখি !
দিবসের শেষ পলে নিমেষের তরে
তুমি চেয়ে থাক আর আমি চেয়ে থাকি !
ছজনের অঁখি পরে সায়াক্ষ অঁধার
অঁখির পাতার মত আশ্রুক মুদিয়া,
গভীর তিমির-স্নিগ্ধ শাস্তির পাথার
নিবাসে ফেলুক আজি ছুটি দীপ্ত হিয়া !
শেষ গান সঙ্গ করে থেমে গেছে পাখী,
আমার এ গানখানি ছিল শুধু বাকী !

অস্তাচলের পরপারে ।

(সন্ধ্যা সূর্যের প্রতি ।)

আমার এ গান তুমি যাও সাথে করে
নূতন সাগর তীরে দিবসের পানে !
সায়াহ্নের কূল হতে যদি ঘুমঘোরে
এ গান উষার কূলে পশে কারো কানে !
সারারাত্রি নিশীথের সাগর বাহিরা
স্বপনের পরপারে যদি ভেসে যায় !
প্রভাত পাখীরা যবে উঠিবে গাহিয়া
আমার এ গান তারা যদি খুঁজে পায় !
গোধূলির তীরে বসে কেঁদেছে যে জন
ফেলেছে আকাশে চেয়ে অশ্রু জল কত,
তার অশ্রু পড়িবে কি হইরা নূতন
নব প্রভাতের মাঝে শিশিরের মত !
সায়াহ্নের কুঁড়িগুলি আপনা টুটিয়া
প্রভাতে কি কূল হয়ে উঠে না ফুটিয়া !

প্রত্যাশা ।

সকলে আমার কাছে যত কিছু চায়
সকলেরে আমি তাহা পেরেছি কি দিতে !
আমি কি দিইনি ফাঁকি কত জনে হয়,
রেখেছি কত না ঋণ এই পৃথিবীতে !
আমি তবে কেন বকি সহস্র প্রলাপ,
সকলের কাছে চাই ভিক্ষা কুড়াইতে !
এক তিল না পাইলে দিই অভিশাপ
অমনি কেনরে বসি কাতরে কাঁদিতে !
হা ঈশ্বর, আমি কিছু চাহিনাক আর,
ঘুচাও আমার এই ভিক্ষার বাসনা !
মাথায় বহিয়া লয়ে চির ঋণভার
“পাইনি” “পাইনি” বলে আর কাঁদিব না !
তোমারেও মাগিব না, অলস কাঁদনি !
আপনারে দিলে তুমি আসিবে আপনি !

স্বপ্নকল্প ।

পারি না করিলে আমি সংসারের কাজ,
লোক মাঝে অঁাখি তুলে পারি না চাহিতে !
ভাসিয়ে জীবন তরী সাগরের মাঝ
তরঙ্গ লঙ্ঘন করি পারি না বাহিতে !
পুরুষের মত বত মানবের সাথে
যোগ দিতে পারিনাক লয়ে নিজ বল,
সহস্র সঙ্কল্প শুধু ভরা দুই হাতে
বিফলে গুণায় যেন লক্ষ্যণের ফল !
আমি গাঁথি আপনার চারিদিক ঘিরে
সূক্ষ্ম রেশমের জাল কীটের মতন ।
মগ্ন থাকি আপনার মধুর তিমিরে,
দেখি না এ জগতের প্রকাণ্ড জীবন !
কেন আমি আপনার অন্তরালে থাকি !
মুদ্রিত পাতার মাঝে কাঁদে অন্ধ অঁাখি ।

অক্ষমতা ।

এ যেন রে অভিশপ্ত প্রেতের পিপাসা,
মলিল রয়েছে পড়ে শুধু দেহ নাই !
এ কেবল হৃদয়ের দুর্বল দুরাশা
সাধের বস্তুর মাঝে করে চাই চাই !
ছুটি চরণেতে বেঁধে ফুলের শৃঙ্খল
কেবল পথের পানে চেয়ে বসে থাকা,
মানব জীবন যেন সকলি নিষ্ফল,
বিশ্ব যেন চিত্রপট, আমি যেন অঁাকা ।
চিরদিন বুভুক্ষিত প্রাণ হতাশন
আমারে করিছে ছাই প্রতি পলে পলে ;
মহত্বের আশা শুধু ভারের মতন
আমারে ডুবিয়ে দেয় জড়ত্বের তলে !
কোথা সংসারের কাজে জাগ্রত হৃদয় !
কোথারে সাহস মোর অস্থি মজ্জাময় !

জাগিবার চেষ্টা ।

মা কেহ কি আছ মোর, কাছে এস তবে,
পাশে ব'সে স্নেহ ক'রে জাগাও আমায় !
স্বপ্নের সমাধি মাঝে বাঁচিয়া কি হবে,
যুঝিতেছি জাগিবারে,—অঁধি রুদ্ধ হায় !
ডেকো না ডেকো না মোরে ক্ষুদ্রতার মাঝে,
স্নেহময় আলস্যেতে রেখোনা বাঁধিয়া,
আশীর্বাদ ক'রে মোরে পাঠাও গো কাজে,
পিছনে ডেকোনা আর কাতরে কাঁদিয়া !
মোর বলে কাহারেও দেব না কি বল !
মোর প্রাণে পাবে না কি কেহ নব প্রাণ !
করুণা কি শুধু ফেলে নয়নের জল,
প্রেম কি ধরের কোণে গাহে শুধু গান !
তবেই ঘুচিবে মোর জীবনের লাজ
যদি মা করিতে পারি কারো কোন কাজ !

কবির অহঙ্কার ।

গান গাহি বলে কেন অহঙ্কার করা !
শুধু গাহি বলে কেন কাঁদি না সরমে !
খাঁচার পাখীর মত গান গেয়ে মরা,
এই কি মা আদি অস্ত মানব জনমে !
সুখ নাই—সুখ নাই—শুধু মর্ম ব্যথা—
মরীচিকা-পানে শুধু মরি পিপাসায়,
কে দেখালে প্রলোভন, শূন্য অমরতা ;
প্রাণে ম'রে গানে কিরে বেঁচে থাকা যায় !
কে আছ মলিন হেথা, কে আছ দুর্বল,
মোরে তোমাদের মাঝে কর গো আহ্বান,
বারেক একত্রে বসে ফেলি অশ্রু জল,
দূর করি হীন গর্ব, শূন্য অভিমান !
তার পরে একসাথে এস কাজ করি,
কেবলি বিলাপ গান দূরে পরিহারি ।

বিজনে !

আমারে ডেকোনা আজি এ নহে সময়,
একাকী রয়েছি হেথা গভীর বিজন,
রুধিয়া রেখেছি আমি অশান্ত হৃদয়,
দুরন্ত হৃদয় মোর করিব শাসন !
মানবের মাঝে গেলে এ যে ছাড়া পায়,
সহস্রের কোলাহলে হয় পথহারা,
লুক মুষ্টি যাহা পায় অঁকড়িতে চায়,
চিরদিন চিররাত্রি কেঁদে কেঁদে সারা !
ভৎসনা করিব তারে বিজনে বিরলে,
একটুকু ঘুমাক্ সে কাঁদিয়া কাঁদিয়া,
শ্রামল বিপুল কোলে আকাশ অঞ্চলে
প্রকৃতি জননী, তারে রাখুন বাঁধিয়া !
শান্ত স্নেহ কোলে বসে শিশুক্ সে স্নেহ,
আমারে আজিকে তোরা ডাকিস্নে কেহ

সিন্ধুতীরে ।

হেথা নাই ক্ষুদ্র কথা, তুচ্ছ কানাকানি,
ধ্বনিত হতেছে চির-দিবসের বাণী ।
চির দিবসের রবি ওঠে অস্ত যায়,
চির দিবসের কবি গাহিছে হেথায় !
ধরণীর চারিদিকে সীমামূল্য গানে
সিন্ধু শত তটিনীতে করিছে আহ্বান,
হেথায় দেখিলে চেয়ে আপনার পানে
ছুই চোখে জল আসে, কেঁদে ওঠে প্রাণ !
শত যুগ হেথা বসে মুখপানে চায় ।
বিশাল আকাশে পাই হৃদয়ের সাড়া !
তীব্র বক্র ক্ষুদ্র হাসি পায় যদি ছাড়া
রবির কিরণে এসে মরে সে লজ্জায় !
সবারে আনিতে বুকে বুক বেড়ে যায়,
সবারে করিতে ক্রমা আপনারে ছাড়া !

সত্য ।

(১)

ভয়ে ভয়ে ভ্রমিতেছি মানবের মাঝে
হৃদয়ের আলোটুকু নিবে গেছে বলে ;
কে কি বলে তাই শুনে মরিতেছি লাজে,
কি হয় কি হয় ভেবে ভয়ে প্রাণ দোলে !
“আলো” “আলো” খুঁজে মরি পরের নয়নে,
“আলো” “আলো” খুঁজে খুঁজে কাঁদি পথে পথে,
অবশেষে শুয়ে পড়ি ধুলির শয়নে
ভয় হয় এক পদ অগ্রসর হতে !
বজ্রের আলোক দিয়ে ভাঙ্গ অন্ধকার,
হৃদি যদি ভেঙ্গে যায় সেও তবু ভাল,
যে গৃহে জানালা নাই সে ত কারাগার,
ভেঙ্গে ফেল, আসিবেক স্বরগের আলো !
হায় হায় কোথা সেই অখিলের জ্যোতি !
চলিব সরল পথে অশঙ্কিত গতি !

সত্য ।

(২)

জালায়ে অঁধার শূন্যে কোটি রবি শশি
দাঁড়িয়ে রয়েছ একা অসীম সুন্দর ।
সুগভীর শাস্ত নেত্র রয়েছে বিকশি,
চির স্থির শুভ্র হাসি, প্রসন্ন অধর ।
আনন্দে অঁধার মরে চরণ পরশি,
লাজ ভয় লাজে ভয়ে মিলাইয়া যায়,
আপন মহিমা হেরি আপনি হরষি
চরাচর শির তুলি তোমা পানে চায় !
আমার হৃদয় দীপ অঁধার হেথায়,
ধূলি হতে তুলি এরে দাও জালাইয়া,
ওই ঞ্চব তারাখানি রেখেছ যেথায়
সেই গগনের প্রান্তে রাখ বুলাইয়া ।
চিরদিন জেগে রবে, নিবিবে না আর,
চিরদিন দেখাইবে অঁধারের পার !

আত্মাভিমান ।

আপনি কণ্টক আমি, আপনি জর্জর ।
আপনার মাঝে আমি শুধু ব্যথা পাই ।
সকলের কাছে কেন যাচিগো নির্ভর,
গৃহ নাই, গৃহ নাই, মোর গৃহ নাই !
অতি তীক্ষ্ণ অতি ক্ষুদ্র আত্ম-অভিমান
সহিতে পারে না হায় তিল অসম্মান !
আগে ভাগে সকলের পায়ে ফুটে যায়
ক্ষুদ্র বলে পাছে কেহ জানিতে না পায় !
বরঞ্চ অঁধারে রব ধূলার মলিন
চাঠিনা চাহিনা এই দীন অহঙ্কার—
আপন দারিদ্র্যে আমি রহিব বিলীন,
বেড়াবনা চেয়ে চেয়ে প্রসাদ সবার !
আপনার মাঝে যদি শান্তি পায় মন
বিনীত ধূলার শয্যা স্তব্ধের শয়ন ।

আত্ম অপমান ।

মোহ তবে অশ্রুজল, চাও হামি মুখে
বিচিত্র এ জগতের সকলের পানে !
মানে আর অপমানে সুখে আর দুখে
নিখিলেরে ডেকে লও প্রসন্ন পরাগে !
কেহ ভাল বাসে কেহ নাহি ভাল বাসে
কেহ দূরে যায় কেহ কাছে চলে আসে,
আপনার মাঝে গৃহ পেতে চাও যদি
আপনারে ভুলে তবে থাক নিরবধি ।
ধনীর সম্মান আমি, নহি গো ভিখারী,
হৃদয়ে লুকানো আছে প্রেমের ডাঙার
আমি ইচ্ছা করি যদি বিলাইতে পারি
গভীর সুখের উৎস হৃদয় আমার ।
ছুরারে ছুরারে কিরি মাগি অন্নপান
কেন আমি করি তবে আত্ম অপমান !

ক্ষুদ্র আমি ।

বুঝেছি বুঝেছি সখা, কেন হাহাকার,
আপনার পরে মোর কেন সদা রোষ !
বুঝেছি বিফল কেন জীবন আমার,
আমি আছি তুমি নাই তাই অসন্তোষ !
সকল কাজের মাঝে আমারেই হেরি—
ক্ষুদ্র আমি ভেগে আছে ক্ষুধা লয়ে তার,
শীর্ণ বাহু আলিঙ্গনে আমারেই ঘেরি
করিছে আমার হায় অস্থিচর্ম সার !
কোথা নাথ কোথা তব সুন্দর বদন,
কোথায় তোমার নাথ বিশ্ব-ঘেরা হাসি !
আমারে কাড়িয়া লও, করগো গোপন,
আমারে তোমার মাঝে করগো উদাসী !
ক্ষুদ্র আমি করিতেছে বড় অহঙ্কার,
ভান্ন নাথ, ভান্ন নাথ অভিমান তার !

প্রার্থনা ।

তুমি কাছে নাই ব'লে হের সখা তাই
“আমি বড়” “আমি বড়” করিছে সবাই !
সকলেই উচু হয়ে দাঁড়িয়ে সমুখে
বলিতেছে “এ জগতে আর কিছু নাই !”
নাথ তুমি একবার এস হাসি মুখে
এরা সবে শ্রান হয়ে লুকাক লজ্জায়—
সুখ দুঃখ টুটে যাক তব মহা সুখে,
যাক আলো অন্ধকার তোমার প্রভায় !
নহিলে ডুবেছি আমি, মরেছি হেথায়,
নহিলে খুচেনা আর মর্নের ক্রন্দন,
শুষ্ক ধূলি তুলি শুধু সুখা-পিপাসায়
প্রেম ব'লে পরিয়াছি মরণ বন্ধন !
কভু পড়ি কভু উঠি, হাসি আর কান্দি—
খেলা ঘর ভেঙ্গে পড়ে রচিবে সমাধি ।

বাসনার ফাঁদ ।

যারে চাই, তার কাছে আমি দিই ধরা,
সে আমার না হইতে আমি হই তার !
পেয়েছি বলিয়ে মিছে অভিমান করা,
অন্যেরে বাঁধিতে গিয়ে বন্ধন আমার !
নিরখিয়া দ্বার মুক্ত সাধের ভাণ্ডার
হুই হাতে লুটে নিই রত্ন ভূরি ভূরি,
নিষে যাব মনে করি, ভারে চলা ভার,
চোরা দ্রব্য বোঝা হয়ে চোরে করে চুরি
চিরদিন ধরণীর কাছে ঋণ চাই,
পথের সম্বল বলে জমাইয়া রাখি,
আপনারে বাঁধা রাখি সেটা ভুলে যাই,
পাথের লইয়া শেষে কারাগারে থাকি !
বাসনার বোঝা নিয়ে ডোবে-ডোবে তরী,
ফেলিতে সরে না মন উপায় কি করি !

চিরদিন ।

(১)

কোথা রাত্রি, কোথা দিন, কোথা ফুটে চক্ৰ সূর্য্য তারা,
কেবা আসে কেবা যায়, কোথা বসে জীবনের মেলা,
কেবা হাসে কেবা গায়, কোথা খেলে হৃদয়ের খেলা,
কোথা পথ, কোথা গৃহ, কোথা পাছ, কোথা পথহারা !

কোথা ধ'সে পড়ে পত্র জগতের মহাবৃক্ষ হতে,
উড়ে উড়ে ঘুরে মরে, অসীমতে না পায় কিনারা,
বহে যায় কাল বায়ু অবিভ্রাম আকাশের পথে,
ঝর ঝর মর মর শুষ্ক পত্র শ্যাম পত্রে মিলে !

এত ভাঙ্গা, এত গড়া, আনাপোনা জীবন্ত নিখিলে,
এত গান এত তান এত কান্না এত কলরব—

কোথা কেবা—কোথা সিদ্ধ—কোথা উন্মি—কোথা তার

বেলা;—

পতীর অসীম গর্ভে নির্বাসিত নির্বাপিত সব !
জনপূর্ণ সুবিজনে, জ্যোতির্বিহীন অঁধারে বিলীন
আকাশ-গম্ভী্রে শুধু বসে আছে এক “চির-দিন” ।

(২)

কি লাগিয়া বসে আছ, চাহিয়া রয়েছ কার লাগি !

প্রলয়ের পর-পারে নেহারিছ কার আগমন !

কার দূর পদধ্বনি চিরদিন করিছ শ্রবণ !

চির-বিরহীর মত চির-রাত্রি রহিয়াছ জাগি ।

অসীম অতৃপ্তি লয়ে মাঝে মাঝে ফেলিছ নিশ্বাস,

আকাশ-প্রান্তরে তাই কেঁদে উঠে প্রলয়-বাতাস,

জগতের উর্ণাজাল ছিঁড়ে টুটে কোথা যায় ভাগি !

অনন্ত অঁধার মাঝে কেহ তব নাহিক দোসর,

পশে না তোমার প্রাণে আমাদের হৃদয়ের আশ,

পশে না তোমার কানে আমাদের পাখীদের স্বর—

সহস্র জগতে মিলি রচে তব বিজন প্রবাস,

সহস্র শব্দে মিলি বাঁধে তব নিঃশব্দের ঘর,

হাসি, কান্দি, ভালবাসি, নাই তব হাসি, কান্না, মায়া,

আসি থাকি চলে যাই কত ছায়া কত উপছায়া !

(৩)

তাই কি ? সকলি ছায়া ? আসে, থাকে, আর মিলে যায় ?

তুমি শুধু একা আছ, আর সব আছে আর নাই ?

যুগ যুগান্তর ধ'রে ফুল ফুটে, ফুল ঝরে তাই ?

প্রাণ পেয়ে প্রাণ দিই সে কি শুধু মরণের পায় ?

এ ফুল চাহে না কেহ ? লহে না এ পূজা-উপহার ?

এ প্রাণ, প্রাণের আশা, টুটে কি অসীম শূন্যায় !

বিশ্বের উঠিছে গান, বধিরতা বসি সিংহাসনে ?

বিশ্বের কাঁদিছে প্রাণ, শূন্যে ঝরে অশ্রুবারি ধার ?

যুগ যুগান্তর প্রেম কে লইবে, নাই ত্রিভুবনে ?

চরাচর মগ্ন আছে নির্দিদি আশার স্বপনে—

বাঁশী শুনে চলিয়াছে, সে কি হয় বৃথা অভিসার !

বোলো না সকলি স্বপ্ন, সকলি এ মায়ায় ছলন,

বিশ্ব যদি স্বপ্ন দেখে সে স্বপন কাহার স্বপন ?

সে কি এই প্রাণহীন প্রেমহীন অন্ধ অন্ধকার ?

(৪)

ধ্বনি খুঁজে প্রতিধ্বনি, প্রাণ খুঁজে মরে প্রতিপ্রাণ ।

জগৎ আপনা দিয়ে খুঁজিছে তাহার প্রতিদান ।

অসীমে উঠিছে প্রেম, শুধিবারে অসীমের ঋণ—

যত দেয় তত পায়, কিছুতে না হয় অবসান ।

যত ফুল দেয় ধরা তত ফুল পায় প্রতি দিন—

যত প্রাণ ফুটাইছে ততই বাড়িয়া উঠে প্রাণ ।

বাহা আছে তাই দিয়ে ধনৌ হইবে উঠে দীন হীন,

অসীমে জগতে এ কি পিরীতির আদান প্রদান !

কাহারে পুজিছে ধরা শ্যামল যৌবন উপহারে,

নিমেষে নিমেষে তাই ফিরে পায় নবীন যৌবন ।

প্রেমে টেনে আনে প্রেম, সে প্রেমের পাথার কোথারে !

প্রাণ দিলে প্রাণ আসে,—কোথা সেই অনন্ত জীবন !

কুদ্র আপনারে দিলে, কোথা পাই অসীম আপন,

সে কি ওই প্রাণহীন প্রেমহীন অন্ধ অন্ধকারে !

বঙ্গভূমির প্রতি ।

কাফি । কাওয়ালি ।

কেন চেয়ে আছি গো মা মুখপানে !
এরা চাহে না তোমারে চাহে না যে,
আপন মায়েরে নাহি জানে !
এরা তোমায় কিছু দেবে না দেবে না
মিথ্যা কহে শুধু কত কি ভানে !
তুমিত দিতেছ মা যা আছে তোমারি
স্বর্ণ শস্য তব, জাহ্নবীবারি,
জ্ঞান ধর্ম কত পুণ্য কাহিনী,
এরা কি দেবে তোরে, কিছু না কিছু না
মিথ্যা কবে শুধু হীন পরাণে !
মনের বেদনা রাখ মা মনে,
নয়ন বারি নিবার' নয়নে,
মুখ লুকাও মা ধূলি শয়নে,
ভুলে থাক যত হীন সন্তানে ।

শূন্যপানে চেয়ে গ্রহর গণি গণি
 দেখ কাটে কি না দীর্ঘ রজনী,
 হুঃখ জানায় কি হবে জননী,
 নিশ্বাস চেতনহীন পাষাণে !

বঙ্গবাসীর প্রতি ।

মিশ্র সিন্ধু । কাওয়ালি ।

আমায় বোলো না গাহিতে বোলো না !

এ কি শুধু হাসি খেলা প্রমোদের মেলা,

শুধু মিছে কথা ছলনা !

আমায় বোলো না গাহিতে বোলো না !

এ যে নয়নের জল, হতাশের শ্বাস,

কলঙ্কের কথা, দরিদ্রের আশ,

এ যে বুকফাটা হুখে গুমরিছে বুক

গভীর মরম বেদনা !

এ কি শুধু হাসি খেলা, প্রমোদের মেলা,

শুধু মিছে কথা ছলনা !

আমায় বোলো না গাহিতে বোলো না !

এসেছি কি হেথা যশের কাঙালি,

কথা গেঁথে গেঁথে নিতে করতালি,

মিছে কথা করে মিছে ষণ লয়ে

মিছে কাষে নিশি যাপনা !

কে জাগিবে আজ, কে করিবে কাজ,

কে ঘুচাতে চাহে জননীর লাজ,

কাতরে কাঁদিবে, মায়ের পায়ে দিবে

সকল প্রাণের কামনা ।

এ কি শুধু হাসি খেলা, প্রমোদের মেলা,

শুধু মিছে কথা, ছলনা !

আমার বোলো না গাহিতে বোলো না !



আহ্বান গীত ।

পৃথিবী জুড়িয়া বেজেছে বিষাগ,
শুনিতে পেরেছি ওই—
সবাই এসেছে লইয়া নিশান,
কইরে বাঙ্গালী কই !
সুগভীর স্বর কাঁদিয়া বেড়ায়
বঙ্গসাগরের তীরে,
“বাঙ্গালীর ঘরে কে আছিস্ আর”
ডাকিতেছে ফিরে ফিরে !
ঘরে ঘরে কেন দুয়ার ভেজানো,
পথে কেন নাই লোক,
সারা দেশ ব্যাপি মরেছে কে যেন,
বেঁচে আছে শুধু শোক !
গঙ্গা বহে শুধু আপনার মনে
চেয়ে থাকে হিমগিরি,
ব্রবিশি উঠে অনন্ত গগণে
আসে বায় ফিরি ফিরি !

কত না সংকট, কত না সন্তাপ

মানব শিশুর তরে,

কত না বিবাদ কত না বিলাপ

মানব শিশুর ঘরে !

কত ভায়ে ভায়ে নাহি যে বিশ্বাস,

কেহ কারে নাহি মানে,

জীৰ্ণা নিশাচরী ফেলিছে নিশ্বাস

হৃদয়ের মাঝখানে ।

হৃদয়ে লুকানো হৃদয় বেদনা,

সংশয় অঁধারে যুঝে,

কে কাহারে আজি দিবে গো সান্ত্বনা,

কে দিবে আলয় খুঁজে !

মিটাতে হইবে শোক তাপ ত্রাস,

করিতে হইবে রণ,

পৃথিবী হইতে উঠেছে উচ্ছ্বাস—

শোন শোন সৈন্তগণ ।

পৃথিবী ডাকিছে আপন সন্তানে,

বাতাস ছুটেছে তাই—

গৃহ তেয়াগিয়া ভায়ের সন্ধানে

চলিয়াছে কত ভাই !

বঙ্গের কুটীরে এসেছে বারতা,

শুনেছে কি তাহা সবে ?

জেগেছে কি কবি শুনাতে সে কথা

জলদ-গম্ভীর রবে ?

হৃদয় কি কারো উঠেছে উথলি ?

অঁখি খুলেছে কি কেহ ?

ভেঙ্গেছে কি কেহ সাধের পুতলি ?

ছেড়েছে খেলার গেহ ?

কেন কানাকানি, কেনরে সংশয় ?

কেন মর' ভয়ে লাজে ?

খুলে ফেল দ্বার, ভেঙ্গে ফেল ভয়,

চল পৃথিবীর মাঝে।

ধরা-প্রান্তভাগে ধূলিতে মূটায়,
 জড়িমা-জড়িত তনু,
 আপনার মাঝে আপনি গুটায়,
 ঘুমায় কীটের অণু !
 চারিদিকে তার আপন উল্লাসে
 জগৎ ধাইছে কাঁজে,
 চারিদিকে তার অনন্ত আকাশে
 স্বরগ সঙ্গীত বাজে !
 চারিদিকে তার মানব মহিমা
 উঠিছে গগণ পানে,
 খুঁজিছে মানব আপনার সীমা,
 অসীমের মাঝে ধানে ।
 সে কিছুই তার করে না বিশ্বাস,
 আপনারে জানে বড়,
 আপনি গনিছে আপন নিশ্বাস,
 ধলা করিতেছে জড় !

সুখ দুঃখ লয়ে অনন্ত সংগ্রাম,

জগতের রঙ্গভূমি—

হেথায় কে চায় ভীকুর বিশ্রাম,

কেনগো ঘুমাও তুমি !

ডুবিছ ভাসিছ অশ্রুর হিল্লোলে,

শুনিতেছ হাহাকার—

তীর কোথা আছে দেখ মুখ তুলে,

এ সমুদ্র কর পার ।

মহা কলরবে সেতু বাঁধে সবে,

তুমি এস, দাও যোগ—

বাধার মতন জড়াও চরণ—

একিরে করম ভোগ !

তা যদি না পার' সর' তবে সর,

ছেড়ে দেও তবে স্থান,

ধুলায় পড়িয়া মর' তবে মর'—

কেন এ বিলাপ গান !

ওরে চেরে দেখ্ মুখ আপনার,
 ভেবে দেখ্ তোরা কারা !
 মানবের মত ধরিয়া আকার,
 কেনরে কীটের পারা ?
 আছে ইতিহাস আছে কুলমান,
 আছে মহত্বের খনি, .
 পিতৃপিতামহ গেয়েছে যে গান,
 শোন্ তার প্রতিধ্বনি !
 খুঁজছেন তাঁরা চাহিয়া আকাশে
 গ্রহতারকার পথ—
 অগৎ ছাড়ায়ে অসীমের আশে
 উড়াতেন মনোরথ ।
 চাতকের মত সত্যের লাগিয়া
 ভূষিত আকুল প্রাণে,
 দিবস রজনী ছিলেনু জাগিয়া
 চাহিয়া বিশ্বের পানে॥

আহ্বান গীত ।

তবে কেন সবে বধির হেথায়,
কেন অচেতন প্রাণ,
বিফল উচ্ছ্বাসে কেন ফিরে যায়
বিশ্বের আহ্বান গান ।
মহত্বের গাথা পশিতেছে কানে,
কেনরে বুঝিনে ভাষা ?
তীর্থযাত্রী যত পথিকের গানে,
কেন রে জাগে না আশা ?
উন্নতির ধ্বজা উড়িছে বাতাসে,
কেনরে নাচেনা প্রাণ,
নবীন কিরণ ফুটেছে আকাশে
কেনরে জাগেনা গান ?
কেন আছি গুয়ে, কেন আছি চেয়ে,
পড়ে আছি মুখোমুখি,
মানবের স্রোত চলে গান গেয়ে,
জগতের স্রুথে স্রুখী !

চল দিবালোকে, চল লোকালয়ে,

চল জন কোলাহলে—

মিশাব হৃদয় মানব হৃদয়ে

অসীম আকাশ তলে !

তরঙ্গ তুলিব তরঙ্গের পরে,

নৃত্য গীত নব নব,

বিশ্বের কাহিনী কোটি কণ্ঠ স্বরে

এক-কণ্ঠ হ'য়ে কব !

মানবের স্মৃতি মানবের আশা

বাজিবে আমার প্রাণে,

শত লক্ষকোটি মানবের ভাষা

ফুটিবে আমার গানে !

মানবের কাজে মানবের মাঝে

আমরা পাইব ঠাই—

বঙ্গের দুয়ারে তাই শৃঙ্খলা বাজে—

গুনিতে পেয়েছি ভাই !

মুছে ফেল ধূলা, মুছ অশ্রুজল,
ফেল ভিখারীর চীর—
পর' নব সাজ, ধবু' নব বল,
তোল' তোল' নত শির !
তোমাদের কাছে আজি আসিয়াছে
জগতের নিমন্ত্রণ—
দীনহীন বেশ ফেলে যেও পাছে—
দাসত্বের আভরণ ।
সভার মাঝারে দাঁড়াবে যখন
হাসিয়া চাহিবে ধীরে—
পুরব রবির হিরণ কিরণ
পাড়িবে তোমার শিরে !
বাঁধন টুটিয়া উঠিবে ফুটিয়া
হৃদয়ের শতদল,
জগত মাঝারে যাইবে লুটিয়া
প্রভাতের পরিমল ।

উঠ বঙ্গ কবি, মায়ের ভাষায়

মুমূর্ষুরে দাও প্রাণ—

জগতের লোক স্তম্ভের আশায়

সে ভাষা করিবে পান !

চাহিবে মোদের মায়ের বদনে,

ভাসিবে নয়ন জলে,

বাঁধিবে জগৎ গানের বাঁধনে

মায়ের চরণ তলে ।

বিশ্বের মাঝারে ঠাই নাই ব'লে,

কাঁদিতোছে বঙ্গভূমি,

গান গেয়ে কবি জগতের তলে

স্থান কিনে দাও ভূমি ।

একবার কবি মায়ের ভাষায়

গাও জগতের গান—

সকল জগৎ ভাই হয়ে যায়—

যুচে যায় অপমান !

শেষ কথা ।

মনে হয় কি একটি শেষ কথা আছে,
সে কথা হইলে বলা সবাবলা হয় !
কল্পনা কাঁদিয়া ফিরে তারি পাছে পাছে,
তারি তরে চেয়ে আছে সমস্ত হৃদয় !
শত গান উঠিতেছে তারি অশ্বেষণে,
পাখীর মতন ধায় চরাচরময় ।
শত গান মরে গিয়ে, নূতন জীবনে
একটি কথায় চাহে হইতে বিলয় !
সে কথা হইলে বলা নীরব বাঁশরী,
আর বাজাব না বীণা চিরদিন তরে,
সে কথা শুনিতে সবে আছে আশা করি,
মানব এখনো তাই ফিরিছে না ঘরে ।
সে কথায় আপনারে পাইব জানিতে,
আপনি কৃতার্থ হব আপন বাণীতে !

Barcode : 4990010250372
Title - Kari O Komal
Author - Tagore, Rabindranath
Language - bengali
Pages - 284
Publication Year - 1886
Barcode EAN.UCC-13

